





DR
481
F38
v.3

Fevzi, Mehmet Mazhar
Haber-i sahih

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY





Fevzi, Mehmet Marhar

111

خبر صحیح

Haber-i Sahih

جلد ثالث ۷۳

ایکی فصلی مشتملدر

فصل اول

غازی سلطان مراد ثانی حضرت تلرینک مدت سلطنتلری
اولان (اوتوز) سنه لک وقایعی شاملدر .

اثر

محمد منظر فوزی

۱۲۹۱

۱۸۷۴

DR


481

F38

v.3

خبر صحیح

جلد ثالث



غازی سلطان مراد ثانی حضرتلرینک جالوسی

خانمہ جلد ثانیہ بیان اولندیغی و جہلہ چلبی
سلطان محمد ادرنہ ار-تخالی وقوعندہ ارکان
دولت اماسیہدہ بولنان ولی عہد سلطنت سلطان
مراد ثانی حضرتلرینک تخت عالی بخت عثمانی بی
تشریفلرینی عرض و اعلام ایتمشلایدی .
پادشاہ مشارالیہ اماسیہدن حرکتلہ بروسدیہ
شتابان والتنجی پادشاہ اولہرق (سکزیوزیکرمی درت)
سنہ سی صفرالخیرینک اون یدنجی کونی پدرلرینک
وفاتندن قرق ایکی کون صکرہ اون سکزیباشندہ

بولندقلری حالدہ جالس سریر شوکت مصیر عثمانیان
اولدیلر .

ازمیر اوغلی وسائر حکمداران اسلامیه چلبی سلطان
محمدک روم ایلنده کیفسز بولندیغی زمانی افکار
فاسدهلرینک اجراسنه مساعد بوله رق خلیع العذارانه
حرکاته تصدی ایتمکده ایدیلر .

پادشاه نوجاه بو حکامی تدبیر حکیمانه ایله دائرة
اطاعتده طوتمق مقصدیله جمله سنه استمالتامه لر
نشرایتدی . وبوصورتله فتنه جوبانک افکار
مفسدت آثارینی تعدیل ایله تحسنت غوائله میدان
ویرمامک ایستدی .

لیکن زیرده تفصیل اولنه حق وقعه بنیان مرصوص
الاساس سلطنتی از قالدیکه ورطه اندراسه
دوشیره یازدی .

دوزمه مصطفی وقعه سی

پادشاه بانتهباه اناطولی جهنتک اصلاح وتأمین

احوالیله مشغول ایکن مصطفی نامنده برادم سلا نیکدن
 ظهور ایدرک « تیمور وقعه سنده ضایع اولان شهر زادگان
 یلدرم خاندن مصطفی چلبی بنم » دیو ادعای حق
 سلطنته قیام وغازی اورنوس زاده لرکی روم ایلینک
 مشاهیر امراسی باشنه طویلانوب و (سیروز) قلعه سنی
 بدضبطنه کچیروب ادعاسنی بالاخره عمومه تصدیق
 ایتدیره جک قدر کسب قوت وانتظام ایتدیکی حوادث
 هائله سی سامعه خراش اوله دوشدی .

مصطفی چلبینک تیمور محاربه سنده نابید اولدیغی
 و اوزماندن بری حیات و مماتندن بر اثر ایشیدلمدیکی
 معلوم ایسه ده بوشخص مدعینک ادعاسنی جرح
 وابطال و عمومک قلبندن ازاله اشکال ایده جک
 الده برسند قوی یوغیدی .

خصوصیه بوشخصی میدان مفسدته صالویرن بقای
 حیات حکومتنی دائماً مملکت و سلطنت عثمانیه نک
 اختلال و زوالنده ارایان استانبول ایمراطوری
 (مانوئل) ایدی .

بناء علیه ایشک اہمیتی پک اغر اولدیغندن پادشاہ
ارکان دولتی جمع ایله مشورت ایتدکده وزرادن
(ابراہیم) و (عوض) پاشار (بایزید) پاشانک
رقیبی بولندقلری جہتلہ آنی بر قضایہ اوغراق
املندہ اولدقلرندن بویله تہلکہ لی و نازک بر
مسئلہ ده اغراض خفیہ نفسانیہ لرینی اجرایہ
قالقیشوب مجرد مشارالہی بردشمن قویہ ازدیرمک
اوزره آنک روم ایلی جانبہ کچوبده (دوزمہ
مصطفی) نک جمعینی تفریق ایتسی تدبیرینی اورتایہ
قویدیلر .

بو تدبیرک حسد دن منبعث عاقبتی وخیم بر رأی سقیم
اولدیغنی امرای بنامدن تیمورتاش پاشازاده (امور)
(اورج) و (علی) پاشار هر نقدر بیان
ایتملر سده ابراہیم و عوض پاشارک القاتئی تأثیر
ایتدیکندن بایزید پاشانک برفرقہ عسکرلہ روم ایلی نہ
کچمسی پادشاہ طرفندن امر و اصرار و استانبول
ایمراطوری دوزمہ مصطفی ایله متفق اوله رق استانبول

جهتندن عساكر شاهانه نك عبوزينه موافقت
ايتديكي جهتله بايزيد پاشا (كليبولي) معبرندن
امرار اولندي .

قط دوزمه مصطفى نك روم ايلنده تشكيل ايتديكي
جمعيت اويله بايزيد پاشانك فرقه خفيغه سي نمايشيله
طاغيلور درجده دكل ايدى .

بناء عليه پاشاي مشاراليه بوكيديشك منج موقعيت
اوله ميه جغني بيلديكي ايچون حين عزيمتده پادشاهه
[دوزمه مصطفى دعواي وراثت ايتديكي جهتله
يك چوق ساده دلان اتى دعواسنده محق طاييوب
باشنه طوپلانمش اولدقلرندن شايد يانمده مى عسكردن
دخى او طرفه ميلان حس ايدرده لاجل المصلحه
ساخته اوله رق بن دخى اكا انقياد و دخالت ايده جك
اولور ايسهم خيائمه حل اولماسون] ديهرك
ايلروده اجراسنه مجبور اوله جغني حر كتندن اولجه
تبريه ذمت ايلدى .

في الحقيقه بايزيد پاشا طبقى ملحوظى كبي دوزمه

مصطفیانك اردوسنی غایت منتظم بواوب کنیدی
 رفاقتندی فرقه نك اوطرفه میلانی دخی تحقیق
 ایتسیله ایسترایستز طوغریجه دوزمه مصطفایه
 دخالت و دعواسنك صحتنی یعنی وارث سریر سلطنت
 عثمانیه بولندیغنی تصدیقه مسارعت ایتدی .

دوزمه مصطفی پاشانك قدومندن محظوظ اوله رق
 ابتدا مظهر التغات و اعتبار ایتش ایسه ده طور
 و مشوارندن دخالتنك ساخته اولدیغنی تفرس ایتش
 اولدیغندن سازلی دره نام محمله مشار الیهی اعدام
 ایدویردی .

روم ایلینك عموم امر اسندن ماعداد تدبیر و شجاعتله
 مشهور اولان از میراوغلی (جنید) بك دخی دوزمه نك
 اردوسنه التحاق ایدوب انك وزارتی منصبنده
 بولنوردی .

عرب و مسلم ناملریله دولت علییه ده مدت مدیده
 استخدام اولنان پیاده عسکرینی بومأموریننده میر
 مؤمی الیه تأسیس ایلدی .

بو تدبیر ایلہ بتون روم ایلینک خلقی دوزمه مصطفانک
اردو کاهنه مجتمع اولدیلر . و سلطان مرادی ازاله
ایلہ بروسه تخت کاهنی دخی ضبط ایتک اوزره بر قوه
جسمیه ایلہ کلیبولی معبرندن اناطولی یقه سنه کچوب
(میخالیج) صحرا سنده چادر لرینی قوردیلر .

سلطان مراد بوداهیة دھیانک دفعی مشکل اولدیغنی
بیلور سده بخت و طالعہ استناد و بعض اهل حال دن
روحانی استمداد ایدرک قلیل العدد قوه موجوده سیله
دشمنی قارشولق اوزره (اولوباد) نہری کنارینہ
عزیمتله اردوسنی قوردی .

دوزمه نک الی بیک سواری ویکرمی بیک پیاده دن
مرکب سواد جمعیت دهشت نماسیده نہرک او بر
جانبہ یانلدی .

تیمور تاش پاشا زاده (امور) (اورج) و (علی)
پاشا لر بوصرہ ده پادشاهد بر حسن تدبیر القایتیدیلر
شویله کہ : سلطنت سنیه امراسنک قدما سندن
اولوب مرحوم موسی چلبینک وقعه اخیره سنده

سلطان مراد ثانی

چلبی سلطان محمد مرحوم جانبندن (توقاد) زنداننده
حبس و تسجین ایدلمش اولان مشهور میخال زاده
(محمد بك) روم ایلی امراسنك آشناسی و جمله سنك
پیشواسی اوله رق انلره سوزی تأثیر ایده جکندن
عفو و جلبیله اردوده استخدام اولندیغی تقدیرده
حصول موفقیت مأمول اولدیغنی اخطار ایلمریله
مشارالیهك زنداندن چیقار یلوب کتوراسی ایچون
ادم کوندرلمش ایدی .

سلطان مراد ثانی حضرتلرینك سعادت طالعی
آثارندن اوله دق دوزمه مصطفایه نهر کئارینه
مواصلتی ائنده بر عاف دائم عارض اولوب یعنی
اوچ کون اوچ کیجه بورنندن قان اقوب و جودی
ضعفه دوچار اولسنندن طولای حرب ایله هجومی
بش اون کون تأخیر ایدی .

بو ایام فرصته اطراف و اکنافدن خلیجه عسا کر
عثمانیه طو پلانیدیغی مثلاًو میخال زاده محمد بك
دخی اردوی همایونه یتشدی .

محمد بك موجود اولدیغی حالده دشمنك تنکیل و تدمیری
امر نده عقد مشورت اولندقدن میر مشار الیهك نهر
کنارینه واروب و معروف امرایی قارشوسنه چاغروب
انلره تحویل افکار و حرکت و دوزمه نك بیعتدن فك
رابطه مطاوعت ایتدیرمنك چاره سنی بولسی تنسیب
اولندی .

بوقرار اوزرینه محمد بك کنار نهرده (بره ترك طور
خان) (بره کوهلی اوغلی) (بره اورنوس اوغلاری)
ندای بلندیله امرای مشهوره نك جمله سنی مقابله
خطابنه الدی .

میخال زاده نك یدی سکر سینه دنبرو میدانده نام
و نشانی اولدیغندن امرأ بردن بره صاحب ندانك
میخال اوغلی اولدیغنه اینامدیلسه ده وقتیه بیلرنگه
جریان ایتش اولان سرائر وقوعاتك تعداد و کشفیه
کندوسنی تصدیق ایتدیردکن صکره [بر شخص
مجهولك ادعاسنه قایلوبده تخت سلطنته وراثت
و استحقاقی ثابت و متعین اولان پادشاه شوکت پناهك

اطاعت نیدن چیقق سزك كبی نامدار نه لایق دكل
 سزك بو حرکاتكزك صوکی موجب ندامتدر [کبی
 بر چوق مخاطبات و نصایح مؤثره ایله امرانك
 ذهنلرینی چلیدی . و فرصت الویرنجه جله سزك
 برو طرفه کچملری ایچون سوزالیدی .

دوزمه مصطفی محمد بکك امرایله اولان مخاطباتنی
 ایشیدوب تصادفات حسنه دن اوله رق بر کچه
 کچید محاندن اردوی همایونه شېخون طریقله هجوم
 ایتدیردیکی بش بیک قدر عزب عسکری دخی اولجه
 تحقیق کیفیتله امور پاشا رفاقتنده اوله رق کچید
 محله تعیین ایدلمش اولان عساکر شاهانه نك
 مقابله وصولتیه فنا حالده هزیمت واسارته دوچار
 اولدیغندن دوزمه مصطفی بو هزیمتی مخصوصی ظن
 ایدرئ یاننده کی امرادن اعتمادی بوزلمش ایدی .
 وزیر عوض پاشا دوزمه یه نزدنده بولنان روم ایلی
 امراسنك جله سی کندوسنه غیر صادق و اردوی
 بادشاهی طرفیندن هجوم اولمنسی مقرر اولان بر کچه ده

کندوسنی طوتوب پادشاهه تسلیم ایتکه متفق
اولدقلرینی متضمن زیاکارانه بر مکتوب یازوب
کوندرمش اولدیغی مثلاًو امور اوروج وعلی پاشا
دخی از میر اوغلی جنید بکه [سز عداد ملوکدن
صاحب مکنت بر ذات شجاعت سیرت بولندیغکز
حالده او یله مجهول النسب بر مدعی کاذبه تبعیتله
انک وزارتنه دخی تنزل ایتکز شانکره شین دکلیدر ؟
بالجمله امر ا دوزمه مصطفانک ساخته اولدیغنی
اکلادقلرندن بو طرفدن شخون اولندیغنی کیجه
دوزمه بی اللریله طوتوب حضور پادشاهی به تقدیم
وتسلیم ایتکی قرارلشدیر مشلردر . او حالده سز کده
فلاکتیه اوغرایه جغکرده شبهه یوقدر . همان لیله
مصممه نک حاولندن اول پادشاهه دخالتله اظهار
ندامت واستدعای عفو و مرحت ایتکز سزه بادی
نجات و سلامتدر [مألنده بشقه بشقه مکتوبلر
یازوب کوندر دیلر .

عوض پاشانک مکتوبی دوزمه مصطفایه و پاشارک

مکتوبلری دخی جنید بکه بالوصول هر ایکسی
الدقلری مکتوبلری بربرینه کوسستروب مضمونلرنده
مطابقت بولمستندن و دوزمه نك ذاتا میخال زاده نك
مخاطباتندن طولایی یری پرلنش اولمستندن ناشی
ایکیسیده حیرت و دهشته دوشدیلر .

عوض پاشا مکتوبنده تعیین ایتدیگی کجهده
عسا کر عثمانیه بی کندی قومانده سنه الهرق ضرب
طبول و سورها و غلغله صدای دهشت فزا ایله نهردن
قارشویه کچیرمکه باشلایجه کرک دوزمه مصطفی
و کرک جنید بک ارتق ثبات ایده میوب فراریولنی
طوتدیلر .

روم ایلی امراسی میخال زاده نك ذکر سی سبقت ایدن
خطابت حکمت بلاغتی ثمره سی اوله رق نه مقابله
نه ده فرار قیدنده اولمقلرندن عوض پاشا دوزمه نك
اوتاغنی و اسباب احتشامنی ضبط ایله برابر پادشاه
بختیار سلطان مراد جلیل الاثاره تبشیر ظفر و درحال
نهر اوزرینه برکوپری قوردیروب تسهیل مرور

شاه و عسکر ایتدی .

ایرتسی کونی علی الصباح پادشاه مـ و کب هما یونیه
قوریلان کو پریدن مر و رایتد کده روم ایلی امراسی
ایتدکاری کستاخلقلرندن خجیل اولدقلری حالده
اشک ندامت دو کهرک کفن در کردن بارگاه مرحت
اکتناه پادشاهی به دخیل دوشدیلر .

وزیر ابراهیم پاشا بو امرانک قتل و اعداملریله
اجرای سیاست اولنسی طرفنه سلطان مرادی
سوق و تشویق ایتدیسه ده سوزینی تأثیر ایتدیره مدی
عوض پاشا و میخال زاده محمد بکک رجا و شفاعتلیله
جمله سی عفو عالی به نائل اولدیلر .

کله لم دوزمه مصطفانک حالته :

مومی الیه لیلہ معهوده ده اردو کا هدن بعض ایاقدا شلریله
فرار ایدنجه روم ایلینه کچمک اوزره ساحل بحری
اوزلیوب (بیغما) قاضیسی واسطه سیله تدارک
ایده یلمدیکی سیفنه یه را کبا کلیولی یه کذار و اناطولی
ساحلنده نقدر سفاین وارا یسه اردوی همایونک

مرورینه یراماق ایچون ساحلدن ابعاد ایتشیدی .
پادشاه مظفر سپاه فرازیلری تعقیب و بیغا ساحلده
سوق موکب یوردی .

جنید بکک ایدین طرفنه و دوزمه مصطفانک
دخی روم ایلینه قاچدقلری نمایان اولدی .

دوزمه نک شاید ایاغی دوز باصه جق اولور ایسه
ینه توینی دوزوب میدان چیمسی ملحوظ اولدیغندن
ارقه سی براغلیه رق دردست ایله ازاله وجودی
ایجاب مصلحتدن اولمسیله همان قارشویه
کچلمک ایستلندیسه ده بیغاولابسکی ساحلارنده سفینه
بولنه مدیغی جهته ارکان دولت اضطرابه
دوشدیله .

کلیبولی عاملی بولنان طهارتسز خطیب لقبیله ملقب
ذات ابراهیم پاشانک منسوباتندن بولنمسیله هر نه
صورتله ممکن ایسه سفاین تدارک ایتک اوزره پاشای
مشارالیه عامل مومی الیه بر یوزکج واسطه سیله
برمکتوب کوندروب اوئناده بالتصادف کلیبولی به

کلمش اولان جنویرلی برفرنک سفینه سنی عامل
مومی الیه خفیابش بیک التونه بالارضا استیجار
وکیجه این قارشویه امرار ایتدی .

اک شجیع عسا کردن تحملی قدر بوسغینه یه دلاورلر
ارکاب اولنده رق کلیولی یه مرورو بونلرک زور بازوی
جلادتلر یله کلیولی لیماندن ضبط ایدیلان بر قاج
سفاین دخی اناطولی ساحلنه کچیریلوب موکب
همایون دخی عبور ایتدیرلدی .

دوزمه مصطفی موکب شاهانه نک مرورندن خبردار
اولنج ادرنه یه طوغری قاچق ایسته دیسه ده
اردوی همایون ارقه سندن ایرلمدیغندن ادرنه ده دخی
پایدار اوله میه رق ابتدا ظهور ایتدیکی سلانیک
جهتترینه فرار ایدرکن یاننده بولنان اشخاص
سلامت یقه سنی بوله میه جقلرینی اکلا یوب کندورینی
عفو ایتدیرمکه وسیله اولق اوزره مومی الیه طوته رق
تعقیبه مأمور اولان عسا کر عثمانیه یه تسلیم ایتدیلر .
مومی الیه ادرنه ده حضور پاشاهی یه کتورلدکده

ادرنه قلعه سنك برجته صلب ايتديرلدى .

§

خاطره

بوشخصك ادعائى مورخلرك تحريرو بيانلرى وجهله
 حقيقه باطلى ابدى ؟ يوقسه صحى اولاد يلديرم
 خاندن تيمور وقعه سنده ضايع اولدى دينسلان
 (مصطفى چاي) اولوبده بيوك برادرلرينك امارتلى
 ائنده ميدانه چيتمش اولسه سنا و اقتدارا حكومته
 استحقاق سزلغى جهته كندى حائنده يشاق ايستسه ده
 امثال عبيدهسى كى عدم آباءه كوندريلور قورقيسيه
 بوزمانه قدر اختلافى ايتدى ؟ شوايكي جهت
 دخى احتمال عقلى به محمول و احتمالينك برينه قطعيجه
 حكيم ويرمك نورخه كوره مشكلدر . چونكه
 روم ايلنده بولنان امرا و خصوصيله ازميز و اورنوس
 اوغلارى كى صاحب مكنت عظمى بوكا تبعيت
 ايتديلر . بونلرن ايچنده حسق و باطلى فرق ايدر

عقل و نظر صاحبی هیچ کیمسه یوقیدی ؟
ثبوت نسبته مدار اوله جق قدر میدانه دلائل
قویعسزین بیاغی بر حریفک (بن مصطفی چلبی یم)
دیمسیله او قدر خلقک تصدیق ایدیورمسی غریب
بر ماده در .

لکن مادامکه هب مؤثر خلر احتمال اولده اتحاد
و بوم مصطفای تاریخلرنده مدعی کاذب معناسنه
اوله رق (دوزمه) لقبیله یاد ایتشلردر . بزده انلرک
اثرندن ایربله مدق . مؤفی السیه هر نه ایدیسه
دهاتدن برشی ایمشکه هم (بزانتن) ابمراطورینک
اتفاقنی همده دولت علیه نک الکزیده قوه عسکریه می
اولان روم ایلی طاقنک مطاوعتنی قراندی . واقعا
سلطان مراد ثانی حضر تلرینک بخت خداداد لرینک
غلبه سیله و میخال زاده نک نهر کنارنده اجرا ایتدیکی
تدابیر نقطیه سی تأثیر یله ایشی باشه چیقاره مدی
فقط نتیجه مر امه وصولنه دخی اسباب ظاهر یه دن
هیچ بر حائل قالمیدی . بناء علیه دولت علیه او وقت

پك بيوك برتهلكه پكيرمش اولدى .

§

مصطفیٰ چای حادثه‌سی

سلطان مراد ثانی حضرتلری دوزمه مصطفانك غائله‌سی بتیرد کدن صکره استانبول ایمپراطورینك دوزمه ایله بالاتفاق سلطنت سنیه علیهنه کوستردیکی اساتدن طولای تأدیب وتنکیلی ضمنده استانبولی محاصره ایتشیدی . بو محاصره ایله اوغراش-ورایکن ام الفتن چرخ هزار شوهر تولید فتنه آخر ایتدیکندن ترك محاصره ایله اناطولی به حکمکه مجبور اولدی .
تفصیلی شودرکه :

پادشاهك كوچك برادری اولوب پدرلری سلطان محمد مرحومك زمانلرنده حمیدولابنه والی تعیین بیوریلان شهزاده (مصطفی چای) بی (کرمان) و (قرمان) اوغلاری القای هوای سلطنت واستقلال ایله اضلال و پادشاه روم ایلنده استانبول

محاصره سیله مشغول ایکن بروسه بی ضبط ایتک
اوزره یانسه حشرات کلیه ترقیقیه سوق وارسال
ایتدیلر .

شهرزاده مشارالیه هنوز نابالغ اولوب مدبراموری
لالاسی بولمان (شرابدار الیاس بک) ایدی .

شهرزاده بروسه نیک خارجنده (فدییه قزاقی) دبنیلان
قریه یه نزول ایتدکده بروسه اهالیسی قلعه و مملکته
استحکام و یرمکه برابر و صایای معقوله ایله شهرزاده بی
افکارندن فراغت ایتدیزمک و مملکتی محاصره
بلیه سنه دوشیرمامک اوزره (اخی یعقوب) و (اخی
خوشقدم) نامنده ایکی معتبر ذاتی هدایای مناسبه
ایله شهرزاده یه کوندردیلر .

بوذاتلر شهرزاده ایله ملاقات ایتدکلرنده شهرزاده نیک
تاج و تخت و بالاستقلال سلطنته استحقاقنه متعلق
بر طاقم مقدمات خلوص کارانه سردندن صکره
اهالی مملکت مادامکه سنا اکبر و اولجه مالک
سریر و افسر اولان سلطان مراده تبعیت ایتشلر

شمدی رضالریله مملکتک شهراده یه تسلیمی خیانتی
ارتکاب ایدهمیه جکرینی وقلعه و شهرک استحکاماته
و مستحفظلرینک اکثرته نظرا حصر و تضییق ایله
تیز و قتده تسخیری ممکن اوله میه جغنی و پادشاهک
دخی قریبا قوه کایه ایله کلسی مأمول اولدیغندن
شمدیلک تسخیری آسان دیکر بر مملکتده توجه ایله
اوراسی اله کتوریلرک حصول مطلبه بر طریق
سهولت بولمق مناسب اوله جغنی اهالی اسانندن
اولق اوزره بیان ایتدیلر .

شهراده نک مدبر امورلری اهالیـدن یوز بوله میوب
زور بازو ایله دخی بروسه نک استیلاسنه دسترس
اوله میه جقلرینی اکلا دقلرندن شهراده یی تسخیری
قولای عدا یتدکاری (ازنیق) شهرینه قالدیروب
اوراسنی محاصره ایلدیلر .

ازنیق محافظی بولنان فیروزبک زاده (علی بک)
دخی قویا مدافعه یه باشلادی .

بووقرعات پادشاهک مسـموعی اولنجده روم اینچه

لازم کلان تدابیری اتخاذ ایتدکدن مکره موکب
شاهانه استانبول محاصره سندن فراغته حرکت
ایتدی .

فقط شهرزاده نك اردوی همایونك قارشویه حرکتی
ایشیدنجه ثبات ایده میسرك الدن قاجیرلسی ملحوظ
اولسيله موکب همایون واصل اولنجه به قدر شهرزاده نك
اوراده ثباتی موجب اولق اوزره ازنیق حصار نك
صلح واستیمان طریقيله شهرزاده به تسلیم ایدلسی طرف
پادشاهیدن خفیا علی بکه امر و اشعار و شهرزاده نك
اویالندیریلوب اله ویرلسنی تسهیل ایتدیکی حالد
اناطولی بکار بکیدی منصبيله مکافات اولنه جنی دخی
شر ابدار الیاسه وعد واز بار اولندی .

بوواو امرك ازنیقه وصولنده محاصره دخی فرق
کونه وارمش ایدی .

علی بك الدیغی امر موجبجه همان بالاستیمان قلعه بی
شهرزاده به تسلیم مسارعت و شر ابدار الیاس دخی
شوکا بوکا . مناصب و تیمارات توجیه ایتدیمرمک کی

لذت احکام حکومت و عیش و عشرت ایله شهزاده بی
 آورده جق اسبابك استحضارینه غیرت کوستردی
 اردوی همایون ایسه ایاق ایاق از نیقه یاقلاشمقده
 اولدیغندن کرمان و قرمان رؤسای شربدار الیاسك
 طومنی بکیموب شهزاده بی قاجیرمغه سعی ابتدیلر سده
 شربدار الیاس انواع حیل و دسایس ایله وقت
 کچیروب قاجرغه میدان ویرمدی .

انلر بو حالده ایکن اردوی همایونك طلیعه سی
 از نیق خارجنه و اصل اوله رق شهزاده طاقندن
 (تاج الدین) اوغلی مقابله یه قیام و ظهور ایدن
 محاربه ده طلیعه سرداری مجخال زاده بی اعدام
 ابتدی .

متعاقبا پادشاه هیئت اردوی همایون ایله ظهور
 ایدنجه خصم پریشان و برطاقی تحصن قصدیله
 قلعه یه شتابان اولدیلر .

شربدار الیاس ایسه بیچاره شهزاده مصطفائی
 طوتوب حضور پادشاهی یه کوتوردی .

امثالی حقنه جریان ایدن قاعده بو طالع سز شهرزاده
حقنه دخی اجرا یعنی اسایش عمومی بی محافظه
بوغیریلوب نعش مغفرت نقشی والد ماجدی
تر به سینه دفن اولمق اوزره بروسه یه اسرا قلندی .
(رحمة الله علیه)

میخال زاد بی اعدام ایدن تاج الدین اوغلی دخی
بر طاق کومسندده مخفی بولنوب میخال زاده فاملیایی
یدلرنده تلف اولدی . بو حادشه (سکن یوز یکر می
القی) تار بنخنده وقوعه کلشدر .

خاطره

« قرمان و کرمین اوغلارینک مجرد خاندان عثمانی
علیهنده اولان تصورات باطله لرینی بر نتیجه یه
چیقارم بیلک زعمیه هنوز خیر و شری تمامیه فارق
وسنا لیاقه سریر سلطنته لایق اولیان بر معصوم
شهرزاده بی الت ایدوبده بیوجه اراقه دمای مسینه
و شهراده نک دخی ائت زند کانی بندها کام المدن

تلفنه سبب اولماری نه بیوک انصافسزلق نه بیوک
غدارا قدر !!!

شرابدار الیاس دینیلان شخص لئیمک دخی بر منصب
بی بقای دنیا ایچون ولی النعمتی الیه پنجه قهر
پادشاهی به تسلیم ایدیشی نه دنائت نه اهاندر !!!
حالبوکه شخص مرقوم بوخیانت واسطه سیله
نامه نازل اوله میوبینه سلطان مراد ثانینک قلیچیه
جزای مالیه قنی بولمشد .

§

سلطان مراد بوجه محرر اختلالات داخلیه نک
دفعه نه موفق اولدقدن صکره دیوان همایونلرنده
وزرانک تعددینی موافق مصلحت کورد میوب ابراهیم
وعوض پاشاردن ماعداد وزرای بر طرفه مأمور
بیوردیلر .

یعنی (امور) پاشایی سفارتله کرمان اوغلی
نزدینه ارسال و برادری (اورج) پاشایی اناتولی
بکر بکیلکنه و (علی) پاشایی صاروخان سنجاغنه

ولالاری (یورکج) پاشایی دخی امامیه سنجاغنه
تعیین واسبال ایتدیله .

اسفندیار بک وقعه سی

پادشاه بروسه ده بولندقلری حالدیه (سکزیوزیکرمی
یدی) سینه سنده (قسطمونی) حکمداری
(اسفندیار) بکک ممالک محروسه عثمانیه تجاوزله
(طراقلی بوری) حصارینی محاصره ایتدیکی خبر
ویرلدیکندن دفع و تنکیلی ایچون موکب همایون
درحال بروسه دن حرکتله (یکیشهره) واورادن
(بولی یه) طوغری یوریدی .

جلد ثانیده بیان قلندیغی وجهله اسفندیار بکک
اوغلارندن قاسم بک چلبی سلطان محمد زماننده امرای
دوات علیه سلیکنه دخالت ایتیش اولمسیله بودفعه
دخی رکاب ملوکانه ده بولنشیدی .

اسفندیار عسکرینک برطاقی قاسم بکک تشویقیله
اردوی همایونه کچمش اولدقلرندن (بولی)

جوارنده ظهوره کلان محاربده اسفندیار یلر منهرم
و پریشان اولدیلر .

اسفندیار بك میدان حر بدن سینوب قلعه سنه قدر
قاچدی .

اشنای حربده قیوجی باشی (یخشی) بکک اوردیغی
بر قلیج صدمه سیله اسفندیار بکک قولاق لری صاغر
اولدیغی مرویدر .

اردوی همایون اسفندیار بکک هزیمت و فرارندن
صکره ایلر و لوب (قسطمونی) و (باقر کوره شی)
بلا مزاحم طرف پادشاهیدن ضبط اولندی .

اسفندیار بك حرکات واقعه سنک بوصورته
نتیجه ویرمسنندن طولایی نادم و سینوبده دخی
محافظه حیاته مقتدر اوله میه جغنه جازم
اولدیغندن پادشاهک عفوینی دیلمکدن بشقه چاره
بوله مدی . و استرحام ایچون دیگر اوغلی مراد
بکی حضور پادشاهی یه اسرا و بوبابده یازدیغی
عریضه سنده کریمه سی خاتک تزوجیله حرمسرای

ملوکانه قبولی رجا ایتدی .

ارکان دولت الدقلری هدایایه مقابل اسفندیار بکک
رجاسنی ترویج ایتدکلرندن سلطان مراد طرفندن
دخی قبول بیورلدی . ومو کب همایون بروسه یه
عودت و اشاغیده بیان اولنه جنی وجهله افلاق
حاکمک ممالک شاهانه یه تجاوزی مناسبته
بروسه دن دخی ادرنه یه نهضت ایلدی .

§

بو ائنده وزیر عوض پاشایه خه عاسی خیانت
اسنادیله پادشاهی اغضاب ایتدکلرندن و پاشای
مشار الیهک نفسی دشمنلرندن محافظه ایچون البسه سی
النده سلاح طاشیمده اولمی ار باب نفاقک سوزلینه
تقویت و یردیکندن مشار الیهک کوزلینه میل
چکدیککی مرویدر .

§

افلاقه فرقه عسکریه سوقی

سلطان مراد طرف معتمد اسفندیار بکک اوغراشور

ایکن افلاق حاکمی (درافوله) نك سلسره جانبدن
 درون ممالك محروسه ده کچوب خساراته جسامت
 ایتدیکی حوادثی الندی .

اناطولیجه اولان اختلال مندفع اولدقچه پادشاهك
 بالذات روم ایلهنه کچملری نویه میه جغندن حاکم
 مومی الیهك مجازات لایقه سی صکره اجرا اولمق
 اوزره اردوی همایونك عودت ومواصلته قدر مدافعه
 ایتسی افلاق حدودی محافظه سنه مأمور امرادن
 (فیروز) بکه حواله بیوریلوب فیروز بك السدیخی
 امر موجبجه حرکته دشمنی رجعته مجبور ایتدکن
 ماعدا افلاق دیاری ایچنه الغار ایدرك درافوله نك
 تعدیات واقعه سنه مقابل افلاق ممالکك
 اتنی اوستنه کتوردی .

متعاقبا پادشاه دخی اسفندیار بك وقعه سنه
 دلخواهی وجهله مظفر اوله رق ادرنه پای تختنه
 رجعت وروم ایلهنه انقای هیت بیورملریله درافوله
 جرئت ایتدیکی اسائندن طولایی تأدیبات شدیدیه

او غرایه جغنی اکلا یوب تلاشه دوشدی .
 موکب شاهانه ممالك افلاقه یوریمکسزین غضب
 ملوکانه بی تسکین ایتک واستحصال عفو ایتک
 اوزره دراقوله ایکی سنه لک جزیه بدلی واغرهدایا
 استصداینه ایکی نفر اوغلیله برلکده ادرنه یه کلدی .
 وارکانک تو سسطیله عتبه ملوکانه یوز سورروب
 نائل عفو و مرحت اولدی .

§

سنه مر قومه ده ارناودلرک دخی طغیانلری ظهوره
 کلدیکندن اورنوس زاده (عیسی) بک عسا کر
 کافیه ایله ارناودلرک تربیه سنه مأمور بیورلدی .

پادشاهک تزوجی

پادشاه جم جاه آسیا واوروپا جهتلرنده تحدت ایدن
 غوائلی بروجه مشروح برطرف ایتد کدن صکره
 (سکن یوز یکرمی سکن) سنه سنه ادرنه سن
 بروسه تختگاهنه عودتله ملوکانه بر سور ترتیب

و مقدمه قرار شد برلیدی و جهله اسفندیار بک
 کریمه محترم لری جلب ایدرک کندیلری ازدواج
 بیوردقلری کی حمله نشین سرپرده عصمت اولان
 اوچ نغر همشیره لردن برینی اسفندیار بک زاده
 (قاسم) بکه و برینی و و خراوارنه محاربه مشهوره سنده
 شهید اولان (قره جه) پاشایه و دیگرینی دخی
 وزیر اعظم خلیل پاشانک مخدومی (محمود) چلبی یه
 تزویج ایتدیلر .

منتشا دیارینک تکرار تسخیری

منتشا بلادی سلطان بایزید یلدییم زماننده مالک
 محروسه یه الحاق بیورلش ایدیسده تیمور وقعه
 معهوده سی اثناسنده ینه منتشا اوغلارینک ضبطنه
 کچمش ایدی .

بو صورتله منتشا حکومتنده بولنان منتشا اوغلی (یعقوب)
 بک وفاتی وقعه یله حکومت مز بوره یه بالورائه
 مالک اولان اوغلی (الیاس) بک بواثناده ارتحال ایلدی .
 مومی الیه الیاس بک حین حیاتنده مخدوملری

(او بس) و (احد) بکری خدمت پادشاهیده بولمق
ایچون مقما پای تخته کوندرمش اولمسیله بونلر
رکاب شاهانه ده بولنورلر ایدی . بونلر پدرلرینک
وفاتی ایشدکلرند منتشا حکومتی ضبط اتمک افکار یله
نزد پادشاهیدن فرار ایتدیله .

بو بکرک بوجیهله رخصتسز صاوشملری پادشاهک
اغبارینی موجب اولدیغی مثللو ممالک محروسه یه
ملاصق و مختلط اولان بوی حکومتلرک هر بار
مضرتلری چکلمکده اولمسنه مینی بونلرک ممالک
محروسه یه الحاقلری ایجابات ملکیده دن معدود
اولدیغدن فرار ایدن بکرک بالاعتیب طوتدیریلوب
توقاد قلعه سی محبسند کوندر یله رک منتشا ولایتی
(سکرز یوز بکر می طغوز) سنه سنه (بلبان)
پاشایه توجیه ایله ممالک عثمانیه عدادینه الحاقی
اولندی .

مومی الیهما او بس و احد بکر ایکی سنه قدر
توقاد محبسند، قالدقلری حالده بر صورتله محبسدن

فرار ایدوب احمد بك دیار بکره واورادن مصره
 واورادنده ایرانہ قدر قاچہ رق نام ونشاننی غیب
 ایدہ بیلش ایسہدہ زواللی او یس بك فراریوانی
 سو کدیرہ میوب ینہ توقاد ضابطلری یدینہ دوشمش
 و امہ پادشاهی ایله قلعه دزداریله برابر اعدام
 ایدلمشدر .

ازمیرك تسخیری

دوزمه مصطفی حادثہ سہندہ از میر اوغلی جنید
 بكك ایتدیكى اسئت دولتجه اونودلیوب دهامهم
 غوائل ملكیه حیلولتیه اكا صره کلامش ایدی .
 جنید بك خطیئات سابقه سنی پادشاهه عفو
 ایتدیردك برمسلك طومق ایجاب ایدرکن بالعکس
 ممالک محروسه یه ایقاع خسار اتدن وایدن والیسی
 (یخشی) بکله چارپشتمدن کیروطورمدی .
 بوائنادده مشارالیه یخشی بكك برادری (سمنان)
 بکی برحیله ایله اله کتوروب اتلاف ایتدی .
 جنید بكك جنایات سابقه سنه منضم اولان سیئات

لاحقہ سی اوزرینہ تادیبی والندن از میرک استخلاصی
ضمینده اناطولی بکر بکی (اوروج) پاشا عساکر
کافیہ ایلہ مأمور اولہ رق مشارالیه بخش بک دخی پاشای
مشارالیهہ ترفیق بیورلدی .

(اوروج) پاشا اردوسی از میر اوزرینہ بیورینجہ
جنید بک (ابسلہ) قلعه سنہ قاچوب تحصن ایتدیکنندن
اوروج پاشا دخی محاصره قیدندہ اولمایوب از میر
اراضیسنندن عساکر عثمانیہ نک ایاغی باصددیغی
یرلری تیمار اولق اوزره سپاہ طاقہ توزیع ایدرک
رجعت ایتدی .

عساکر عثمانیہ چکیلور چکامز جنید بک ینہ تبحاوزات
مضرہ بہ باشلادیغندن پادشاه و کلا وارکانی
حضورینہ کتوروب [بر از میر اوغلنک حقندن
کلنموبده مالک محروسہ من رعایاسنک انک خسار اتہ
اوغرادلسی سزک اہمال کزدن ایلرو کلیور]
دیہرک تکدیر و تو بیخ ایتسیلہ و اووالق اوروج
پاشانک وفاتی وقوع اولہ رق اناطولی بکر بکیلکنہ (جزہ)

بك تعین بیورلسیله ارکان دولت پادشاهك تو بیخاتنه
 قارشو كندولندن ازاله تهمت یوانده اوروج پاشانك
 عیش و طریبه میلندن ناشی كچن سفر ایش
 كوریله مدیسه دده شمدیكى بكار بكي حزه بك
 بهادر و جنك اری اولدیغندن انك سوفیله تلافی
 مافات اولنه جغنی عرض و بیان ایتدیله .

بونك اوزرینه حزه بك قومانده سیله جنید بكك
 اوزرینه قوتلیجه براردو سوق اولندی .

بواردو ازمیره طوغری یوریوب صاروخان ملحاتندن
 (اق حصار) حوالیسنه وصولنده جنید بكك اوغلی
 (قورد حسن) بك اردوینی قارشولیوب محاربه یه
 كیرشدی ایسده طیهانه میوب کیرویه رجعتله باباسنك
 جمعیتله برلشدی . و باباسیله برلکده تکرار عساکر
 عثمانیه اوزرینه هجوم ایتدی .

قورد حسن بو کلیشهنده اردونك بر جناحنی بوزمش
 اولدیغندن غلبه سنه مغرور اوله رفق بوزلمش عسکری
 تعقیبه صالدیددی .

لكن انك ايرلسنندن جنيد بكك جهمينه ضعف
وقت كاديكنندن و بكار بكي حزه بك بوفرصتي
فوت اتميه رك همان عسكري هجوم ايتديرديكندن
جنيد بك طاقى پریشان و پك چوغى ميدان حربده
بيچان اوله رق كندوسيده از مير قلعه سنه قاجدى .

قورڈ حسن باباسنك فرارندن بي خبر اولديغي حالده
تعقيبندن كيرو دونوب متهم - و رانه اردوى عثمانى
ايچنه كي رنجه كندى اياغيله طوزاغه طوتاش كرك
زيانكار كي يقه يي اله و يردى .

عساكر عثمانيه قورڈ حسنى قيد و بندايله در حال
از مير قلعه ستى صارديلر .

جنيد بك شفقت ابوت سائقه سيله شايد الده بولنان
اوغلنه مرحت ايدرده تسليم اولور ملاحظه سيله
حزه بك جنيد بكه تكليف اطاعت ايتديسه ده جنيد
بك اورالده اوليوب مدافعه يه قيام ايلديكنندن
اردوى عثمانى دخى محاصره يه دوام ايتدى .

مرويدر كه : اثنای محاصره ده بر كون جنيد بك

قرق قدر سواری ایله قلعه دن چیقوب و برق خاطف
 کبی محاصرینک ایچندن کچوب استمداد ایچون قرمان
 اوغلی نزدینه کتمش ایسه ده قرمان اوغلی اعانه یه
 جسارت ایده مدیکندن ینسه عودتله چیقدیغی
 منوال اوزره کمال سرعت وجسارتله اردوینی یاروب
 قلعه یه کیرمشد .

جنید بکک شو جسارتی فوق العاده در . لکن
 جه فائده ایام محاصره ممتد واجلقدن محصورینک
 حالاری مشتمد اوله رق نهایت استیمانه مجبور
 اولدی .

جنید بک و یریلان امان اوزر ینسه قلعه دن اردویه
 چیقدی . ایدین والیسی یخشی بک و امرادن
 (بالته اوغلی) و (خلیل) بک بالاتفاق حمزه
 بکه طو پور مقسزین جنید بکی و اوغلی قورد حسن
 بکی اعدام ایتدیلر .

یخشی بک مقدا جنید بکک النده تلف اولان
 قرداشیک انتقامنی المی زعمیه اولاقورد حسنی

باباسنک کوزی اوکنده بوغازلش و صکرده جنید بکی
اولدرمش اولدیغی مسطور صحایف توارینخدر .

« جنید بکه اردو قوماندانی طرفندن امان و برلشیکن
انک اعدای مغایر شرع شریف اوله رق بوندن
طولایی امرای مومی الیهکمک اوچیده غدار طمانق
لازم کلور سهده یخشی بیکک قورد حسنی باباسنک
کوزی اوکنده بوغازلسی شیخ انصاف و انسانیت
یا قشدرلر و وحشیانه خونخوارلقدردر »

هر نه ایسه بو صورتله از میر اوغلی فاملیاسی منقرض
اوله رق از میر قلعه سی و توابعی تماما داخل سلاک
ملک عثمانی اولمشدر .

§

پادشاهک روم اینله مروری و تکه لی اوغلی مسعودی

صرب قرالی (لازارینک) بو اراق سرحدات
نالک شاهانه یه ایراث مضرتدن خالی اولدیغی
منیر محمد امیر اسنان اسحق بیکک مندوزی (دلی

پاشا) دینکله شهرت بولان پاشا بیکی طوتوب
 حبس ایتدیکی حضور پادشاهی یه عرض اولندی .
 بو حوادث پادشاهک صربییه اوزرینه حرکتلرینه
 باعث اوله رق (سکز یوز اوتوز) سنه سی اوائلنده
 موکب همایون بروسه دن حرکتله ادرنه یه مواصلت
 واوراننده صوفیده طوغری نهضت بیوردی .

هرنه زمانکه دولت علیه نک روم اینجه برغائله سی
 ظهور ایتسه قرمان اوغلارینک اناطولجه برفته
 او یاندر ملری عادت حکمنده در .

ایشته بودفعه دخی پادشاهک صربییه اوزرینه
 حرکتنی قرمان اوغلی ایشیدنجه مقدا دولت
 عثمانیه نک شمشیر قهر و تأدینه اوغرامق
 قورقوسیه دیار قرمانه فرار والتجا ایدن تکه لی اوغلی
 (عثمان چلبی) بی یکیدن تکه ولایتنه مالک ایتک
 افکار یله اوحوالینک آسایشنی اخلال وزبرده
 تفصیل اولنه جنی وجهله ممالک محروسه دن
 (انطالیه) بی حصر و تضییقه جرئتله دولت علیه

ایله منعقد اولان عهد و میثاقی پامال ایتدی .
 بو حادثه معلوم شاهانه اولدقدن کندوری ادرنه
 تختگاهنده اقامتله هر ایکی جهتک غائله سنی ازاله
 ایچون تدابیر مقتضیه اجرا سنی تنسیب و صریبه اوزرینه
 عساکر کافیه ایله روم ایلی بککری بکیسی (سنان)
 پاشایی سوق و تسریب یوردیلر .
 سنان پاشا دلاوران عساکر عثمانیه ایله صرب دیارینه
 هجوم ایدوب اول زمان صریبه نک مقر حکومتی
 بولنان (الهجه حصار) ی ودها سائر دیاری
 تسخیر ایتدی :

اناطولی احوالنه کلنجه *

قرمان اوغلی بروجده محرز سلطان مرادک روم ایلنده کی
 غائله سی اردسنده بر تاقیه قایمق سوداسیله اولاتکده کی
 اوغلانی بعض او باش عساکرله تکه دیاری ایچنه
 کوندروب کندوس سیده ارقه دن یتشمک ازوره تهیه
 اسباب سفریه و حریبه باشادی *

تکه کی اوغلی تکه اتراکندن خیلی جمعیت پیدا

ایدرك انطاليه يه طوغرى يوریدی .
 طرف دولت علیه دن انطاليه حکومتده بولنان
 (فیروز) بك بواشناده وفات ایتش بولنسیله قلعه
 خلقی باشسز بوغسز قلعه نك محافظه سندن وکله جک
 دشمنه مدافعه دن مأیوس ایدیلر .

مومی ایله فیروز بکک مخدومی اولوب (قره حصار
 صاحب) محافظی بولنان (حزه) بك پدرینک
 ارتحانندن وقرمان و تکه لی اوغلارینک انطاليه
 قلعه سنه سوء قصدلرندن خبردار اوله رق قره حصار
 محافظه سنی معتمد بر ادمنه تفویض ایله در حال
 انطاليه عزیمت و قلعه نك تقویه استحکاماته
 مسارعت ایلدی .

تکه لی اوغلی عثمان چلبی جمعیت کثیره ایله انطاليه
 قریب (استانوس) یا یلاسنه کله رك اوراده
 قرمان اوغلنک ورودینه انتظارا توقف ایتدی .
 حزه بك قرمان اوغلیده کلوب ایکی قوت
 برلشمکسزین عثمان چلبی ایی ولدینی محله بدن بره

باصوب انی اورتادن قالدیرمق تدبیرینی تصور و بونی
کون کورمش بعض ذاتلرله مشورت و تذکر ایدوب
فقط کندوسنک بالذات عزیزتی قلعه نك قومانداسز
قالسینی و بوده محاذیری مستلزم اوله جغندن تجویز
ایدلیرك بهادران عسا کردن انتخاب ایدیلان
برفرقه یی لایلا استانوسه کوندردی .

بو بهادر لر ترتیب اولندیغی کبی تکه لی اوغلی طاقنی
خبر سنزجه استانوس یا یلاسنده باصدیروب عثمان
چلبی بی و حشراتنی قلیچدن کچیردی لر .

حزیه بك بو مو فقیقی در حال حضور پادشاهی به
عرض ایتدی . قرمان اوغلی محمد بك یاقدیغی
آتش فتنه به عثمان چلبی نك یاندیغی ایشیدنجه
ارتق ایش بو مرکز و وارمش یعنی کندوسنک نقض
عهد ایله اشغال نأره فساد جرتی نزد سلطنت
سنیه عثمانیه ده معلوم اولمش ایکن برایش بجره بیلک
زعیمه افکارندن فراغت ایتیه رك کندوسیده انطالیده
عزیمتله قلعه یی شدیداً تحت محاصره ده الدی .

محاصره اوچ آی امتداد وقلعه خلقنك تضییقات
محاصره دن حالری اشتداد ایتشیدی .

لیکن پادشاهك روم ایلنده دشمنلرینه غلبه ایله برابر
فتوحات جدیده به نائل اولدیغی وکلی عساکره
اناطولییه کچمک اوزره بولندیغی حوادثی قرمان
اوغلنك مسموعی او نجه عقلی باشندن کیدوب
قلعه نك استیلا سندن نومید اوله رق قونییه چکلمکه
قرار ویرمش ایسه ده بر کره دها جانی دیشه الهرق
قلعه یه هجوم ایتکی قوردی .

بو قورنتی اوزرینه محمد بك هجوم نقطه لری تعیین
ایتک اوزره بر آته سوار اوله رق قلعه نك اطرافنده
کزرکن بر معلم طوپچینك اتدیغی طوپ دانه سی
محمد بکه اصابتله انك وجودینی خردخاش واعران
وانصارینی دوچار پریشانی وتلاش ایتدی .

محمد بكك (ابراهیم بك) و (علی بك) نامنده کی
ایسکی مخدومی بو محاصره ده برابر ایدیلر .

علی بك بولك برادرینك کندی حقیقه خیر ایتسندن

احترازاً قلعه‌یه التجا واوته کیده سائر قرمانیلرله
قونیه‌یه طوغری فرار ایلدی .

جزه بك دشمنك بو صورتله انهر ازمندن طولایي ایفای
سجدهء شكر ايدرك همان قلعه دن خارجه فرلايوب
قرمانيلرك ميدانده قالان بالجمله مهمات متروكه لرینی
اغتنام واشیای مغنمه نك نفایسيله مومی اليه علی
بکی آستان پادشاهی یه تقدیم واعزام ایتدی .

پادشاه قدر دان بو خدمتی مقابله سنده جزه بکه تسکه
سجاغنی بالتوجیه مرصع قلنج و طونامش آت ارسالله
دخی تلطیف پیوردیلر .

محمد بکرزاده علی بکه دخی التغات ایدوب همشیره لرندن
برينك تزويجيله شرف صهریتسه مظهر و مؤخر
عهده سنه صوفیه سجاغنك توجیه واحسانيله
موقر ایتدیلر .

قرمان اوغلی محمد بکك انطاليه قلعه سی محاصره سنده
نشانه طوپ اجل اولدینی قونیه یه عکس ایتدکده
قونیه ده بولنان برادری (علی) بك ادعای حق

وراثت ایلہ قرمان حکومتی مضبوط ایدوردی .

انطالیه محاصره سندن عودت ایدن محمد بك زاده
ابراهيم بك ایلہ دیگر برادری (عیسی بك) عیلمری
علی بك زیر بار تحکمنده بارینه مدقلرندن انلردخی
ملجاً فلاکتزدگان اولان دارالامان سلطنت سنییه به
دخالت ایتدیلر .

سلطان مراد عاطفت اعتیاد بونلری دخی مظهر
حسن قبول وایکینسه دخی همشیره لرندن برر عقیقه یی
بالترویج حقارنده الطاف شاهانه لرینی مبذول
پوردقلری مثللو ابراهيم بك نزدینه عساکر کافیه
ترقیقه لہ عیسی علی بکدن قونییه حکومتی
بالاستخلاص مومی الیهی پدرینک مقامنه اقعاد
ایلمدی .

ابراهيم بك بواطف و عنایت ملوگانه نك قدرینی
تقدیر ایلہ مقدمات مالک محروسه دن اولوبده باباسی
محمد بك بد غصبنه پکیردیسکی (حمید) ولایتک بعض
محللرینی نینه دولت علیه ترک واعاده به مسارعت

و بر مدت سلطنت سنییه صادقانه مطاوعت
ابتدی .

§

قرل قوجه اوغلاری وقعه سی

روئسای اشقیادن و اماسیه و یوزغاد اره سنده واقع
چورم صحرا سنده خیمه نشین اولان ترکان طائفه سندن
قرل قوجه اوغلاری نامیه له اشتهار بولان درت
قرنداش اکثر ترکان طاقنك عصر يرك يقين و قتلرینه
کلنجه عادتلری اولدیغی اوزره حیدودلق کارمکروهنی
مدار انتعاش اتخاذا ایدرک اماسیه و توقاد جهتلرنده
بولسان اهالی مسکونه یه ایصال مضرتدن و قطع
طرق ایله قتل نفوس و هتک ناموس عباد اللهه
جرئتدن خالی اولدقلرندن بشقه دیار بکر و البستان
حاکمری قره ایلوک عثمان بایندری اوغلی (هایل)
و ذوالقدر اوغلی (حسن) بکر کبی سلطنت
سنیه نك رقباسندن معدود اولان ارباب نفاقی دخی
ممالک محروسه علیه نه دعوت و تحریک ایدرلردی .

« یوزغاد سنجاغی نواحیسنندن الان قزل قوجه
دینلان ناحیه بو حیدودلرک ناملرینه منسوب اولق
کرکدر »

اماسیه والیسی لالا (یورکچ) پاشا بروجہ اتی
اعمال اطایف الحیل ایله اشتیای مزبورہ نک
وصکارلرینک ازالہ سنہ موفق اولدی . شویله کہ :
پادشاه جانبندن اولق اوزرہ مرقوملرہ ابلہ فریبانہ
تعبیرات ایله بر فرمان یازوب بونده جانیک دیارینک
اولوقت حاکی اولان (الب ارسلان) اوغلی
یدندن نزعیلہ اماسیہ ولایتہ الحاقی مراد پادشاهی
اولہرق بو خصوصک تمشیندہ یورکچ پاشا مأمور
ایدلدیکنندن کندولرینک دخی پاشای مشار ایہ
معینہ عن یمتلہ بالاتفاق غیرت ایتملری مطلوب ملوکانہ
اولدیغنی و بو خدمتک حسن ایفاسندن صکرہ ضبط
ایتمک اوزرہ توقاد نواحیسنندن (ارتق آباد) ک
بروجہ مالکانہ کندولریندہ احسان اولندیغنی درج
ایتدی .

و بساخته فرمانی پای تخت مأموری صفتیله
برادمنه تودیعاً قزل قوجه اوغلارینه ارسال وکنندی
طرفندن دخی برچوق هدیه لر کوندر مکه مر قوملری
اغفال ایلدی .

بو شقیلر قورقیسزجه جمع و تکثیر حشرات و اجرای
تعدیات ایچون اللرینه برده فرمان کچیرملرندن ممنون
اوله رق در حال خیلی سواری اشقیاجعیه امر
پادشاهی به اطاعت صورته اما سیه طوغری
یوریدیلر .

فقط اصل غرض نهانیلری یورکچ پاشا ایله ملاقات
ایتدکلی زمان فرصت بوله بیلورلر ایسه پاشایه
قلیج اوشوروب انی اورتادن قالدردقدنصره جانب
دولتدن ایشیدیلوبده اوزرلرینه قوه کلیه سوق
اونجه یه قدر احوالی بی ضبط واستیلا اتمک خیال
محالی ایدی .

پاشا بونلرک قرار و قورندیلرینی اولجه اکلامسیله
کندوسنی خسته لیکه اوروب اوغلی (حضر)

بیکی مرقوملرک استقباله کوندردی .
 حضر بک باباسنک تعلیماتی وجهله مرقوملری
 مزریفونده استقبال الیه دام اغفاله دوشیره جک
 مقدمات سردیله اماسیه یه دعوت وجلب ابتدی .
 یورکچ پاشا کویا اسیر فراش ایش کبی حرمندن
 چیممازدی . حضر بک بونلری متفرقا خاندان
 قوناقلرینه و سائر خانه و خانلره یرلشدیروب اکلنجه لی
 ضیافتلر ترتیبیله غفلته دوشیردی . آج کوزلوترکنلر
 بوغازلری دردینه دوشوب بیوب ایچهرک تمامیه
 راحتہ طالیدلر .

بونلر بو حانده ایکن بر کیمجه مرتب اولان عسکر
 جمله سنی اولدقلری یرلده باصوب قزل قوجه
 اوغلارینک دردینی بردن طعمه شمشیر و دیگر
 ایاقداشلرینی کافه درزنجیر ایتدیلر .

یورکچ پاشا همان اول کیمجه بوترکانلری حیا برمغاره یه
 طوادیروب مغاره یه دومان ویره رک (عذاب تدخین)
 الیه اهلاک ایتدکن صکره قزل قوجه اوغلارینک

چورم صحرا سنده بولسان چادرلرني باصوب ن قدر
تركان اله كچيردي ايسه جله سني قايچدن كچيرمش
وكافه ماملكريني ضبط ايلشدر .

مغاره ده هلاك اولان نفوس درت يوز قدر جاندر .
« اما سيه لي بر قوجه قارينك اوغلي ترزليك ايله قزل
قوجه اوغلاري خدمتده ايمش . بو حادثه ده
تركانلرله برابر معهود مغاره ده كيرمش اولديغي
مزبوره نك مسموعى اولنجه وقعده دن برهفته صكره
يوركچ پاشايه كلوب فرياده آغاز وبجه حال اوغلنك
مئني اولسون چيقتاريلوب كندوسنه ارا ئه اولمسي
نيساز ايتمش اولديغندىن مغاره نك قپوسى اچيلوب
مزبوره نك اوغلي بولمش وحفظ رباني ايله هنوز حياتي
باقى اولديغي اكلا شيله رق والده سنه تسليم ايلمش
اولديغي غريبه دن اوله رق تاريخلرده مسطوردر » .

خاطره

قطع طريق فجيعة سني ارتكاب ايله اضرار عباد الله

جرئت ایدن اشخاص رزیه نك بعد الثبوت درجات
 جنایتلرینه کوره شدیداً مجازات کورملری پك الزم
 وبوقزل قوجه اوغلارینك اشقیای مضره دن
 بولملرینه نظراً ازاله وجودلری وایاقداشلری اولان
 تركانلرك دخی تکرار اجرای شقاوته میدان بوله عیه جوق
 صورتده تفریق جمعیتلری مقتضیات سیاسیه دن
 بولندیخی مسلم ایسه ده درت یوز قدر نفوس بشریه نك
 بر مغاره یه طولدیر یلور بده تعذیب صورتیه اولدیرلمسی
 بروقت اسپانیالولرك ادیان سائره اصحابی تعصبا
 آتسه یاقلرینه مماثل بر شماعتدر . بودرتیوز ادمك
 جله سیده شایان اهدامی ایدی ؟

اوله ایدیسسه غرض اذهاق روح وازاله حیات
 دكلی اولدیر یله جك بر ادعی صوك نفسنده عذاب الیم
 ایله اولدرمكده نه فائده سیاسیه تصور اولنه ییلور ؟
 اوت : افکار عتیقه ده بوکبی شدتلی سیاستلر
 کویا خلقك کوزینی قورقیدرده او یغونسزلغه ده
 اوزه نلر وار ایسه جسارت ایده مزلرکی بر زعم

باطل وار ایدی .

لکن تنبع آثار و تجارب ایله معلوم اوله یور که هر
قنغی عصرده عدل و شفقت التزام اولمش ایسه
امنیت و مطاوعت برکال و قنغی عصرده شدت یوانه
کیدمش ایسه اداره مملکت و آسایش رعیت رهین
اختلال اولشدر .

هر کس بیلور که : شرع و قانونک مغایری اوله رفق
شدتلی سیاستلرک قوللانیدیغی زمانلرده بالعکس خلقت
جنایاته میل وانه چاکلی دهها زیاده و بر قصبه دن
بر قصبه یه ابنای سبیل کیده مزدرجه ده مملکت هر جانی
امنیتسز بر حالده ایدی . ظلمه حکامک اشقیانامی
ویره رک سوچلی سوچسز بر طاقم عباد اللهی
- چنگاله - اورمق - قازقلق - مثللو اجرات
مدهشهری زماننی بزادراک ایتدک . اما حکومت
قوناقلری حوالیسنده قباحتلی نامیله خلقت رسما
(فلقیه) یاتیریلوب ایافلرندن قان فیشقرنجده یه
قدر و بعضیلریده تسلیم روح ایدنجده قدر دکنکار

ایله ضرب اولندقلری وقته یتشدک .
 بویله شدتلی اجراآت اولنورکن خارج بلادده
 یولجیلرک حیدودلردن ودرون قصباتده اهل عرض
 کروهنگ ادبسنر طاقندن انواع بلا یا به اوغرادقلرینی
 دخی کوررایدک .

جناب حق عمروشوکت شهنشاهیله رینی مزدادیورسون
 ولی نعمت بیمنتر پادشاهمن (عبدالعزیز خان)
 افندمن حضرتهلری کندولری اعدل سلاطین
 اولندقلری کبی عصر سعادت حصر شاهانهلریده
 اکمل واجمل ازمان واعصار اولمسیله حد اولسون
 شمدی شریعت مطهره وقوانین عدلیه دؤسسسه
 خارجنده کیمسه کیمسیه ال ادنا مرتبه معامله
 عنقیه اجرا ایدمن . وضرب وشدت اصول
 مقدوحده سنک لقر دیسی یله ایندیلهمن .

بو حال ایله آسایش عمومی واطاعت اهالی بردرجه به
 وارمشدیر که اعصار سالغده بوزمان جنت نشاتک
 امثالنی ادعا ایدن بوانه ماز .

نه غریبدر که : هر عصرده اخلاق و افکار
بشریه او عصرک تجلیاتنه تابع و بر عصر خلقنک
حکمتدن عدایتد کیری افعال دیگر عصر اولادی
عندنده اقبح شنايعدر . نه عبرتدر که : بر زمان
ضبط و ربط بهانه سیله بر چوق نفوس بشریه بی
افسا و اموال اهالی بی کندی مالی کبی یغمایدن
والیر انواع مدایح ایله القشلقور و بر زمانکه ایشته
سایه عدالتوایه حضرت عبد العزیز خانیده هر
دقیقه سنی کمال امن و راحت ایله کچیرمکده اولدیغمز
شوزمان اماندر . بر قاچ درجه حده تدقیقاتدن
کچد کدنصکره ثبوت جنایتنه حکم ایدیلان بر مجرمک
ترتیب و تحدید مجازات قانونیه سی تطبیقاتنده خطا
ایدن حاکم لرشدیدامسؤل طوتیلور .

§

صد دیمره رجعت ایدلم :
یورکچ پاشا قزل قوجه اوغلارینی ازاله ایتد کدنصکره
(عثمانجق) نواحیسندن (زیتون) ناحیه بندده

اولوب متانت طبیعیۀ موقعیۀ سیه شهر تشعار
 اولان (قوجه قیاسی) نام حصاری (حیدر بك)
 نام امیردن و (جانیکی) دخی (الب ارسلان)
 اوغلی (حسین بك) دن حرب وجداله حاجت
 دوشیرمکسزین بر صورتله استخلاص ایتشد
 شویله که :

مومی الیه حیدر بك موقعنك مناعت و متانتنه
 كوه نارك هیچ بر پادشاهه تبعیت و كند و سیده
 خارجه نجاوزه جرئت ایتیموب یالکزار دصره اوغلی
 قاسم بکی اوغلی اولدیغنی بیلدیرمیهرك سفارت
 صفتیاه ملوك و اهرای اطرافه اعزام ایدر و بو
 طریقله حسن حالده یشار کیدر بر پیر سالخورده
 ایدی .

یورکچ پاشا ایسه میرمومی الیهی بر طریق حیلۀ ایله
 پنجه قهرینه دوشیرمه نك چاره سنی اراردی . نهایت
 میرمومی الیهك خواصندن (طیفور چلبی) نام
 شخص ایله الفت و کرمی محبت پیدا ایدوب انك

واسطه سیله قلعه نك ذخاير انبار لرینی احراق
ابتدیرد کدن صکره عسا کر کافیہ الله بغتہ قوجه
قیاسی قلعه سنی صاردی .

قلعه هر نقدر مستحکم ایدیسده بر جبه یه جک
قالماش اولدیغندن حیدر بك ضروری قلعه یی
یور کچ پاشایه تسلیمه مجبور اولدی .

یور کچ پاشا بوه و فقیقی عتبه پادشاهی یه عرض
ایتد کده پادشاه عدالتیناء حیدر بك عهدہ سنه
وارد اتلی تیمارلر توجیهله بذل اطف و مرحت
یور مشلردر .

جانیکک تسخیر بده شو و جهله وقوع بولشد که :
یور کچ پاشا (سکر یوز اوتوز بر) سنه سنه
بر سور ترتیب ایدوب جانیک حاکی حسین بکی دعوت
ایتدی .

حسین بك بود دعوتدن پاشانك غرضی کندوسنی
اله کتور ویده دو کونه قربان ایتکدن عبارت اولدیغنی
یلوردی .

بناء علیه پاشایه [اگر بنی دعوتدن مرا مکن
 المده بولسان خرابه اورمانلغی الملق ایسه امر
 پادشاهکدر بکاده البت بر محل کوسرتیلور] یولده
 جواب کوندروب دعوته اجاست ایده مدی .

پاشابو عدم اجابتی بهانه ایدرک جانیک اوزرینه
 یورنیک اوزره جمع عسکره تشبث ایتدیکی صروده
 حسین بک کندوسنک پادشاهه مطیع اولدیغنی
 ومملکتک تسلیمه مهیا بولندیغنی تکرار یورکچ پاشایه
 اشعار ومتعاقبا کندوسیده اماسیده کلدرک پاشا ایله
 ملاقات ایدوب فرمانبرلکنی اظهار ایتش ایسه ده
 پاشا بوسوزله قولاق اصموب میرهومی الیهی
 مقبدا درگاه پادشاهی به اهزام واولاد وعیالنی
 دخی اماسیده جلب ایله جانیکک ضبطنه اهتمام
 ایتدی .

حسن بکک اطاعتی پایتختده دخی یورکچ پاشانک
 اشعاراتیله کورلتی به کیدوب روسه ده قلمه بندیداش
 ایسه ده برارلق فرصت بولارق فرار ایتش وارکی

بیل قدر بر کوشه ده اختفا ایند کدن صکره ینہ کنندی
 اختیار یله پادشاهه دخیل دوشوب بودفعه سلطان
 مراد مکارم معتادك لطف وعاطفته مظهر اوله ورق
 عهدہ سنہ روم اینلنده برسنباق توجیه واحسان
 بیورلشدن .

§

سلطان مرادك روم اینلہ عبوری
 پادشاه شوکت پناه اناطولیجه خیلی اصلات حاملکیمیه
 موفق اولم یله روم ایلی جانبك دخی تنظیم احوالی
 ایچون (سکر یوز اوتوز بر) سنہ سنہ کلب ولی
 طریقتدن ادرنه یه عبور بیوردیلر .

صرب حکومتی دائماً ممالک محروسه علیه سوء
 نیاتدن خالی اولم دیغندن هم صرب حاکم وقت تهدید
 وهمده عسکر عثمانیه مال غنیمتله ترفیه اولمق اوزره
 امرای حدودن (اسحق) بك برفرقه ایله صربیہ
 اوزرینه سوق ومأمور بیورادی .

§

(جسرارکنه) نك بولنديڭي محل اورمانلق
 و بطاقلق و حيدود و قطاع طريق كروهنك يوهسى
 اوله رق ابنای سبيل اورادن مرور و عبورده دوچار
 احوال اوله كلكارندن شهر يار جليل الاثار محل
 مذكوري تسويه و تطهير ايتديره رك يوز يتش درت
 كوزلو بر كو پرى و بونك بر جانبنده اركنه قصبه سنى
 و ديكر جانبنده دخی برقریه و مذكور قصبه دجامع
 و مدرسه و عمارت انشاسيله اوراسنى اعمار بيور مشلدر .

§

كرميان زاده (يعقوب بك) عتيه پادشاهى يه
 يوز سوزورك ارزوسنده اولديڭنى مقدمجه عرض
 واستيدان ايتسيله طرف شاهانه دن دخی مساعده
 بيورلشيدى .

اشبو (سكر يوز اوتوز بر) سنده سنده مير مشار
 اليه بروسه طريقه روم ايلنه كچوب ادرنه ده
 حضور شهر يارى يه مشول و كندوسى قدمای
 حكمداران دن بر پير و اجب الاحترام بولنديڭندن سلطان

مراد حضرت تلری طرفلرندن فوق الغایه حرمت و رعایتہ
نائل اولمشدر .

میرمشارالیه برمدتجک ادرنه ده معزاً ارام ایله مقر
حکومتنه عودت ایتد کدن برسنه صکره وفات ایلمسایله
کندوسنک وصایتی وجهله کر میان ولایتی ممالک محروسه
عثمانیه الحاق اولنمه وق وایلدیکی امور بک زاده
(عثمان چلبی) یه احاله واحسان بیورلمشدر .

§

مقدمجه صربییه اوزرینه تعیین اولنسان اسحق بک
دخواه وجهله ایش کوره مامش اولدیغندن سائر
روم ایلی امراسی دخی عسا کر کلیه ایله ینه (سکرز
یوز اوتوز بر) سنه سنهده اسحق بک امدادینه
مأموراً صربستانه سوق ایدلدی .

اشبوعسا کر اول حله ده (کوکرچنلک) قلعه سنی
تسخیر ایدرک او طریقدن صربییه ایچنهد یور یوب
مقدمه دوات علییه یه کچوبده ویر کوی معین مقابلهده

بند صرب قرانده ترك ایدلمش اولان بعض قلاعی ضبط
ایتدیلر .

صرب قرالی مملکتک ورطه یه اوغرا دیغنی اکلامسیله
پادشاهک عفو وامانی جلب ایتک ایچسون طرف
شاهانه یه اعتراف قصوری متضمن بر عبودیتنامه
وبونکله برابر هدایای عظیمه تقدیمه مسارعت وجد
پادشاهی سلطان بایزید یلدرم حضرتلر یله مقدا
کندی خاندانی بینه قرابت صهریه حصوله کلدیکنی
مثال کوستره رك کریمه سنک حرم سرای همایونه قبولانی
مذکور عبودیتنامه سنده استدعا ایلدی .

قرالک اشبو مستدعیاتی نزد مراد خانیده قبول
اولنه رق مقدا دولت علیه یه اعطاسنه متعهد
اولدیغنی مرتبائی کاکان تأدیه ایتک اوزره تجدید
معاهده و کریمه سی دخی ادخال سلاک ازدواج
بیورلدی .

بو حالده صرب جهتندکی عسا کر عثمانیه نک اوراچه
ایشلری قالدیغندن بونلر (بوسنه) طرفلرینه

سوق اوله رق اخذ غنایم واسرا ایله مستفید ایدلدی .

§

چندرلی خیرالدین پاشا سلاسله سندن بولنان صدر اعظم
(ابراهیم) پاشانک وقوع وفاتند مبنی صدارت عظمایک
مشارایهک اوغلی اولوب قاضی عسکرلک مسندنده
اولان (خلیل) پاشایه توجیهی بوسنده
وقایعندندر .

سلانیک فتحی

روم ایلی قطعه سنک تأمین وتوسیع حدودی ایچون
(سلانیک) قلعه سنک قبضه تسخیره النسی دولت
علیه جه تدابیر مهمه ملکیده دن معدود ایدی .
بناء علیه ملوک سالفه عثمانیه اونقطه یه اماله نظر
اهتمامدن خالی قالیه وب مر - روم یازید یلدرم خان
حضر تئری برارالق تسخیرینه موفق اولمش ایسه ده
تیمور وقعه سندن صکره دولت علیه نک اوغرامش اولدیغی
فترات مناسبته یه الدن چیقمش و سلطان زمان مراد

ثانی حضرت نوری مقدما فتح واستیلا سینه تشبث
بیوردقلری حالدہ یوقاریده تفصیل اولندیغی وجهله
اوارالق کوچک مصطفی چلبی حادثه سنک ظهور یله
ضروری ترک وتأخیر ابدلش ایدی .

استانبول ایمپراطور ینک سلطنت عثمانیه بی اشغال
واضعاف قصد یله ممالک محروسه علیه نه هر زمان
اشغال ایتیکده اولدیغی آتش فساد آثاردن اولق
اوزره بوارالق اوروپا حکمدارلرندن بعضیلرینک
دوئمالر یله سلانیک لیمانه عسکر چیقاروب اوجهته
بولنان ممالک شاهانه نک تخریبنه قو یولدقلری استماع
اولندی .

بواعدادی مضرت اتمانک دفع و تدمیر یله برابر سلانیک
فحی اعینه سی دخی استحصال اولمق اوزره پادشاه
ظفر پناه اغر براردو ایه اوجهته توجه بیوردی .
و کلیبولیده تدارک و تجهیز اولنان سفاین دخی سلانیکه
سوق اولندی .

اسبو سفر همایون بیان نامه مخصوص ایلہ استانبول

ایمپراطورینہ تبلیغ اولہ درق حتی دولت علیہ ایلہ
دولت ایمپراطوریه بینندہ ظاہرا موجود اولان
دوستلغہ مبنی ایمپراطورک سفاین حربیہ ایلہ اعانہ سی
دخی طلب اولنش ایسہدہ سلائیک اووقت ایمپراطورک
اقرباسندن بر حکمدارک زبر اداره سندنہ بولندیغندن
ایمپراطور اعانہ دن اعتذار ایتدی .

موکب ہمایون برا وسفاین شاہانہ بحرا سلائیک
قلعہ سنی محاصرہ یہ الدیلر .

فقط (وندیک) دولتی طرفندن تعین اولنان دونما
سفاین اسلامیہ بی تبعید ایتدک لری جہتلہ محاصرہ
بحریہ قابل اولہ مبوب محاصرہ بریہ الی کون قدر
کمال شدتلہ امتداد ایلدی .

نہایت رخصت یغما اعلانیہ ایدیلان تشویق
اوزرینہ جنود ظفر موعود عثمانی (سکر یوز
اوتوز ایکی) سنہ ہجریہ سی رجب شریفک بشنجی
کونی زردبانلرایلہ قلعہ یہ هجوم ایتدیلر .

اعدانک مقابلہدہ اصرار ایدنلری قاعدہ خریہ

اوزره طعمه شمشیر و ترك كفاح و تسليم سلاح
ايلينلری اسير و سلايك قلعه سی و توابعی بوصورتله
تسخیر ایدلدی .

اشبومظفریت جدیده فتحنامه لاله ملوک و حکمداران
اسلامیه اعلان بیورلدی .

پادشاه همایون بخت سلايك قلعه سنك صدمات
حریه ايله خراب اولان برج و باروسنی تعمیر و ترمیم
و (وارداریکجه) سندن برطاق عثمانلو خانه لری
نقل و اسکانیله و محافظین کافیه اقامه سیله اسباب
حفظ و حراستنی تتمیم ایتد کدنصکره پای تخت
ادرنه یه عودت بیوردیلر .

سلطان مراد بوندن صکره برمدت ادرنده اختیار
اقامتله اجرای آیین عدل و داد ایتدیلر .

بواثناده یعنی (سکز یوز او توز اوچ) سنه سی رجب
شریفنک النجی جمعه ایرتسی کوننده فاتح قسطنطنیه
سلطان (محمد خان) حضرتلر نك وجود به بودلی زیور
عالم شهود اولمشدر .

تیمور مشهورك ممالك عثمانیه تسلطنه و بونجد فترتار
ظهوریله نیجه قانلردو کلمسینه سبب اولان یادکارلردن
اولوب خطه آذربایجانده حکمدار و (سکر یوزیکرمی
اوچ) سنه سنده تارك جدلیکاه دنیای بی قرار
اولان قره قیونلو (قره یوسفك) اوغلی (قره
اسکندر) بك ایله تیمور احفاندن فرمان فرمای
ایران و ترکستان بوانان (شاهرخ میرزا) بیننده
اب و جدلردن متوارث کین وعداوت اثری اوله رق
غوغا و نزاع اکسک دکل ایدی .

(سکر یوز اوتوز درت) سنه سنده دخی بونلرك
(ساس) ده قوردقلری محاربه بی شاهرخ قزانوب
آذربایجانك التنی اوستنه کتورمسایله قره اسکندر
منهزما اورالردن فرار و ملجأ فلا کتر دکان اولان
تالك محروسه دن توقادده قرار ایدی . و بیایلی قره
یوسف سایه مرحمت یلدریم خانیده جایه اولندیغی
کی کندوسنك دخی قیش حیقنجه به قدر ظل شفقت
بادشاهیله بارندیرلسنی سلطان مراددن باعریضه

نیاز ایلدی .

بونک بابایی یوزندن سلطنت سنیه نك نه درلو خسار تله
اوغرا دیغی مسلم ایسه ده دولت علیه شان عالیسی
ایجا بنجه کنف الامان جایته صغنان بومثلاو ملتجیلری
بروقته رد ایتماش اولدیغندن قره اسکندرک اول
بهاره قدر توقاده اسکانیله حقنده لوازم مهممان
نوازينك اجرا ایلدی طرف پادشاهیدن اماسیه
والیبسی یورکچ پاشایه امر وفرمان بیوردیغی مثلاو
کندوسنه مرصع رختلو آتله وسائر هدیله احسانیه
شعار مسافر پروری ایفا اولندی .

لیکن اسکندر بکله برابر بولنان حشره توابع و حواشی
کمال راحتله قیشی چیقاروبده فصل بهاره ایریشجه
حشرات الارض کی معموره زار ممالککه انتشار و طبیعت
ترکیانه لری مقتضایی اوزره اهالی مسکونه به اطالده
دست خسار ایتمککه باشلادقلرندن بوحوالدن یورکچ
پاشا عتبه پادشاهی به عرض شکایت ایتدی .

پادشاه دخی اناطولی بکربکیسی (امور) پاشانک

عسا کر کافیه ایله توقاد حوالیسند طوغری یور یوب
اولارفق وملائتله اسکندر ارئق وطنه چکلمسنى
نصیحت وتعدایدجك اونور ایسه ارئه جبر وشدت
ایدرك اورالردن دفع ایلمسنى فرمان بیور مسیله امور پاشا
اولوجهله حرکتله توقاده تقر بنده اسکندر نه مح
وتهدید ایله قاریشق حکیمانه بر مکتوب کوندردی .
اسکندر بك اناطولی بکر بکیسنگ قوه عسکریه ایله
کلیشندن ایشك صوکنی اکلا دیغندن مخالفت
کوستره میوب حشراتی جنغله یقلدی کتدی .
فقط بوارازل آزر بایجانده قدر ره کذرلرنده راست
کتورد کلری قصبات وقرا اهالیسنى صویوب صوغانه
دوندردی .

(سکزیوز اوتوز بش) سنه سنده پادشاه معانی اکتهاه
ینه ادرنه پای تختنده سایه پیرا یواند قلری حالده روم
ایلی بکر بکیسی (سنان) پاشایی ارناودلغه مأمور
بیوردیلر .

پاشای مشارالیه روم ایلی دلاورلیله ارناود دیارینه
 هجوم ایدوب ارناود عصاتنی قهر و تدمیر و غنائم و اسرا
 ایله عساکر عثمانیه بی دلسیر ایتشدیر .

§

مجارستان سفر لری

(هونگری) ننگ غلطی اواره رق عثمانلی تاریخلرنده
 (انکروس) دینیلان مجارستان طرفلرنجه فتوحات
 جدید، قزانلسی دولت علیه جه اسباب ترقیدن معدود
 اولاسیله ایلروده موکب همایون دخی حرکت ایتک
 اوزره اولا اورالک احوالی اوکره نلک ایچون اورنوس
 زاده (علی) بکک مجارستان ایچنه اقین ایتیمی تنسیب
 اولندی .

میر مشارالیه (سگریوز اوئوز الی) سینه سینه
 برفرقه ایله طونه دن عبور و مجارستانه دخول ایدوب
 وهله اولاده مجارلر مقابلهیه مقتدر اوله مدقلری جهته
 عثمانلیلر اخذ غنائم و استرقاق اسرا سودا سیله اطرافه

طاغلدی . و هر غازی بر رایک شرد و شیرزه فسونکاری
آغوش وصاله چکوب ذوق و صفایه طالدی .
مجار قرالی ایسه عسا کر اسلامیه نك بو صورتله تفرقنی غنیمت
یله رك قوه كافیه ایله علی بلك اوزرینه هجوم
ایتدی .

علی بلك یاننده پك از عسکر قالمشیدی .
بو حالده دخی علی بك دشمنه جبانته تسلیم کر بیان
ایتموب دو کوشه دو کوشه سلامت یقاسنده سوکوب
چیتشمش ایسه ده عسا کر اسلامیه نك پك چوغنی
اسیر و تلف اولدی .

علی بلك دشمن بمالکی ایچنده اختیار ایتدیکی غفلت
مغرورانه و حرکات یقیدانه سی شئامتی اوله رق جنود
اسلامیه نك او صورتله بلای هزیمت و اسارته دوچار
اولیشندن حضرت پادشاه متأثر اولمسیله مجار لودن
اخذ ثار و فتوحات جدیده ایله تلافیء مافات ایتك اوزره
اغر براردو ایله بالذات مجارستانه سفر ایتکی
قرارلشدیردی .

لیکن اناطولی جهتندہ قرمان اوغلنک ینہ نقض
 عهد ایلہ ممالک محروسہ شاہانہ دن (حید ایللی)
 اوزر ینہ هجوم وحید والیسی (الیاس) بکی اسیر
 واورالری تماماتسخیرایتدیکی ومجارلونک دخی اوروپا
 حکمدارلرندن بعضیلرلہ عقد اتفاق ایدرک روم
 ایلنہ مهاجمہ افکارندہ بواندقلری حوادث هائلہ سی
 بربرینی متعاقب سامعہ خراش دولت اولدی .
 قرمان اوغلنک مجارلو ایلہ اتفاق خفییسی اولدیغیدہ
 تحقیق ایدلدی .

بویلہ هرطرفدن باش کوسترین حرکات خصمانہ
 ارہ سندنہ پادشاہ ہیج برطرفہ حرکتی تنسیب ایتیب
 ذات همایونلری مرکز سلطنتدہ بوانوبده ایجابنہ
 کورہ جهت جهت اردولرسوق ایدلسنی دها مناسب
 کوردیکندن اول باول اوروپالونک سایل هجومنہ
 سد حائل اولق واعدانک روم ایلنہ خط حرکتلرینک
 برنجی نقطہ سی اولسی لازم کلان (کوگرچینلک)
 قلعه سی انلرک ورودندن اول طوتلق اوزرہ روم ایللی

بکار بکیسی (سنان پاشا) بی بتون روم ایلی صنوف
عسکریه سیله مأمور پیور دیلر .

سنان پاشا (سکزیوز اوتوز یدی) سنه سنده ادرنه دن
حرکتله حرکتنده دخی سرعت کوسترمس ایسه ده
دشمن دهها اول طاورانوب عسا کر عثمانیه نک
وصواندن مقدم کو کر جینلکه موصلت و قلعه نک
حصر و تضیقنه مبادرت ایتدی .

سنان پاشا اردوسی کو کر جینلکه قریب بر موقع طوته رق
دشمنک کترتنه و بوللرک صر بلغنه بناء ایلرویه
یوریمکدن احتراز ایدردی .

(ودین) محافظی اولسوب فرط شجاعت و بسالت
اصحابندن بولنان (سنان بک) بکار بکی سنان
پاشایه [دشمن قولاغزک دینده کو کر جینلک
استیلاسنه ظفر بولق اوزره ایکن بزم بوراده توقفمن
اثر جبانیت و محض خیانتدر] کبی اجی سوزلر
سویلیوب بکار بکی سنان پاشا دخی [بورالری سنک
داخل حوزه حکومتکدر . ایشک بو پره سه یه کلمسی ینه

سنگ هما الی کدن نشأت ایتشدر . شمدی دشمنک احوالندن
 بخبر ایکن کوز قرار دوب یوریمک کار عاقل دکلدر
 باری وظیفه مأموریتک اولدیغی اوزره خصمک قوت
 وحرکاته وقوف حاصل ایدمک ایچون برقاج دل طوت
 کنیر [دیهرک سنان بکی تکدیر وتو بیخ ایتدی .

سنان بک ایسه دشمن طو پلرینک صداسیله اردونک
 اتلری اورکمکده ایکن پاشانک دل ایسته می مناسبتسز
 برتکلیف اولدیغی بیان وشجعان عسکر وسائر امرایه
 دخی کندوسنه همپا اوللرینی ندای تحریض وتشویق
 ایله اعلان ایدوب همان اسبنه سوار وعازم سمت
 کارزار اولدی .

سنان بکک ندای تشجیعاتنی ایشیدن عثمانلی قهرمانلری
 بلا توقف اکا پیرو اولدیلر .

پاشادخی عسکرک اکثر افرادینک کمال شوق وخواهش
 ایله دشمن اوزرینه اقوب کتمکده اولدقلرینی کورنجه
 کندوسیده مجبوراً بقیه اردوینی یوروتدی .
 جنود اسلامیة حرکتلری کونک کیچمه سی بلا ارام

یوریه یوب علی السحر دشمن اردوسنه چاتدیله .
وایاقیری توزیله رستمانه اعمال سیف و سنانه
باشلادیله .

مجارل اردوی عثمانیک بویله خیلی مسافه قطعیه بردن
بره هجومی تخمین ایتزلدی . بناء علیه کندیلرینی
طوپلایه مدقلرندن بر طاقی قلیچدن کچوب بر طاقیده
طونه په دوکلدی .

مجارقرالی اردوسنک بتون اسلحه و مهماتی و کندی
اسباب حشمت و ادواتی عثمانلویه ترک ایدرک
بیکی زحمتله نهردن طونه کچوب سمت سلامتده
چیقه ییلدی .

اردوی عثمانی دخی مظفرا و مغتمناً عودت ایلدی .

§

قرمان سفری

اجالا ذکر سی سبق ایتدیکی وجهله قرمان زاده
(ابراهیم بك) اباواجدادن میراث قلان اخلاق

ردیہ عہد شکنی و فرصت جو بی حکمنجہ دوات
 علیہ نک روم ایلی جانبندہ ظہورہ کلان مشاغل
 حربیہ سنی نیات فساد کار یسنہ مساعد کورہ رک
 جانب پادشاہیدن مقما سلا نیک فتحی ظفر نامہ سنی
 کندوسنہ ایصالہ مأمور اولان سفیری استخفاف
 ایتمش اولدیغی کبی ممالک عثمانیہ دن حمید ایلی ایالتی
 دست غصبہ کجیرمش و مجار قرالیلہ خفیہ اتفاق
 ایتمکہ قدر ایلرولمش ایدی .

« بوجئده مؤرخلر ابراهیم بکک البستان حکمداری
 ذوانقدر زاده سلیمان بکدن چالدرمش اولدیغی
 براسب مادہ سنی اسباب اختلاف صرہ سندنہ بیان
 ایدہ یورلر . برآتک بین الملوک منعقد اولان عہودک
 انخلالنه و مصائب حربیہ اختیارینہ سبب اولہ بیلسی
 غریبدر »

بحثنہ دوام ایدہلم :

پادشاہ ظفر پناہ بروجه محرر مجارلوی ہزیمت شیعہ یہ
 دوچار واورو پادہ کی سائر دشمنلوی دخی قصہ دلیق

غالبیت دولت علیہ یہ اجباراً تمسیلہ قرمان اوغلانکده
تأدیبی صردشی کلش اولدیغندن اصدقای وزرادن
(صاروجه) پاشا ادرنه پای تختی محافظه سنه
براغیلہ رق موکب همایون قرمان دیار بنه صوت
نیتیلہ کلیبولیدن بروسه یه مرورایتدی .
صنوف عسکر یه نك تماماً طو پلانسی ایچون برمدتجك
بروسه ده ارام اولندقدن صکره حرکت اولندرق
قرمان حکومتك مرکزی اولان (قونیه) محاصره
یورلدی .

ابراهیم بك عادت مألوفه اسلافی کبی قرمانیاك جان
قورتاران حصن حصین طبیعیسی بولنان (ایچ ایل)
قاچش اولدیغندن قونیه قلعه سی باسهوله ضبط
اولنوب موکب همایون اورادن (بکشهری)
و (سیدی شهری) طرفلرینه حرکتله اورالری
وایچ ایلدن ماعدا بالجله بلاد قرمان اله کتورلدی .
پادشاه (یوزقیر) جبالتده اردو قوروب ابراهیم بکی
رحال اله کتورمك اوزره ایچ ایلاک صعب وسنگستان

۴۴- ابرینی اچق واورمانلقلرینی سوکک ایچون کلی
بالطهلی وقازمهلی عسکر وعمله سوق ایتدی .

بوتشبتاندن ابراهیم بک نتیجه حالی کشف وادراک
ایدوب رئیس علماسی بوانسان فضلالی مشهوره دن
(مولانا جزه) یی وموئرخ (ادریسی بتلیسی)
قولنجه (حضرت مولانا جلال الدین رومی) احفاد
معالی نژادندن (عارف چلبی) یی لاجل الاستشفاع
دربار پادشاهی به بعث واعزام ایلدی .

مبعوث مشارالیه ابراهیم بکک عفوجرایمنی رجا ایدوب
مبعوثک نزد شاهانده دخی مقدس ومحترم اولان
شفاعتنه بناء میر مشارالیهک تربیه سندن صرف نظرله
فقط قرمان حکومتدن عزل وتنکیب ویرینه میر
مشارالیهک برادری عیسی بکی تعیین ایده جکنی بیان
بیوردی .

چونکه عیسی بک عاقلانه طاورانوب مقدمه قرنداشی
ترکله موکب پادشاهی به التحاق ایتشیدی .
لکن مبعوث مشارالیه پادشاهدن اوقدر جق عفو

وعنایت یوزی کورنجه نغمه نیساز و شفاعتی پرده پرده
ارتیروب نهایت پادشاهک مر جتنی نحریک
ابتدیکندن مقدمه اغتصاب ابتدیکی (حیدایلی)
وسائر بلدان رد ایدلک و خطه قرمان فیما بعد ممالک
شاهانه جله سندن معدود اولق و ایجاب ایتدکجه
فرمانبرانه دولت علیه خدمتسده بولنق شرطریله
ابراهیم بکک ینه قرمان حکومتده ایستاسنه موفق
اولدی .

طرف شاهانه دن تبلیغ عفو و امان و ایجابی و جمله
توثیق عهد و پیمان ایچون مبعوث مشارالیه ترفیقاً
علمای دولت علیه دن (مولانا شکره) نام ذات
ابراهیم بکک جانبنه اعزام قلندی .

پادشاه جمجاه ابراهیم بکک حدینی طمانیدوب اناطولیجه
غازیه بی بوصورتله بتیردکن صکره موقفاً ادرنه
پای نخته عودت یوردیلر .

§

سلطان مراد حضرتلری دیارقرمانه عزیمتلی ائناده

اورنوس زاده علی بکی بر فرقه ابله ارناودانغه سوق
 و تعیین بیور مشاییدی .
 علی بك ارناودانجه غلبه یه مظهر اوله رق کلی غنائیم
 واسرا اخذیله عودت پادشاهیدن اولجه ادرنه یه کلمش
 بولندیغندن بو موفقیت دخی بوسنه نك مظفر یاتنه منضم
 اولدی .

مجارستانه سفر شاهانه

یوقاریده فرمان اوغلی ابراهیم بکله مجار قرانك بدشده
 براتفاق خفی منعقد اولدیغندن بحث ایدلمش ایدی .
 مجار لونك مقدا (کوکر جنك) اوزرینه کلشنده
 ابراهیم بکک اناطولجه کوستردیکی تخطیاتنه نظیره
 اوله رق موکب پادشاهینك قونیه یه عزیمتده مجار قرالی
 دخی روم ایلی طرفنه تجاوزله (الهجه حصار) ی
 محاصره یه مبادرت ایتش واکرچه مستحفظینك شیرانه
 مدافعه سیله قلعه نك تسخیرینه مرفق اوله مدیسه ده
 او طرفلری یغما و غارت و خبیلی خسارت ایدرك رجعت
 ایلشیدی .

قرالک بوحرکانه مقابله بالجزا لازم کاوب پادشاه
قونیہ عودتندن صکره مجارستان اوزرینه بالذات سفر
وحرکتی تصمیم و (سکزیوز قرق) سینه سینه
اورنوس زاده (علی) یکی اولای طلیعه فرقه سیله
اعزام ایله کندولری دخی ازمدت ایچنده اسباب سفری
تیم بیوردی .

علی بک (طمشوار) دن ایلرو کچوب مجارستان
ایچنی قرق کوندن زیاده چکنیوب بی حد و قیاس
اسیر و اموال اغتنامیله ادرنه یه معاودت وانکروس
دیارینک محاسنی پادشاهه عرض و حکایت ایتدی .
« علی بک بودفعه مجارستاندن چیقاردیغی اسیرانک
عددی فرقه عثمانیه نک عددندن زیاده اولادیغی
مرویدر » .

(سکزیوز قرق بر) سینه سی بهارنده موکب
همایون رفاقتنده (صرب) قرالی وافلاق
یکی دخی موجود اولدقلری حالد پادشاه ادرنه دن

برارد و ایله حرکت ایدرك (و دین) جانبندن طونه
نهرینی عبور ایله الیوم (هرمانش-تاد) دینیلان
(زبینه) قلعه سنه عزیمت ایلدی .

اردوی همایون ایکی ایدن زیاده مجارستانی پامال
خیول تدمیر والی قطعہ قلعه سنی اورده قبضه تمخیر
ایتدیکی حالدہ مجارلر مقابله به مقتدر اوله میهرق قلاع
و مواقع منیعہ به صوقولوب صاقلاندیلر .

ایام شتاتقرب ایدوب دشمندن نام و نشان بلورمدیکی
جهتله موکب همایون افلاق طریقله تختگاه ادرنه به
چکلدی .

افلاق بکی (دراقوله) بوسفر اثناسنده حسن خدمت
و حین عودتده پادشاهه و جنود اسلامیه به ضیافتلر
و یروب اثبات صداقت و عبودیت ایلشدر .

§

ارناودلغه فرقه عسکریه سوقی

ارناودلق حکمداری سلطنت سنیه نك توجه و امنیتی

جلب اتمك اوزرة (اسکندر بك) نام اوغلنی
مقدما عتبه شاهانه یه کوندرمش ایدی .
بو اسکندر بك بر مدت خدمت خاصه شاهانه ده بولنوب
تریه کورمسایله مقدما باباسنك وقوع وفاتی
اوزرینه طرف شهر یاریدن باباسنك حکومتیله چراغ
بیورلشیدی .

لیکن وطنه رجعتندن صکره لذت شیرینه کامی
حکومت پادشاهک لطفی اونتدرمش اولدیغندن
حدود شاهانه دن بعض ممالکه تجاوزه باشلدی .
بناء علیه بونکده تأدینه لزوم کورندیکندن (سکر
یوز قرق ایکی) سنه سنده اورنوس زاده لدن
(عیسی بك) بر سر به ایله ارناودلغه سوق اولندی
قط عیسی بك فرقه سی نصایه اغتنامه دوشه رك
طاغلمش و اموال و اسرای مغتنامه ایله یوکلری
اغراشمش اولدیغندن اسکندر بك عساكر عثمانیه نك
بولارینی کسوب اوزرلینه هجوم ایدی .
عساكر عثمانیه بومهاجه بی کورنجه اولالارنده

یونان اسیرلری قلیچدن کچیردکن صکره دفع صائله
مسارعتله اگر چه خیلی شهید و یرمشلر سه ده دشمنی
دخی منهزم و پریشان ایدرک مظفر اعدوت ایلدیلر

§

فتح سمندره

مجارلورک اره صره ممالک عثمانیه مههاجاتی صر بلو
اداره سنده یونان سمندره طریقندن وقوعه کلوب
اورانک تسخیری هم مجارلرک تحطیاتنه برسد سمدید
وهمده صر بلونک دولت علیه اطاعتده دوامنه
سبب اکیلد اوله جغندن او حدودلره مأمور یونان
(اسحق) پاشانک اخطاراتی اوزرینه پادشاه اشبو
(سکر یوز قرق ایکی) سینه سنده عساکر کلیه
جمعیه سمندره اوزرینه یوریدی .

افلاق بکی دراقوله بوسفر همایونده معیت شاهانه ده
بولنق اوزره وقوعبولان دعوته مبنی ادرنه یه کلش
ایلدی .

فقط میر مومی الیه نه سینه مبنی اینده پادشاهی
کوچندرمش اولدیغندن کندوسی کلیولی قلعه سنده
وبرابرولنان ایکی اوغلی دخی کرمان ولایتندن
(اکری کوز) قلعه سنده حبس و تسجین
ایدلی .

صرب قرالی دخی دعوت ایدلش ایسه ده کندوسنک
دائما مجارلویله ایتدیکی اتفاق خفی نزد دولت
علیه ده معلوم اوله رق پادشاهک بودفعه کی سفری دخی
کندی علیه نه اولدیغنی حس ایتدیکی چون دعوته
اجابت ایتدکن ماعدا سمندره قلعه سنک محافظه سنه
اوغلارینی تعیین ایله کندوسی مجار قرالی نزدینه
فرار والتجایه مجبور اولدی .

اردوی همایون کمال قوت وشوکتله سمندره قلعه سی
اوکنه نصب خیام وایکی آی مقداری قلعه نک شدتله
حصر و تضییقه دوام ایدرک نهایت محصورلرک
مدافعه به اقتدارلری قالدیغندن بالاستیمان قلعه نی
تسلیم ایتدیلر .

دراقولهك اوغلاری در دست اولندرق کوزلرینه
میل چکیلوب (توقاد) قلعه سنه اعزام ایله حبس
ایدلشلددر .

پادشاهه ظفر بنه سمندرهك تسخیرلندنمکره اسحق
پاشایی وکوتاهیه سنجاغی متصرفی امور بك
زاده (عثمان چلبی) بی و سائر بعض امرایی
فرقلرله (نیکولی) قلعه سنك استیلا سنه مأمورا
سوق یوردیلر .

بو امر انیکولی بی محاصره ایدوب حربه دوام ایتمکده
اولدقلری حالدده دشمنك بریوكداردوسی پیاده لری اوکده
وسواریلری قفاده اولهرق ظهور ایتدی .

اسحق پاشا اولجه ایتدیکی تحقیرات اوزرینه جنود
اسلامیه بی حربه حاضرلش ایدوکنندن دشمنی شدتله
قارشولدی .

دشمنك پیاده طاغی عثمانلو اتلرینك ایاغی التنده پامال
ایدیلرک سواریسنك دخی یوزلری دوندورلدی .
عثمانلی قهرمانلری دشمنی تعقیبه مسارعته فرار یلرک

برچونگی تپہ لاندی . برچونغیدہ اسیر ایدلدی .
 نیکبولی محصور لری کندیلرینہ امادہ کلان بر بیوک
 اردونک بوصورتلہ ہزیمتہ اوغرا دیغنی کورنجہ انلردہ
 تسلیمہ مجبور اولدیلر .

پادشاہ مظفر علم سمندرہ ونیکبولی واورادہ بولنان سائر
 صرب ممالکنی بوصورتلہ ممالک عثمانیہ یہ منضم قلدقندن
 صکرہ سمندرہ حکومتہ (طورخان) بکی تعین واورالک
 محافظہ سنہ لازم اولان سائر تدابیری اکیال ایدرک پای تحت
 ایدرنہ یہ عودت ایتدی .

» بعض مؤرخین اشبو سمندرہ سفرینی (سکزیوز
 قرق درت) سنہ سی وقوعاتندن اولیق اوزرہ
 یازمشلر سده (مصر) ملیکی (طاهر ابوسعید)
 طرفندن (سکزیوز قرق ایکی سنہ سی جاد الاولیسنک
 اونی) تاریخیلہ مؤرخا کلش اولان نامہ یہ سلطان
 مراد غازی حضر تلی جانبندن یازیلان جوابنامہ
 ہمایوندہ سمندرہ مظفر یندن بحث ایدیلوب بوجوابنامہ یہ
 دخی بہ ملک مشار الیہک تبیینی متضمن (سکزیوز

یوز قرق اوچ سنه سی ذی الحجه سنک یکرمیسی (
 تار بخلو بر جواب کوند رملش اول سنه نظر اً مظفریت
 مذکوره (قرق ایکی) سنه سی وقوع اتدن اولق
 لازم کلور »

§

بلغرادك محاصره سیله نوه برده نك فتحي

حضرت پادشاهك مجارستانجه آرزو ایتدیکی فتوحاتك
 مدخلی صاییلان (بلغراد) قلعه سی دخی
 صر بلودن الملق اوزره (سکر یوز قرق اوچ)
 سنه سنه اول جانبه مؤکب شاهانه حرکت وعزیمت
 بیوردی .

و بلغراد قلعه سی تحت محاصره یه اندی .

فقط قلعه نك اوزمان دخی متانت و رصانتی جهته
 اردوی همایوند: بوانان طویلراه تسخیری مشکل و بلکه
 متمتع کورندیکندن بونکله بیهموده اوغراشمقدن صرف
 نظرا: بنمود اسلامیه (صوه) نهرندن امرار

و مجارستان ایچنه الغارایتدیرلدی .
 بودفعه دخی مجارستاندن غنایم واسرای کلیه الارق
 اردوی همایون ادرنه به متوجهاً عودت ایتدی .
 اثنای عودتده کذرگاه اردوی همایونه تصادف ابدن
 (نوه برده) قلعه سی بالمحاصره تسخیر اولندی .

§

مزید بکک افلاق جانبنده انهزام و شهادت
 یوقاریده بیان اولندیغی وجهله افلاق بکی دراقوله نک
 اوغلار یله برابر اخذ و حبس اولمنسی مناسبیله افلاق
 دیاری حکمدار سز قالمشیدی .
 مجار قرالی بو فرصتدن و پادشاهک صربییه طرفنده کی
 مشغولیتندن استفاده ایدرک افلاق بویارلرندن برینی
 افلاق حکومتنه اقعداد ایله اوجهتدن ممالک محروسه
 شاهانه یه ایصال خساراته باشلادی .
 پادشاه افلاقدن دفع اغیار ایچون امرادن (مزید بک)
 نام سردار قوماندن سیله افلاقه بفرقه عسکر یه سوق
 ایتدی .

مزید بك دزون افلاقه داخل و در جنگ اول غلبه
 و ظفره نائل اولسیله کندوسنه غرور کله رك حزم
 و احتیاطی ترك ایله عسکری اقبینه طاغتمش و کندوسی
 جمعیت قلیله ایله بره موقعه قلمش اولدیغی حالده
 بحارلونك کوندرمش اولدیغی اردو افلاقو ایله
 برلشوب مزید بکی اولدیغی رده باصدی .

مزید بك نزدنده بولان جزئی عسکرله شجیعانه مقابله
 ایتش ایسه ده اعدانك ككترتی مناسبتیه باشه
 چیقده مدیغندن کندوسی و عساكر اسلامیه نك برطاقی
 شهید و برطاقیده اسیر اوله رق بقیه عساكر دخی
 منهزمأ هزار زحمله رجعت ایتدی .

§

مزید بك فرقه سنك بروجه مشروح انهرامی خبری
 اوزرینه پادشاه بفرقه ده ا ترتیب و تجهیز ایدرك
 روم ایلی بککری بکیسی (قوله شاهین) پاشا قومانده سیله
 افلاقه سوق و تعیین بیوردیلر .

بوشاهین پاشا دخی عیاش و کج تدبیر برادم اوله رق
افلاق ایچنه داخل اولنجه عیش و نوشه طالیدی
و بوحرکاتک تیجه سی وخیم اولدیغنی اخطار ایدن
امرانک سوزلری قطعاً ایتمدی .

پاشا مستانه و مغرورانه برحالده ایکن مجار عسکرینک
کلمکده اولدیغنی خبر ویریلنجه مستی غروردن اییلوب
فرار یولنی طوتمق ایستدی .

امرا پاشای قاجغه بر اقبوب دشمنه مقابله تدبیرینی
کورمک ایچون بر کجه الیقوی عشارسه ده ایرتسی کون
شاهین پاشا و بعض حیتسز امرا طونه دن پرو یقه یه
قاچدیلر .

کوتاهیه سنجاغی متصرفی عثمان چلبی شجیع و جسور
بر مرد غیور بولندیغدن ذل قراری ارتکاب ایدمه یوب
سائر حیتندن امرا و عساکر ایله دشمنه کوکس
کردیلر .

و بر کون صباحدن اقشامه قدر یقه یقه یه فداکارانه
حرب ایدیلر .

لكن اصل اردو قوماندانك فرارى عسكـره ضعف
وهراس ايراث ايتديكندن تيجه حربي مجارلوق زاندى .
وعثمان جلبى ايله نيجه نامدار امرا و برچوق دلاوران
عسكـر شهيد اولديلر .

» بعض تاريخلرده ساهين پاشا يرينه شهاب الدين
پاشا ديلمشدر « .

اشبو ايكي دفعه كي هنيمتلر (سـكـزيوز قرق دزت
وقرق بش) سـنـه لرنده بربريني متعاقب وقوعه
كيشدر .

§

قونية سفرى

افلاق جانبنده عساكر اسلاميه نك ايكي دفعه در
بوزلمسى قرمان اوغلى ابراهيم بكك دوات عليه عليه
اولان عداوت مكتومه سنى اظهاره و مجارلوايله اتفاق
نهائيسى احكامنى اجرايه جسارتنى مستلزم اوله رق
دامادى بولنان طورغودلى عشيرتى رئيس (حسن)
نى بلاد فرمانده هم حبيبود اولان عساک عثمانيه

تسلط و بواسطه ایله نیجه بلادی تالان و تخریب
ایندی .

پادشاه غیرت اکتاه ابراهیم بکی بود دفعه اله کنوروب
انتقام المق اوزره (سکن یوز قرق التی) سنه سنه
دیار قرمانه سفر واردوی همایون ایله قونیه قلعه سی
اوکنه نصب اعلام ظفر یوردی .

شمیدی به قدر دیار قرمان و سایر حکومت اسلامیان
اوزرینه وقوع بولان اسفار دولت علیه ده نهب و غارت
اصول اعتسافیه سی سبقت آیتامش ایندی .

سلطنت سنیه اورو پاده اعدا ایله اوغراشورکن ابراهیم
بکک مماتک عثمانیه حقنده روا کوردیکی حرکات
غدارانه و غاصبانه سندن طولایی پادشاه پک زیاده
غضبناک اولمسیله بالمقابلیه بود دفعه قرمان دیاری عساکر
عثمانیه غارت ایتدیرلمشدر .

« هر عصرده ایشته بوقرمان اوغلی کبی بر شخص
غدارک اراده کیفیه و سیئات ذاتیه سی شمه تی صوجسز
کنامسز بر طاقم ففرای اهالی چکرو (ظالم نماند

قاعدۀ زشت او بماند (مدلولی که بر ظالمک کوستردیکی
مثال ظالمانه معامله متقابلۀ یوننده قاعدۀ حکمنده
طوتیلوز کیدر »
صددن چقمیدلم :

ابراهیم بک بنه ایچ ایل طاغرینه قاجوب بو کره دخی
جنایاتی باغشلمق ایچون حضرت پادشاهک همشیره سی
یونان حبله سی (سلطان) حضرت لرینی وزیر ی
مقامنده اولان (سرور) بک و علما و مشایخن
بعض ذوات معروفه ایله برابر عتبۀ پادشاهی به بعث
واعزام ایلدی .

پادشاه همشیره لر ی سلطانک کوزلندن یاشلر دو کهرک
ابتدییکی نیاز و استرحامه و سرور بکک دخی قوه نطقیه سیله
سرد ایلدیکی اعتذارات و تعهداته طیانۀ میو باسکی
منوال اوزره ابراهیم بکی تکرار عفو و ایله ادرنه به
عودت پیوردی .

§

اشبوقرمان سفرندۀ اماسیه رالیسی شهرزاده (سلطان
علاءالدین) دخی ولایتی عسکر یله موکب همایون

معینده بولندیرلش ایدی .
شهراده مشارالیه متر حکومتنه عودتنده حلول اجل
و عودیلہ ارتحال دار بقا ایتشدیر . رحمة الله علیه

§

مجار قرانك بعض اورو یا حکمدار لیلہ بالاتفاق

روم ایلنه هجومی

صمر بستانك مرکز حکومتی بولنان (سمندره) نك
وسائر ممالك صریه نك برقاج سنه مقدم دولت علیه
عثمانیه طرفندن ضبط اولمئسندن و اوغلارینك دست
عثمانیه دوشدرك توقاده حبس و تسجین ایداسندن
طوبانی صرب قرالی حین فرارندن بری مجار قرانك
وسائر اورو یا حکمدار لیلنه عرض سوزش و شکایت
ایتمکد، و قرمان اوغلی ابراهیم بك دخی [سزاوته دن
بن برودن بالاتفاق حرکت ایدلم عثمانلوی اورتهدن
قالدیرلم روم سزك اناطولی بنم] کبی خبرله مجارلوی
نجر بك و تسویل ایتمکده ایدیلر .

مجارلونك افلاق جانبنه تجاوزاتی و ابراهیم بكك دخی
 اوتیه طرفدن آنفاً بیان اولسان حرکات خصمانه سی
 ایشته بوتحریرکات و اتفاقك ثمره فسادیه سی ایدی .
 مجار قرالی پادشاهك قونیه ده مشغول بولندیغی اثناده
 (یانقو) نام سرعسکری قوماندیه سیله و صرب قرالی
 دلالتیه بر مکمل اردوسنی بلغراد جانبدن ممالک
 محروسه یه سوق ایتدی .

بواردو (ازلادی) دربنددن کچوب پای تحت ادرنه یه
 کلمک و بتون روم ایلنی ضبط اتمک زعمیه یوریوب
 (الهجه حصار) (شهر کوپی) (نیس) (صوفیه)
 و اوحوالیده بولنان سائر قلاع و قصبات و قرابی یاقوب
 ییتمه رق راست کتوردکلری اهانینک کیمنی اعدام
 و کیمنی اسیر ایدرک ازلادی دربندینه طیانیدی .

فقط متفقینک اومدقلری قدر پادشاه، قونیه ده مشغول
 قالمیوب شمشر قهر قهرمانی عثمانی ایله قرمان اوغلی
 پک چاپک امانه کتورلمش و موکب شاهانه ادرنه یه تیر
 عودت ایتمش اولدیغندن اردوی همایون ازلادی

در بندنده اعدای قارشولدی .

دشمن اردوسی اردوی همایونه نسبتله قوتلی بولندیغندن
پادشاه تدافعی حرکتی دهها مناسب کوروب ازلادی
در بندینی سد و تحکیم و موسم قیش اولوق مناسبته
دشمنك گذرگاهی اوله بیله جك يوللره صولر اجرا
ایتدیرهك بوصورك انجمه اديله کجید و برمز برحاله
کلسندن طولایی دشمن در بنددن بری طرفه مرور
ایده مدی .

شدت شتاك تأثیراتی بر طرفدن و يوللارك قیاسمندن
ناشی ذخایر و مأکولات سائر ضرورتی بریاندن دشمن
اردوسنی بی مجال و عودته اجبار ایتدی .

دشمن اردوسنك رجعتی اوزرینه روم ایلی بککری بکیسی
(قاسم) و توقاد حاکی (بلیان) پاشارله صدر اعظم
خلیل پاشانك برادری و پادشاهك انشته می بولسان
بولی متصرفی (محمود چلبی) و سائر بعض احرا تعقیبه
مأمور ایدلدی .

لیکن دشمن اردوسی غفلت ایتیوب رجعتی فن حربه

توفیق و یریر مواقع مقتضیه به عسکر تعبیه ایدرک
کیدردی

عسا کر عثمانیه ایسه بی حزم و احتیاط کمال سرعتله
بوریمکده ایکن (نیش) دربندنده دشمن عسکری بونلرک
اطرافنی المسیله جریان ایدن محارب به نتیجه سنی مجارلو
قرانوب عسا کر عثمانیه منهزم اولدی - محمود
چلبی دخی قید اسارته دوشدی

دشمن اردوسی بومظفریتدن شادکام اوله رقی طونه بی
کچوب مجارستانه رجعت ومو کب شاهانه دخی ادرنه
پای نخته عودت ایلدی

حضرت بادشاه بوانکسار و هزیمتدن متأثر اولوب سنه
آتیه موسم بهارنده دشمندن انتقام المی ایچون
تدارکات کلیده تشبث ایتک افکارنده ایدیلر

فقط صرب قرلی بر سفیر مخصوص کوندروب کندوسنک
عفوینی و اوغلرینک محبوسدن اطلاقنی نیاز ایله برابر
مجارلوا یله دولت علیه بیند مصالحه یه توسط ایلده جکفی
عرض ایتش و محمود چلبینک قید اسارتدن اطلاق

حقیقه حلیله سی بولنان همشیره پادشاهی دخی سوز
و کدازه باشلامش ونجه سنه لرنندبرو عسا کر عثمانیه
مجاربات متوالیه ایله یوریلوب تبعه دخی مصائب
حریبه ایله ازلمش اولدیغندن صربلو کاکان دولت
علیه به پرویرکوی معین ویرمک و (سمندره) قلعه سی
ینه صربلویه رد اولمق شرطلریله عقد مصالحه
اولندی . .

و بوسیله صرب قرانک اوغلاری توقاد زندانلار
و محمود چلبی دخی قید اسارتدن اطلاق ایلدی .
« بومصالحه به دأر سلطان مراد حضرتلرینک مصر
سلطانی ملک اشرف برسبای طرفه صورت استشاره ده
یازمش اولدقلری عربی انعباره بر نامه همایونده انکروس
ایله اوچ سنه ایچون عقد صلح و مسالمت اولدبغی
و صربلو و بوسنه او اوتنه دنبرو دولت علیه نک
خراجگذاری اوله رق افلاقلونک دخی بودفعه جزیه بی
قبول ابتدیکی مرقدیر » .

سلطان مرادک سلطنتدن فراغتی

سلطان مراد ثانی حضرتلری حین جلوسلرندنبرو
 داخلی و خارجی محاربات متمادیه و وقوعات متتابعه ایله
 اوغراشمقدن اوصانمش و بوکره اورو پالور ایله عقد
 صلح ایدرک غوائل حربیه و خصمانه یه ممکن مرتبه
 ختام و یرمش و نجل نجیب ادیبی سلطان محمد
 حضرتلرینک ناصیه حائده حسن اداره ملکه استعداد
 کورمش اولدقلرندن بقیه عمرینی کوشه استراحتده
 کچیرمک ارزوسیه اشبو (سکر یوز قرق یدی) سنه سنده
 سلطان محمدی ولی بولاندقلری مغنیسادن دعوت
 و جلب ایله سلطنت سنیه عثمانیدی مشارالیه تقلید
 و فراغت و کندولری (اسق) پاشایی و سایر بعض
 خواصی برابر الهرق مغنیسایه عزیمت بیوردیلر .

§

وارنه محاربه مشهوره سی

سلطان محمد پدري حياتنده جالانس سرير سلطنت
اولش ايسدهده دها نوجوان وفن دقيق حكمرانيده
هنوز بي آزمائش و امتحان اوله رق اطرافده بولسان
اعدا ايسه سلطان مرادك تخت عثماني بي براغوبده
مغنياسايه چكلمسني اختلال دماغنه وقتور همتهه جل
ايله ز عملرنجه شوزماني دولت عثمانيه نك محو
وازاله سيچون اك مساعد كورد كلردن وجهه دن اول
اناطولى قطعه سنه هر بار چشم حرصله باققده اولان
قرمان اوغلي مفسدى اوروپايه الحيلر كوندروب مجار
قرالني تحريك و تشجيع ايتديكندن اشبو (سكر يوز
قرق سكر) سنه سنده (مجارستان) (المانيا)
(صربستان) (افلاق) (بغداد) بوسنه
وسا اوروپا حكومت و ماتلري اتفاق ايدرك پاي تخته
هجوم و روم ايلي قطعه سنده بولسان ملت اسلاميه بي
معدوم ايتك اوزره حدوده يوريمكده اولد قلري اركان
ذولك مسموعى اولدى .
بو دهشتلو حوادث اركانك عقلاريني باشلرندن

صیحرادوب پادشاه نو جاهک جلادت وشوکنی هنوز
 اعدایه طانیدللماسیله برابر حدائت سنی وتجربه سزلیکی
 جهتله بویله باشلو براتفاق خصمانه یه قارشو اداره
 تدابیر حربیه ایده بیلمسندن ناامید بولندقلرندن قوجه
 خنکارک جلب ودعوتنه قرار ویردیله .

بو قرار اوزرینه صورت حالی اغبرارینی موجب
 اولیه حق بر زمین ایله سلطان محمد عرض ایدوب
 پدرلی سلطان مراد جانبده اعدای متفقیه مقابله
 ایچون همان تشریفلرینی متضمن دعوتنامه یازدردیلر :
 سلطان مراد اشبو برنجی دعوتیه قولاق اصمامش
 ایسده ارکان دوات [اعدای دین بیضه اسلامی
 شکست ایتمک قصدیله دیار اسلامه هجوم کوستردکلرندن
 اکر پادشاه ایسه کز محافظه ملک وملت ایچون مقابله
 ومدافعه یه وایفای فریضه جهاده مجبور واکر
 پادشاهلغی کندیکزه مال ایتیورسه کز او او الامر
 طرفندن امر غزایه مأمور اولدیغکلرندن همه حال
 تشریف بیورملیسکز] یوانده دفعی مشکل مقدمات

معتوله بی مشتمل بر عریضه عمومیه تقدیمه سلطان
مرادك عاجلاروم ایلنه کچمیرینی نیاز و ابرام
ایتدیلر .

سلطان مراد اشبو استدعای عمومیه جواب
ویره مدیسی کبی ایشک اهمیتت پک اغر اولدیغنی دخی
اکلادقلرندن همان اناطولی جانبی عسکرینی معیتلرینه
جلب و جمع ایدرک سبر سریع ایله کلیبولی قصبه سی
قارشوسنه کلدیلر .

لیکن متفقین طرفندن ترتیب و تجهیز اولنان دونخاق
دکز بوغازینی طوتمش اولسبله قارشودن کلیبولی به
کچمک امکائی بوله مدیلر .

بناء علیه اناطولی حصاری طرفندن کچمک اوزره
قره دکز بوغازینه شتاب ایتدیلر .

صدر اعظم خلیل پاشا پادشاهک کلیبولیدن
کچه میونده قره دکز بوغازینه کله جکیرینی روش
حالدن استکشاف ایدرک روم ایلی عسکرینی بالاستصحاب
اناطولی حصاریک قارشوسنه کلش و شاید دشمن

طرفندن موکب شاهانه نك مرورینه ممانعت اولنه جق
اولور ایسه مدافه ایچون ساحله طوبلر دیزمش
وسلطان مرادی کوزتمکده بولمیش ایدی .

سلطان مراد امانا بوغازدن زوم ایلی جانبدنه عبور ایله
ایکی طرفک قوتنی برلش-دیروب ادرنه یه واصل
اولدی .

متفقینک دخی طونه دن مرور ایدرک (وارنه) یه
کلدکلی تحقق ایتدیکندن سلطان محمدی ادرنه ده
بالابقا کندولری بلا توقف مقابله اعدایه توجه
بیوردی .

متفقین اردوسی بلغراد طریقندن ممالک شاهانه یه
کیروب هر نقدر حدود قهرمانلری بونلری زده لکدن
کیرو طور مدیلر ایسه ده او یله مکمل براردویه قره قول
حکمنده بولانان حدود محافظلرینک مدافعه سی سد
ممانعت اوله میه جغندن اعدای متفقده وارنه یه قدر خط
حرکتلرینه تصادفی ایدن ممالک محروسه یی جکمنه یه رک
کلشرایدی .

اردوی اسلام دخی وارنه به با و صول ایکی طرف کال
شدتله محارب به به کیرشدیلر .

متفقین اردوسی کرك عددجه كرك الات حریه جه
مکمل و منتظم اولوب حتی یالکزیتمش بیک زرهلو
سواریلری واریدی .

جنود اسلامیه هر نقدر شجاعانه مقابله دن کیرو
طور مدیلر سده امر او عسکرک برچوغی شهید و مجروح
اوله رق اناطولی بکلر بکیسی (قره جه پاشا) دخی
شهید دوشمه سیه دشمن طرفی غلبه کوسه تروب
عساکر عثمانیه هزیمت و فراره یوز طوتدی .

لیکن پادشاه کوه تمکین قیوقولی دینیلان یکی چری طاقی
و فراری ارتیکاب ایمان بعض حیتمندان ایله برتپدنک
باشنده ثبات ایدوب ظهور نصرت غیبیه تمهیدیه
شجاعان عسکری دفع و تدمیر اعدایه تحریض و تشویق
ایتمکده و بجانب دشمندن یغفور کبی اتیلان طوپ
و تفنک دانهلرینه کوکس کر مکده ایدی .

مجار قرالی اردوی اسلامک پریشانلغنی و پادشاهک جزئی

قوتله قالدیغنی اکلا یوب پادشاهی اسیرایتک زعمیله
بالذات هجوم کوستردی .

بو حالده دخی قوجه سلطان مرادیوری لطف ربانی به
اعتماد ایدرک ثباتنه قطعاً خلل کتورمندی .

« خیراه افندی تار یخنک بو یخننده سلطان مراد
فاجه جق اولدیسده قرهجه بک اتک دیزکننه یاشوب
نصیحت ایدرک قاچغنه براقدی یولنده برطاقم مقالات
سرد ایدلش ایسه ده تواریخ معتبرده بویله بروایت
کور یله مدی . خصوصیه قرهجه بک اولجه شهید
اولشیدی . اولسه ده بونجه محارباتده سیف
قهرمانیسیله قهر اعدایه مألوف اولان سلطان مراد
ثانی کی شیریشنه و غا بر پادشاه حرب ازمایه کور
قرهجه بک نصیحتنه محتاج اوله جق قدر ثباتسزلق
کوسترمیسی مستبعد دکلیدر ؟ »

هر نه ایسه :

محسار قرالی غرور غلبه ایله علم عثمانی اوزرینه ات
قادیروب زعمیله پادشاهی حرب اسیری ایتک ایچون

قوشمقده اولدیغی حائده پادشاه یکی چری دلاورلرینه
[شو مغرورک کندی اردوسندن ایریلوبده سرخوش
کبی کلیشی علامت ادبار بدر . تا اورتیه کزه کیرمیجه
مقابله کوسترمیوب اره کزه الدودن صکره قلیچ اوشوروب
اتلافیه غیرت ایدیکن] دیدرک قومانده و یردی .

فی الحقیقه فرال جنون احوال یکی چریلرک اره سنه قدر
صوقولدی . صوقولدی اما فی الحال بلاسنی
بولدی .

یکچیری قهرمانلرندن (قوجه حضر) نام دلاور
برسیف رستمیه ایله قرالی اتندن دوشیروب ودر عقب
باشنی کسوب رکاب همایونه کتوردیکندن برمزراغه
طاقیلهرق اعلان اولندی .

بوسرفلا کترده نک مزراق اوزرنده کورنسی دشمن
عسکرینه مورث دهشت و بانعکس اولجه فرار یوانی
طوتان اسلام سواریلرینه موجب قوت وغیرت اولوب
بو حاکم اوزرنده ظهوره کلان فداکارانه محاربه نک

نهایتند اردوی دشمن منهرم و پریشان و چند مسلمان
 غلبه کامله به نائیله بختیار و شادمان اولدی .
 روم ایلی بکلیر بکلیسی (داود) پاشا عثمانلی سواریلرله
 دشمنی تعقیبه مأمور اولوب متفقینک بوزغون عسکری
 علی التولی ایکی کون ایکی کیجه طونه نهرینه قدر
 تعقیب اولمسیله قیریلان قیریلوب بقیه السیوفی اسیر
 ایدلدی .

میدان حربدن فراری ارتکاب ایدن رؤسای عسکریه ناک
 قتل و اعداملرله اجرای سیاستلرینی پادشاه مراد ایتش
 ایسه ده مظفریت واقعه ناک صدقه سی اولق اوزره
 ارکان دولت عفو لری رجاء و شفاعت ایتدکلرندن
 اعداملرندن صرف نظره فقط بعض تأدیبات ایله
 اکتفا اولمشدر .

اشبو مظفریت جلیله یی یار و اغیاره و خصوصیه
 قرمان اوغلنه طو بورمق اوزره قراک سر مقطوعی
 بروسه کوندریلوب تشهیر اولندیخی مثلاً اسیر
 ایدیلان زرهلر و محار اتلورندن یکره یشر او توزر نفری

مظنطن ظفر نامه لرله ملوک و حکمداران اسلامیه
ارسال ایدرلشدر :

ظفر نامه لر ادرنده جانس سریر سلطنت اولان
سلطان محمد جانبندن یازیلوب بونلردن شاه ایران
(شاهرخ) میرزایه یازلش اولان (سکزیوز قرق
سکزی) سنه سی رمضان شریفنک اواخری تاریخلو
ظفر نامه نک بر صورتی (۱) رقیله ذیل جلدیه ترقیم
اولمشدر .

« تاج التواریخده بولحمه کبرانک (سکزیوز
قرق سکزی) سنه سی رجینک یکرمی طقوزنجی صالی
کونی وقوعبولدیغی مسطوردر »

« بدایت ظهور دولت عثمانیه دن پرواورو پانو عثمانلوی
محو ایتمک و هیچ اولمسه روم ایلی قطعه سندن سوروب
حیقار مق اوزره بر قاج دفعه اتفاق عمومی صورتنده
قیام ایتدکلری مثلاینه اوافکار باطنه سوقیله اشبو
وارنه وقعه سنی ظهوره کتوردیلر خداوند کار سلطان

مراد اولك شهادتی منج اولان (قوصوه) محاربه
شهوره سنده نصل خجیل اولدیلسه اکا ثانی اولان
بووقه عظیمه ده دخی اولصورتله رذیل اولدقلرندن
وزیرده ایراد اولنه جنی وجهله برقاچ سنه صکره ینه
قوصوه ده وقوعه کلان محاربه بی دخی غیب ایتدکلرندن
بوندن صکره ارتق نجاووزی حرکتہ تصدی ایده میوب
بالاخره رفته رفته اوروپادن خیلی اقالیمی دولت
علیه ترکه مجبور اولمشلردر . »

§

سلطان مراد ثانیك تكراد سریر سلطنت عثمانیه

جلوسلری

سلطان مراد غزا اعتیاد یوقاریده تفصیل ایدیلان
وارنه وقعه هائله سنده دخی اعدای متفقده غلبه ایدرک
ملت اسلامیه و سلطنت سنیة عثمانیه بی یوک
برورطدن قورتارمسيله توجهات قاوب عامه برقات
دها جانب عالیرینه منجذب اولدیغی حالده کمال

شوکتله وارنه دن ادرنه یه بالعاوده ادرنه خارچند،
نضب اوتاغ همایون پیوردیلر .
وزرا وروؤسانک وبالعموم عسکری طائفه سنک حال
وقالرندن نجل جلیل عالیترینک حداثت سنی مناسبتیه
مظهر حسن قبول اوله مدقلرینی اکلایوب تکرار
تحت عالی عثمانی یه جلوس اتمک افکاری لایح
ضمیرلی اولدی .

فی الحقیقه ازهر جهت اقتدار حکمرایسینی عالمه
تصدیق ایتدیرن برپدر کمال افسر حیاته اوادقجه
هنوز آثار اداره سنی فعلا اثباته اختلاس وقت ایده میان
یرشه زاده نک کوکبه سلطنتی ولو که استقبالده تنویر
آفاق مدنیت ایده جکی خواص عنندنه کشف ایدلش
اولسون ینه انظار عمومیه بک اوقدر پارلاق
کورنده میدجکندن فایح حضر تلرینک دخی بالاخره
فعلیاتیه ثابت اولان اهلیت مادرزاد وجلادت رستم
نهادلری بودفعه عسکری طرفندن تقدیر
اولنه مامشیدی .

صدر اعظم خلیل پاشا نك القاتنی اوزرینه سلطان
محمد دخی حق ابوته حرمتہ بر کره پدرلینه تخت سلطنتی
قبول ایتملرینی تکلیف ایلمکی مناسب کوروب بو خاطره بی
وزرا وارکانه اجدی .

ارکان دولتک ایسه بو صورت الک زیاده آرزو و چاره
حصوانی جستجو ایتمک لری بر ماده اولدیغندن سلطان
محمدک بوتدیرینی القشلیوب [پدر عالیکن ذاتا غوائل
سلطنتدن مجتنب و کوشه انزوا کندولرینه اعز
مطالبدر قبول ایتمه جکرنده شبهه بوق یا بر کره تکلیف
ایله شرط بنوتی برینه کتیرمش اولورسکنز] دیهرک
کندی امل درونیلرینی سزدرمکسزین تشویق بیله
ایتمیلر .

بناء علیه سلطان محمد پدر عالیلرله ادرنه نك خارجنده
ملاقات ایتمک لری زمان بو سکلنی درمیان ایتمکده
سلطان مرادک دخی مضمرینه موافق کلدیسه ده اول
اولا قبول سز نك کو ستروب نهایت ارکانک ابرام ورجالرینه
بناء ملاحظه یه تعلیق ایتمدی .

سلطان مرادك بوندن غرضی دخی افراد عسکر به نك
افكارینی لایقوله یوقلیوب اكلایق ایدی .

ایرتسی کون صیدوشکار نامیله قیره چیقوب وعسکری

دخی سورکون اوی بهانه سیله معیتلرنده کوتوروب

بر صحراده کیفیت جلوس استمزاج یولنده عسکرک

افکارینی صورتی .

کافه عسکر همان اورا جقده کمال ممنونیتله بیعتده مسارعت

ایتد کلرندن ایرتسی کونی سلطان مراد ثانی

حضرتلری ادرنه سراینه داخل اوله رق ثانیاً تخت

عالی بخت عثمانی به جلوس وشهزاده سلطان محمدی

ینه مغنیسا حکومتده تعیین واعزام پیوردیلر .

«بعض مؤرخین وارنه عودتنده سلطان مراد

برمدنچک مسافرت طریقوله ادرنده اقامت ایتد کدن

صکره ینه مغنیسایه عزیمت وعودت ایدرک برسنه

صکره ادرنده طهورایدن برحریق کبیر مناسبتیله

خلقیجه وعسکرجه سلطان محمدک اداره سندن

خشنودسزق حصوله گلش وبونک اوزرینه ارکانک

نهانی دعوتنه مبنی سلطان مراد ادرنه به بالورود

ایکجی دفعه اولق اوزره جالس سریر سلطنت
اولشدر . کبی بروایت ایده یورلر سده وقوعاتک
سیاق وسباقنه نظرا بروایت قوت الماشدر .

موره جانبنه سفر همایون وقوعی

استانبول ایمپراطورینک برادری (قسطنطینک)
زیر حکومتده بولنان (موره) قطعہ سی روم ایلی
جهتجه بحر سفیدک کلیدی مقامنده اوله رق اورانک
فتح و تسخیری دولت علیه جه اهم اولغله برابر وارنه
اتفاقده وندکلونک کلبولی بوغازنه سفاین سوقيله
سلطان مرادک اناطولیدن روم ایلی یه مرورلرینی
تصعیب ابدلسندن طولابی وندیک مالکنده دخی عثمانلو
قلیچنک ضیامی کوسترلک وفرنکلردن اخذانتقام
ایملک ایجاب ایدوب بود، اولاموره نکالده بواندیرلسنه
موقوف ایدی .

بناء علیه پادشاه کیتی ستان (سکز یوز الی)
سنه سنه مدت مدیده موره حدودنده مأور بولندیخی

ایچون اوحوالی احوالنه واقف اولان مشهور غازی
طورخان بکی طلیعه سرداری تعیین و کندولریده
موکب همایونلریله موره جانبینه حرکت بیوروب موره
نیم جزیره سنی روم ایلتنه وصل ایدن اوج میل مقداری
قره نك مدخلنده واقع (کرمه) قلعه سنی محاصره
ابتدی .

ذکراولانسان اوج میل مقداری اراضینك عرضی دخی
بربرینی قورزچند قطعه قلعه لره تحکیم ایدلش اولدیغی
کی بو قلعه لرك یکدیگرینك یینی دخی خندقلرله کسیلوب
صوایله طولدیرلش اولدیغندن اورادن موره ایچینه
چکلمك محال حکمنده کورینوردی .

کرمه قلعه سی اشیبو قلعه لرك اک متبئی ایدی . فن
قلعه کشایی وجلادنده ملکه کسب ایتیش اولان سلطان
مرادك همت جهانگیرانه سنه بو استحکام دخی
طیانه مدی .

عثمانلو قهرمانلری بالاقدام قلعه خندقلرینی طیرافله
طولدیروب وطوپ و تفنگه اهمیت و بر مکسزین بوریش

ایدوب تسخیری یک مشگل کورینان مذکور قلعه لک
جمله سنی تسخیر ابتدا یلر .

کک بوقلعه لردن و کک اطرافدن عسا کر عثمانیه انه
غنائم و اسرای کلیه کیردیکندن و موره لونر دخی طالب
صلح و امان اولدقلردن دها ایلر و سنه ۷۷۷ یدلیوب
بالمصالحه موکب پادشاهی ادرنه یه عودت ایلدی .

ارناودلغه سفر همایون

ارناودلق حکمداری بولسان (اسکندر) بکک عمی
زاده لردن جزء بک (سکر یوزاللی برسنه سنه) ادرنه یه
کله ک حضور همایونه مشواند، ارناود رؤسای
شوارالق اسکندر بکدن یوز جویرمش اولدقلری
جهتله دولجه عسا کر کافیه سوقیله کندوسنه اعانه
اولدبغی تقدیرده (اقچه حصار) و سائر ارناودلق
ممالک بک سلطنت سنیه ایچون ضبطنی تعهد ایلدی .
ارناودلغک استیلاسی ذاتاً دولت علیه جه مقتضیات
ملکیه دن بولندیغندن پادشاه بانذات حرکت (واقچه
حصاری) حصر و قضیه همت ابتدا یلر .

حصار مذکور قلاع متینہ دن ایدی .
 بناء علیہ محاصره ایکی ای امتداد ایدوب نہایت
 قلعه نك صوی کسیلہ رك صوسزلق محصور ینك
 جانہ کار ایتدیکندن قلعه پادشاهه تسلیم اولندی .
 ارناودلنك ایشه یرار اکثر محلاری دخی بوسفرده تسخیر
 اولنوب موکب همایون ادرنه یه دوندی .

§

قوصوه محاربه سی

یوقاریده تفصیل و حکایه اولسان وارنه وقعه سنده
 مجارلو ومتفق بولنان سائر اورو پالواوغرادقلری
 هنیمت محجوبیتنی ازالہ ایتک وتکرار حرکت متفقانه
 ایله عثمانلودن اخذ ثار ایدہ بیلک ایچون اشبو (سکرز
 یوز الی ایکی) سنه سنده جمعیت کلیه ایله مجار بانلرندن
 اولوب وارنه محاربه سنده دخی سرعسکراولان (یانقو)
 قومانده سنده اولدقلری حالدہ بلغراد یولاندن
 درون ممانک شاهانه یه یوریدیلر .
 پادشاه دخی اولجه تحقیق کیفیتله موجود قوتی ایله

صوقیه جانبیه عزیمت ایدوب بتون عساکر اسلامیه نك
اجتماعی بکلمکده ایدی .

بوصره ده اعدای متفقہ عدادندن اولان افلاقلو حدود
خاقانیه ددن (نیکبولی) اطرافنی غارته قویولوش
اولدقلرندن حدود امراسی بالاتفاق شیخون طریقله
نیکبولی طرفلرنده دشمنی صاردیله .

واعمال سیف و سنان ایله برطاقنی قلیچدن کچیردکن
صکره برطاقنیده اسیرایتدیله .

امرانك درجنگ اول بومظفر بتلری بشارتی صوفیه ده
پادشاهه واصل والنان اسیرلر دخی اردوی همایونه
داخل اولنجه سلطان مرادغازی حضررتلری بونی
موفقیته آتیه ایچون فال بانخیر عدا ایدرك ارتق متفقینك
یوك اردولری اوزرینه یوریمکی تنسیب وعساکر
اسلامیه بی طاقم طاقم حضورندن امرایله دشمنله
حین ملاقاتده قوریهلحق صف حربی مینه میسره
قاعدہ سی اوزره بانذات ترتیب یوردی .

«قرمان زاده ابراهیم بك بوسفر اعانه وامداد يولنده
بر مقدار عسکر کوندرمش ایدی .

معاینه اناسنده قرمان عسکری پادشاهك منظوری
اولدقده چونکه بونلر قالتاق اکر او وقایش اوزنکیلو
پرمرده قیافت مسخره هیئت برطاقم درنتی ترکان
اتلوسی اولدفلرندن حضرت پادشاه استهزا تبسمیه
قرمان سردارینه خطاباً [عسکریمزك الكنجه سی
یوغیدی قرمان اوغلی کرم ایدوب بوخدمتی ایضا
ایلاش] دیهرک ظریفانه اغریض یورمش اولدقلری
مر ویدر » .

صده رجعت ایندهام :

پادشاه انجم سپاه صفوق حربیه ترتیبی بعدالاکمال
صوفیه دن حرکتله (قورشونلو کلیسا) موقعنه
وصوللرنده اعدا اردوسنك (قوصوه) صحراسنده
اولدیغنی خبر الهرق او طرفه یوریدیلر .

سنه مذکوره (شعبانك دردنجی) کونی طرفین
بر برینه مقابل اولدی .

کچنکی وارنه محاربه سنده عسا کر عثمانیه نك ابتدا
منهرم اولیشی ترتیباتده یولسزاق وقوعندن نشأت
ایتمش اولدیغی تجربہ ایدلمش ایدی .

بودفعہ پادشاه صاغ وصول جناح لرینی و پیشدار
و دم دار و احتیاط قوللرینی لایققلہ ترتیب بیوردقلری
کبی اردوی همایونك ارقہ سنہ مهمات عربہ لرینی
دیزدربوب وقابکاهك اوکنہ علی الاصول طوبلری
قوردربوب هیئت اردو بی بر استحکام شکنہ قومشیدی
بونظام ایله علی الصباح محاربه یہ ابتدا و اوکون
و ایرتسی کون متوالیاً جنک و پیکار اولنہ رق ایکنجی
کونی نسیم ظفر عسا کر اسلامیه یہ یاور اولسیلہ متفقین
اردوسنہ بریشانلق دوشدی . متفقین اردوسی

سر عسکری بولنان (یانقو) برتقریب ایله میدان
حر بدن قاجش ایسه ده (له) و (چه) بکلری
کرفتار دست عثمانیه سان و متفقینك نیجه امر او افراد
عسکر یه سی کشته تیغ خون فشان اولدی .

شهر یار ظفر آثار اشبو غزای غرایه دخی دوست

ودشمنك بكنه جكي صورتده عوفق اوله رق بانشوكت
والاجلال قوصوه دن ادرنه پای تختنه عودت
بيوردیلر .

اورو پالولر غازی سلطان مرادك هر زمان اعداسنه
مقابله وغلبه یه افتدار قهرمانی سنی وارنه وانی متعاقب
اشبو قوصوه وقعهلرنده لایقيله مشاهده ایدوب اوله
قورنیلری کبی عثمانلونك اوروپا قطعده سندن تبعیدی
ممکن اولمیدیغنی **ا**كلا دقلرندن و (برانتن)
ایمپراطور انك اسکیلک حیثیت موهومه سندن ماعدا
برشرف وشوکتی قالدیغنی حائده حکم حکومتی دخی
عثمانلویه قارشو کمال مذلتله یالکز استانیول شهرینه
محصور وقرمان اوغلی وسائر اسلام حکمدارلری ایسه
حضرت پادشاهك باندفعات سله نأدیدهله مقهور
اولدیغندن بوندن **ص**کره خیلی زمان اعدا هیچ
برطرفدن باش جیقاره مدی .

سلطان مراد دخی وفاتلرینه قدر ایکی اوچ سنه کمال آسایش
وراحتله یای تختده سریرارای عدل و داد اولدی .

بواره ده دخی الان ادرنده معمور و مشهور اولان
 ابدیه خیریه لرینی اکیال ایله برابر (سکزیوز الی اوج)
 سنه سنده مطنطن سور ترتیبیله البستان و مرعش
 حکمداری سلیمان بک کریمه عقیقه لرینی مخدوم
 شوکت موسوملری سلطان محمد ترویج ایتدیله .

§

سلطان مراد ثانیک وفاتی

مرویدرکه (سکزیوز الی بش) سنه هجریه سی
 محرمک غره سی کونی غازی سلطان مراد سیر و تفرج
 ایچون صحرایه چقمشلر ایدی .

عودتلری اثناده (اده) کو پریمی اوزرنده بردرویش
 پادشاهه نظر ایدوب [ارتق سلطنت زندگانی پایانه
 ویک اجل باب وآستانه ایرشمشدر . بویه هوده
 غائله لری ترک ایله یول تدارکاتنده بولمیشک] کی
 سوزلر سو یلمسیله پادشاه بوسوزلردن متأثر اوله رق
 سرایه وصولنده کمدولینه شدتلی برباش اغریسی
 عارض اولدی . بونک اوزرینه ولی عهدلری سلطان محمد

ویرلک اوزره اولجه ترتیب ایتش اولدقلری وصیتنامه بی
میدانه چیقاروب مضمونک اجراسنه سلطان محمدی
وصی و صدر اعظم خلیل پاشایی ناظر تعیین و جله
وزرایی اشهاد ایدرک سلطان محمدک سر یعامغنیسادن
جلبنی امر ایلدیلر .

پادشاهک صداعی کتد کجه تزیایدوب اطباتدیر
مداواتنده تقصیر ایتدیلر سده بحکمه اه تعالی مداوات
و معالجات قطعاً نأیر ایتدیکدن ماه مذکورک اوچنجی
کونی روح پر فوجلری کلشنسرای علینه روان اولدی .
نعش مغرت نقشلری پادشاه جدیدک تشریفلرینه
قدر اون اوج کون کتم و حفظ اولنه رق بعده برومده
ارسال واوراده کی ابذیه خیریدلری جوارنده تربیه
مخصوصه لرینه دفن اولنمشدر . زحمة اه علیه

§

پادشاه مشار الیهک یوقاریدن بری ایراد اولان غزوات
و وفوعات مهمده کوستر دکلری هممات جلیله عاوقدر
عالی لری در جانی تعیین ایده جکندن اوصاف جلیله لرینی

بوراده تکراره حاجت کور یله من .
 پدر امجدلری برنجی سلطان محمد تعدد شرکای سریر
 سلطنت مناسبتیله داخل ملک کی هرج و مرج ایدن
 اختلا لادن دواتی نصل قورتارمش ایسه پادشاه مشار
 الیه دخی دوزمه مصطفی وشهزاده چلبی مصطفی
 وقعدلری کبی ایکی بیوک فساد داخلینک ازاله سنه
 اوصورتله موفق اولدقلری مثلاً سلطنت سنیه عثمانیه نک
 کچیرهش اولدینی مخاطراتک اک مشهورلرندن صاییلان
 وارنه وقوصوه محاربهلرینی قزانقله اوروپالونک محو
 دوات قصدیله صورت قطعیده ایتدقلری اتفاق
 عمومیلرینی حکمسز پراقش و بوجهته نجل اسمدلری
 ایکنجی سلطان محمدک استانبول فتحنه موفقیتلرینک
 اسبابی حاضر ایوب کتشدیر .

ولادتلری (سکز یوزالتی) واون سکز یاشنده
 اولدقلری حالده جلوسلری دخی (سکز یوز بکر می
 درت) تار ماخلرنده واقع اواسیله مدت حیاتلری (۴۹)
 وزمان سلطنتلری (۲۰) سنهالتی ای اولمش اولور .



قصل ثانی

فاتح سلطان محمدك مدت سلطنتلری اولار

{ ۳۱ } سنه لك وقوعاتى شاملدر

فاتح قسطنطنیه ایکنجی سلطان محمدک جلوسی

غازی سلطان مرادک وفاتی وقوعنده وکلای دولت
اختلال ظهورندن احسراً عوامدن کتم کیفیتله
درحال مغنیساده بولنان شهراده عالی تبار (سلطان
محمد) حضرتلرینه خبر کوندرمشلرایدی .

مشار الیه پدرلرینک وفاتندن اون اوج کون مریورند
یعنی (سکز یوز الی بش) سنه سی محرم الحرامنک اون
التنجی کونی ادرنه پای تختنه بالوصول یکرمی ایکی
یاشنده اولدقلری حالدیدنجی پادشاه اوله رق بالارث
والاستحقاق سریر شوکت مصیر عثمانییه جلوس
یوردیلر .

پادشاه جم جاهک مقدا و فالتی وقوعبولان برادرلی
 بیوک (سلطان احمد) (سلطان علاء الدین)
 (سلطان حسن) و (سلطان اورخان) دن
 ماعدا ادرنه ده حیاته کوچک (سلطان احمد)
 نامنده هنوز ناباغ کوچک برادرلی واریدی .
 اشبو جلوس همایونده اوشه زاده نامراد دخی
 اوزمانلرک الجای حکمیله رهرو عدم آباد اولمشدر .
 رحمة الله علیه .

§

پادشاه حشمت پناه بوندن اول پدرلی حیاته برمدنچک
 سریرارای سلطنت اوله رق اصول اداره حکمرانیسه
 سبق معلومات ايله کسب ملکه و اقتدار و حتی معزولیت
 اجیسیله بیله تجربت کرم و سرد روزگار ایتش فوق
 العاده پادشاهلردن بواندیغیچون بالمله ملوک
 و حکمداران اطراف سفر اوهدایا بعث و تقدیمیله جلوس
 همایونلرینی تبریکه مسارعت ایتدیلر .
 هر عثمانلو پادشاهنک جلوسی عقینده حرکات خیمانه

و غاصبانہ بہ قالقشقی تا انقراض واضمحلالرینہ قدر
قرمان فاملیاسنک خصایص ردیہ سندن دکلیدر ؟ .

ایستہ بود دفعہ دہ قرمان اوغلی ابراہیم بک یادکاری دوات
علیہ عثمانیہ نک دہا عنفوان طفولیتہ دہ بیلہ آبا
واجدادینک نائل اولہ مدقلری آمالہ فاتح کبی تقلیب دول
استعدادینہ مالک بر صاحبقرانک وقتندہ کو یا کندیزی
واصل اولہ جقمش کبی اظہار خصوصت مجنون لغنی
اختیارابتدی .

شویلہ کہ :

(کرمان) (منتشا) و (ایدین) اوغلرندن
بردر بدری بابالرینک حکومت مقرضد لرینہ دسترس
ایتمک اطماعیلہ الہ الوب و ہر برینی بر طاقم او باشہ سردار
ایدوب (کوتاہیہ) (منتشا) و (ایدین)
مملکتلری اوزر لرینہ تسلط ایلدی .

ابراہیم بکک شوحر کاتندن بحثلہ نادیب و تنکیلچون
کندوسنہ مآذونیت ویرلسنی اناطولی بکار بکیسی
(عیسی) بک طرف پادشاهی بہ عرض ایتش ایسہ دہ

عبسی بکک بواختلالی دفعه اقتدار و کفایتی امید
اولنه مدیغندن عزل اولنه رق برینه رکاب و زراسندن
(اسحق) | پاشا اناطولی بکک بکیسی تعیین و عسا کر
کافیه ایله ایرویه سوق و اعزام قلندی .

متعاقبا پادشاه دخی بالذات قرمان دیارینه توجه بیوردی .
بوسفر همایون دخی طبقی قرمان اسفار سابقه سی کی
ابراهیم بکک سطوت پادشاهی به مقاومت ایده میدرک
ایمچ ایلنه فرارینی وینه برطاسم زجاجیلرک توسط ایله
عفو عالی به مظهریتنی منتج اولدیغندن پادشاه سعادت
ا کتاه قونیه دن بروسه به متوجه عودتله برابر بکک بکی
اسحق پاشایی منتشا اوغلی اوزرینه تعیین بیورمش
والیاس بک دخی فرار ایدیکندن اورالرک آسایشی اعاده
اولنشد .

اناطولی بکک بکیلری اوزمانه قدر (انقره) ده اقامت
ایتمکده ایدیلر .

(قرمان) (کرمان) و (منتشا) اوغلارینک
بعدها ممالک شاهانه به تجاوز ایده ماملرچون برسد حائل

اولیق اوزره انا طولی بکار بکیلی مفری بود فسه
کوتاهیه به تحویل واسحق پاشا اورابه اعزام وتسیل
ایدلی .

§

اشبوقونه سفری عودتنده موکب شاهانه بروسه
کلورکن برطار محله بیکیری طاقی بخشش المق اوزره
پادشاهک اوکنه طوروب بعض مرتبه بولسزغه جرئت
ایتمش اولد قلرندن بیکیری اغاسی (طوغان) بک
عزل اولندهرق یرینه مصطفی بک تعیین قلندیغی مثلاًو
ایا باشیری دخی قویا تأدیب بیورلدی .

§

استانبول فتحی مقدماتی

شهریار اسکندراقدار قرمان عودتنده بروسه ده بر قاج کون
ارامدنصکره ادرنه یه حکمک ایچون (کلیولی) قارشوسنه
کلشرایدی .

فقط دشمن سفاینی بوغازی طوتمش اولد قلرندن قره

دکز بوغازندن طولاشمه مجبور اوله رق مرحوم یلدرم
بایزید خانکینه استانبولک تسخیری مطالعه سی اوزرینه
انشایورمش اولدقلری الان (اناتولی حصاری)
دیدیکمز (کوزجه حصار) دن روم ایلی حصارینک
بولندیغی ساحله کچدیلمز .

قسطنطنیه نک فتحی علوی همتلری ایجابجه پادشاهان
ال عثمانک اوته دنبرو اقصای امللری اولوب یوقاریلده
بحث ایدلدیکی وجهله سلطان یلدرم بایزید اول
وسلطان مراد ثانی حضراتی استانبولی برقاج دفعه
تحت محاصره ده الدقلری حالده برر سبب حیلوانتیه
شاهد امل انلره چهره کشا اوله مامش وسلطان مراد
ثانی حضرتلرینک برافدقلری وصیتنامه ده استانبول
فتحینک لزومی اقدم وصایادن اولوق اوزره توصیه
اولنش ایدی .

بناء علی ذلک فاتح سلطان محمد حضرتلری جلوسلری
کوندنبرو بوصیت واجب الانفاذک اجراسنی برنجی وظیفه
عد ایتدکلرندن و بوارالق امپراطور (قسطنطنین

دراقوزه) دخی اولاد یلدریم خانیدن مرحوم امیر
 سلیمانک حفیدی اولق اوزره نزدنده بولنوبده انی ممالک
 محروسه عثمانیه یه فتنه القاسنه واسطه ایدرک دولت
 علیه یی تهدید ایتک زعمنده بولندیغی (اورخان چلبی)
 ایچون مخصوصات طلبیه پادشاهی اغضاب ایتکده
 بولندیغدن پادشاه کوزلجه حصاردن قارشویه کچجه
 اوراجغه برقلعه یایی اسبانک استکمالنی صدر اعظم
 خلیل پاشایه فرمان یوردیلر *

خلیل پاشا فن دیپلوماتی به موافق لسان تعلیمیه
 استانبوله برسغیر مخصوص کوندروب ایمپراطور
 قسطنطین دراقوزه دن رخصت رسمیه طلب ایتدی
 اووقت (غلطه) فرنکار اداره سنده بولنمسیله ایمپراطور
 قلعه یایلق ایستیلان محاک فرنکاره متعلق اولدیغنی
 و کندوسنک بوتکیلفه مداخله یه صلاحیتی اولدیغنی
 ورخصت ویره جک اولسه فرنکاره کندوسنک
 بوزشمسی لازم کله جکنی معرض اعتذارده بیان ایله
 دولت علیه سفیرینی اعاده و پادشاهی بوتکیلفدن

فراغت ایتدیرمنک چاره سنی بولق ایچون طرفندن دخی
مخصوصاً سفیرلر اعزام ایلدی .

پادشاه قسطنطنینک سفرا سنی مقابله خطابه الهرق
[بزم غرضمز ایمپراطورک رضاسنی کوزتمک ایدی .
مادامکه بوراسنی فرنکره متعلق ایمش انلرک تحصیل
رضاسنه بزجه لزوم یوقدر] دیهرک دفع ایدوب همان
کلی عمله و معمار جلبیله روم ایلی حصارینک انشاسنه
شروع و مباشرت بیوردی .

اوج ماهده و برروایتده قرق کونده حصار ختام
بوله رق اسباب محافظه شی اکیال اولندقدن صکره
پادشاه فلک بارگاه سنه ائیه اول بهارنده استانبولی
محاصره ایتک و اوقیش ادرنده تئیم لوازم حربیه
بیورمق اوزره ادرنه تختگاهنه چکلدی .

روم ایلی حصارینک انشاسنی ائنده امرای عساکر
عثمانیه دن اق چایلی اوغلی (محمد بک) طرف
پادشاهیدن الدیغی امر اوزرینه استانبولک اطرافنه
اقین ایدوب راست کتوردیکی حیوانات سوریلرینی

اغتنام والته پکیردیکی روملری اسیرایتمشدر .
 ایپراطور قسطنطین فاتح حضر تیرنک نیت قطعیه سی
 استانبولی المغه منحصر اولدیغنی تشبثات واقعه
 قویه سندن کلامسیله بودفعه دخی دولت علیه زیاده
 ویرکولر ویرمک صورتیله نیت پادشاهی نک تحویلی
 یولنده پک چوق تهاک و مذات کوستروب صدر اعظم
 خلیل پاشانک همت و معاونت دخی التجایتمش ایسه ده قوری
 برعنواندن عبارت قلان حکومت ایپراطوریه نک ارتق
 بقای استقلاله مدار اولدجق مرتبه نه روملرده قدرت
 ومکت ونه ده پادشاهی نیت قطعیه سندن پکیرمکه
 کیمسه ده جرئت یوغیدی .

• بوراد بعض مؤرخین خلیل پاشایی ایپراطوردن
 رشوت الیغی ایچون تسخیر قسطنطنیه افکاری
 علیه نه بولمقله اتهام وحقی ایپراطور پشمش بالقلرک
 ایچنه التون طولدیروب رشوت اوله رق پاشای مشارالیه
 کوندرمش بولونقل کلام عوام ایده یورلر .
 فقط پاشای مشارالیه بدایت ظهور دولت علیه دنبرو

سلطنت سنیہ بہ خدمات مشکورہ لری مشاہدہ اولان
چندارلی خلیل خاندانندن وعقلای وزرادن اولاسیله
ایمپراطورک رشوتنه قاپیلوبده فیح قسطنطنیہ کی ملت
اسلامیہ جه اعظم فتوحاتندن بولنان بر امر جلیلاک
علیہندہ بولمنسی وابعن جد نعمتیه پروده اولدیغی وئی
نعمتیه اهانن ایتسی صحیح ایسه پک غریدر . !!
بحئزہ دوام ایدلم :

پادشاه ادرنہ بہ بالوصول اوقیش استانبول قحنه اقتضا
ایدن اسباب ومهمات وسفاین حربیه نک تدارکات
وتجه سیه اشتغال ایتدی .

وبرجوق عادی طوبلدن ماعدا بهری اوچریوز قنطار
باقردن اولوق اوزره ایکی عدد غایت بیوک طوپ
دو کدردی .

بوطوپلرک بری هنوزارن ارکان دولندن (صاریجه
پاشا) ودیکری بحارلو (اوربان) نام مهندس
معرفتلیله دوکلش اولدیغی مرویدر .

استانبولك فتحی

وقتاً که (سکز یوز سکسان یدی) سنه هجریه سنه
اول بهاری ایرشدی . موکب همایون ایکی یوزبیک
صنوف عسکردن مرکب اولق اوزره سنه مر قومه
ربیع الاولنک اون ایکنجی جمعه کونی ادرنه دن حرکتله
ماه مذکورک یکریمی التنجی جمعه کونی استانبول خارجه
مواصلت وطوپلر وعساکر عثمانیه طاقم طاقم مواقع
مقتضیه تعبیه وتعیین اولنه رق محاصره به مباشرت
ایدلدی . واولجه ترتیب وتجهیز ایتدیریلان دونمای
همایون دخی ائشاده محاصره ده ایرشدی .

حکومت ایمراطوریه وار قوتنی بازویه کتوروب
وجنوبلر طرفندن ایدیلان یاردمدن دخی قوت الوب
حرب ومدافعه به قیام کوستردی .

الان اثری مشهود اولدیغی وجهله استانبول حصاری
اولوقت قره طرفندن ابوانسرای ساحلندن یدی قوله به
وارنجیه ایکی قات متین بدن ومتعدد برجلرله تحکیم
اولنش وصوایله مملودرین برخندق ایله دخی دکردن

دکزه کسایش اولدیغندن اوعصره کوره استانبول منتع
 التسخیر کی کورینوردی .
 لکن پادشاهک همت کوه انداز قهرمانیلرینه قارشو
 حصارک اوقدر متانتی فایده ویرمدی .
 شویله که :

فاتحک ادرنده دوکدر دکلری معهود بیوک طوبلرک
 هر بری بشریوز اوقهلق عمر مرکله اتار غایت جسیم
 شیلر اوله رق بونلر هر نقدر کونده یدی سکن دفعه دن
 زیاده اتیله مز ايسه ده هراتلدقجه مملکت شدید
 زلزله یه اوغرامش کی تمکندن صار صیلور ودانه لری نک
 اصابت ایتدیکی برج و باروی حصار تار مار اوانور
 ایدی .

هر ملتک اکمال دور ترقی ووقوف ایله حال هر مه واصل
 اولدقجه عارضه طبیعیه سی اولدیغی و جهله روملرک
 او ائنده مبتلا اولدقلری ضعف قوا و سوء تدبیر وارا
 مناسبتیله فاتح کی شدید الشکیمه بر صاحبقرانک صدمه
 سطوته قارشو استانبولک برچوق مدت طیانهمیدجی
 میداند، ایدی .

یونکله برابر بیک بش یوز سنه لک بر حکومت ایمپراطوریه نیک
زوالی و استانبول کبی کره ارض نیک مرکز منفردی
صایلان بر شهر شهیرک بر اداره دن دیگر اداره به انتقالی
امور عظیمه دن اولدیغندن ینه بر مدتیجک طیانندی .
چونکه جنوریلودن متعدد سفاین ایله یاردجی عسکر
کله رک درون مملکته صوقولش و فتح نامه دن منقهم
اولدیغی اوزره غلطه ده یی فرنگر سلطنت عثمانیه ایله
مصلح ایکن انلردخی خفیاً استانبوله معاونتده قصور
ایتماش اولدقلرندن حکومت ایمپراطوریه بونلردن
جسارت الوب محاصرین طو بلرینک اجدیغی رخنه لر
در حال قیادیلور اییدی .

برده استانبول ایمانی زندان قپوسندن قارشو قارشویه
بر زنجیر ایله اسیدایدیش اولمسایله مملکتی بحرأ حصر
و تضیق ایتمک قابل اوله مدیغندن فتح و تسخیر مسئله سی
براز مشکلشدی . صدراعظم خلیل پاشا بوحالره
باقه رق بو محاصره نیک مقدمکی محاصره لر کبی نتیجه سیز
قاله جغه ذاهب اولسندن و یاخود مؤرخلرک افاده لری

مثلاً وایمپراطوردن الدیغی رشوتلره حقوق ولی نعمتی
فدا ایدرک کندوی نتیجه سبز براقق ایستمسندن هرندن
ایسه کندوسنه همزبان اولملره برابر پادشاهی
محاصره دن فراغتہ تشویق ایتدیلر .

پادشاه قوی العزم ایسه فتح قسطنطنیه شرفی
قرانغیه قویاً جزم ایتش اولدیغی حالده علم و عرفان
مزیتله عظمای مشهوره و معدوده دن بولنان (اقای
شمس الدین) و (ملا احمد کورانی) حضراتیله
وزرای بنامدن (زغنوس پاشا) خلیل پاشانک
خلافتده بولنه رق پادشاهک عزم و افکار بنه قوت
و یردیلر .

حضرت فاتح غلطه ده کی فرنگلره معاهده لی اولدیغیچون
عساکر اسلامیه غلطه طپراغتہ ایاق باصه میوب
و معهود زنجیرک قیرلسیده قابل اوله میوب فقط اردوی
همایونده بولنان هنر رانک اوزمانده کی آثار بدیع دلرندن
اولق اوزره هوان طوبلری ایجسادیلر بک اوغلانک
اوستندن لیمانده بولنان دشمن سفاینی اوزرینه خبره

ایله رق دشمنی اشغاله بول بولندیغی مثلاً و فاتحك سائحه
قربحه ملهمه سی اوله رق برکوزل تدبیر ایله بحرأ دخی
امر محاصره اجرا ایدلدی .

یعنی طولمه باعجه دن بك اوغلنك ارقه طرفندن قزاقلر
ایله قره دن حرب سفینه لری یوریدیله رك قاسم پاشا
دره سندن ایمانه ایندیریلوب بوسفاین بربرینه ربط
ایله برطانیه شکانه قونلدیغندن استانبول ایچنه یاغور
کی کله یاغدرلغه باشلندی .

بو حالده محصورین مملکتک هر طرفنی کوزه دوب
قورومغه مجبور اولدقلرندن ایمراطور محافظینك
برقیمی لیان طرفنده می نقطه ره تقسیم ایدرک او جهتدن
دخی مدافعه یه جبالق و ایمانه ایندیریلوب ده مملکت
اتشلا صاچتده اولان سفاین عثمانیه یی برحیله ایله
یا قدر مق افکارینه دوشمش ایسه ده — هیات —
بوییه هود غیرتک حرکت مذبحانه دن هیچ فرقی
یوغیدی .

بوصره ده حضرت فاتح انشته لری اسفندیار بکرزاده

قاسم بکی غیر رسمی صورتله ایمپراطوره کوندروب
استیمان طریقنی ارئه ایمشلسه دهروملر اتفاقسزله لرندن
ومتصف اولدقلری کبر و نخوت هنوز دماغلرندن
امید اثرینی کسه مامسندن ناشی استیمانه بردرلو تنزل
ایده مدیلر ، اوله جق اولور ، ایشته اولدی .
نتیجه :

درون مملکتده کی محافظینک حصارک هر طرفه
انقسامندن طولای محاصرین طوبلرینک اجمعه
اولدیغی رخنه لر قیاديله من اولدیغندن -- شاهد قح
مبین -- زبور آغوش مسلمین اولغه رام اولدیغی
جناب فاتحک قلبی حس ایدنجه محاصره نک الی
دردنجی و (سکز یوز الی یدی سنه سی جمادی الاول سنک
یکرمنجی صالی) کونی علی الصباح مملکته یوریش
اولنق اوزره یوم مذکورک کیجه سی منراقلر اوچنده
موملر واردوچادرلنده فنارلر و شعله لر یاقدیر یلوب
صبحه قدر عسکره شلک ایتدیرلدی .
بوکیجه برکیجه ایدیکه - ایرتسی کون ارایش خجله کاه

سلطنت اولان عروس کلچهره بلده طیبه شرفیچون
موم دو تناسی ایدیلوردی .

صبح اولنجه طرف پادشاهیدن هجوم امری ویریلوب
اقتشامدن برو یوریشه حاضرانان دلاوران عثمانیدن
بر بلوکی ادرنه قپوسیه طوپ قپوسی ییئنده اچیلان
کدکلردن ایچرویه صحرایوب در جنک اول اوجھتک
محافظه سنده بولانان فرنک عسکرینک رئیساری اتلاف
اولندیغدن فرنک طاقی فراریولنی طوتدی . عساکر
عثمانیه نک عمومی دخنی طاقم طاقم کدکلردن وموؤخرأ
کشاد اولانان قبولردن درون مملکته کبرمکه
باشلدی .

حضرت فاتح دخی النده شمشیر صاعقه بار قهرمانی
ضیاریزواوکننده علم ظفر توأم عثمانی موج انکیز اولهرق
ایچرویه یوریدیلر .

ایمپراطور دراقوزه الان خرابه سنی مشاهده ایندیکمز
وتکفور سربانی دیدیکمز سراینده بولندیغی حالد
عساکر اسلامیه نک مملکته دخولنی ایشیدنجه مدافعه

زعميله ياننده كي عساكر خاصه سني بالاستصحاب طوب
قبوسي طرفنه قوشدى .

يولده جنود موحد بك بر كوچك فرقه سنه تصادف
ايدوب بونلك قلاتى مناسبيله ايمپراطور طالقى بوفرقيه
اورته لرينه الوب كسمكه باشلديلر .

بالذات ايمپراطور دخي (عزب) طائفه سندن
مجروح برنفر ك باشنى كسمك قصديله اوزرينه يوريد كده
نفر مجروح ياره لو اسلان كبي ايمپراطوره شيرانه
صولت و بر سيف قهرمانى ضربيله ايمپراطورى
افتاده زمين مذات اتمكله برابر در حال باشنى
كسدى .

ايمپراطورك قتلنى وعساكر اسلاميه نك كليادرون
بلده يه دخوانى كوروب ايشيدن يرلورله فنا حالده جان
قورقيسى دوشهرك كيمي كليسالره و كيميسى ابنه
بوجاقلرينه صوقولمغه مجبور اولديلر .

بويله جبر و قهر ايله بر مملكته استيلا وقوعنده هر دولت
وملك اصول جاريه حربه لرندن اولديغى و جهله

عساکر عثمانیه به رخصت و یریلوب اوچ کون
استانبول سبی ویغما و جنود مسلمین انواع غنائم ایله
اغنا اولندی .

اوچ کون صکره منادیلر واسطه سیله صنوف عسکریه
قتل و غارتدن منع ایدیلوب مملکتک اعاده آسایشیله
برابر ابنیه عمومیه و میریه نک ضبط و محافظه سی اسباینه
تشبث بیورلندی .

دولت ایمراطوریه نک ارکان وزوئاساسی دخی تحری
و تفتیش اولنه رق باش وکیل (نوطراس لوقاس)
طوتیلوب توابعیله برابر حبس و توقیف و بوسره ده
اورخان چلبی دخی اله کچیریلوب اعدام ایدلندی .
محاصره هنکامنده بعض روم رؤئاسی بحرأسلوری به
قاچد رق قپانمشلر ایدی . استانبولک
تسخیرینی متعاقب بونلر سلوری قلعه سنک مفتاحلرینی
عتبه پادشاهی به تقدیم ایله استیمان ایتدکلرندن
هم سلورینک و همده استانبول نواحی سنک ضبطی
ضمینده مأموریه و ریش اولان (قرجه بک)

روملر ينده بولان (برغوس) و (بوغادوس) ی
دخی بلامحاربه ضبط ايتدی .

ايسته بو زمان يک بشيوز سنه لک (برانن) دولتی
جناب فاتحک همت ييه متاي جهان کيرانه سيله کلیا
منقرض اولش اولدی .

(اياصوفيه) عبادتخانه مشهوری جامع شریف
هيئته قونبله رق پادشاه غزا اکتاه ايلک جمعه نمازینی
اوراده اداو (لتغجن القسطنطينيه فلنعم الامير اميرها
ولنعم الجيش ذلک الجيش) حديث شريفک
ما صدقی اولسندن طولاي الطاف ربانيه نک تحميدات
وتشکراتنی ايفايه وردي .

کلیسـالـک بعضیسی روملره ترک ايدیلوب دیکر لرندن
خرستیانلغه متعلق نقوش واصنام محو وازاله ووضع
محراب ومنبر ايله تزین اولمـهـرق اکثریسی جوامع
ومساجد، تحویل و بعضیسی دخی مهمات حربیه
وضعه تخصیص اولندی .

غاطه ده مستقلا حکومت ایدن جنویر اولر فتح عقینند،

پادشاهه عرض اطاعت و سلاطنت سنیہ نک قبول
تابعیتہ مسارعت ایتش اولدقلرندن اوراسنک دخی
اسباب ضبطی اکمال ایدلدی .
اشبوقیح جلیل بلیغانہ فتحنامہ لرله ملوک اطرافہ اعلان
بیورلشدیر .

بو فتحنامہ لردن ملاحد کورانی انشاسیلہ سلطان مصر
(ملک اینال) طرفنہ یازلمش اولان عربی العبارة
ظفرنامہ خلاصہ ترجمہ سیلہ برابر اخر جلدہ (۲)
رقیلہ ذیل ایدیلور .

ذکر اولنان فتحنامہ ده تصریح اولمش اولدیغی وجهله
غلطہ ده کی جنویر اولر استانبول محاصره سنده بی طرف
قالمق اوزره قاتح حضر تلیله معاهدہ لی بولدیقلری
حالدہ بعد الفتح مقتولین واسرا ایچنده بونلردن دخی
محارب ادملر کوریلهرک بو جهتله عهدلرنده ثبات
ایتمک لری اکلاشلدیغندن بو اساتلرندن طولانی
اجرای مجازاتلرینه اراده پادشاهی تعلق ایدنجه قبول
ذمت ورعیته فاتحک سیف تأدیباتندن قورتلش لردر .

خلیل پاشا دولت منقرضهٔ امپراطوری به طرفدارانق
تهمتیه حبس ایدیلوب مقام وزارت عظمایه (محمود
پاشا) کتورلش و قرق کون صکره خلیل پاشا
اعدام ایدلمشدن .

« خلیل پاشانک فتح قسطنطنیه علیه‌نده بولمق کبی
عموم مسلمینک نفرینده شایان اولان بر جنایتی حقیقه
مرتکب اولدیغنه حکم ابیدیرر صورتده بزم تاریخلرده
برروایت بقویه تصادف اولمدمدی . فقط پاشانک
اصل قباحتی (وارنه) وقعه سندن صکره حضرت
فاتحک تخت سلطنتی ینه پدرلرینه ترک ایلیه رک برمدتجک
مرارت عزل ایله تلخکام اولمیرینه سببیت ویرمی
اولق کرکدر . »

شه‌نشاه ظفر دستگاه بعدالفتح یکریمی کون قدر
استانبولده اقامتله یرلوردن دیار اخره هجرت ایتیبده
قبول ذمت ایدنلر ایچون - اوزمانلرده و بلکه یقین
وقعلرده هیچ بر دولت غالبه طرفندن مثلی سبقت
ایتماش صورتده - امتیازلر احسان و عظمای

روئسای روحانیه دن (جنادیوس) نام ذاتی مستقل
طریق تعیینیله دخی روملر حقهنده بخش الطاق بی پایان
بیوردیلر .

وصدمات حربیه دن خراب اولان برقاج خصارک
تعمیراتی وحالا اکثر خلقک لساننده (اسکی سرای)
تعبیریله یاد اولنان شمیدیکی باب سرعسکرینک برینه
باشلاتدردیغی سرایک اتمامی استانبول محافظی تعیین
ایتدکری (سلیمان بک) نام ذاته تفویض ایدرک
کندولری تختگاه ادرنه یه چکلیدیلر .

اثنای محاصره و فتحده روملردن او یله بک چوق
ادم تلف اولماش ایسدهده استانبول اووقت شمیدیکی
قدر غلبه لک اولدیغی کبی برلونک برچوغی دخی محاصره
هنکامنده و فتحدن صکره اوروپا و یونانستانه
طاغلمش اولدیغندن استانبولی معمور ایتک اوزره
پادشاه اناتولی جانبندن خلی خانه لر نقل ایتدیروب
اسکان ایتدیرمشر .

ابوالمغازی سلطان محمد غازی حضرتلر ینک فتح
 قسطنطنیه مناسبته مهـابت شمشیر عدو تدمیرلری
 جهانہ ولولہ و یردیکندن بتون ملوک و حکمداران
 تبریک مظفریت وسیلہ سیلہ ابراز خلوصہ قالقشدقلری
 کبی (ویلق اوغلی) دینیلان صرب قرالی دخی
 مرحوم غازی سلطان مراد ثانی حضرتلر ینک زمانی
 فتوحانندن اولوبده ینہ مرحوم مشار الیہک اواخر
 مدت سلطنتلرنده بحارلونک معاونت وقوتیلہ استرداد
 ایتمش اولدیغی بعض مماتک صربیہ یی مظهر امان
 اولق اوزره سفیر مخصوص واسطہ سیلہ پادشاه ظفر
 اکنتاهه عرض واعاده یه مسارعت کوستردی .

اما شهریار عالی همت صربستاندن آبا واجداد ینک
 تسخر ینہ موفق اولدقلری بلادوقلاعدن مؤخرأ
 صربلویه یکن مجملار کاملاً رداولندقجه قناعت
 ایتیه جملرینی اکلاتدقلرندن صرب قرالی پادشاهک
 بوتکلیفی قبول ایدہ مامکله برابر بعض مرتبه حرکات
 خصمانه یه تصدی ایتدی .

و (اسکوب) طر بقی صر بلونک تسلط اتندن چانندی .
 بونک اوزرینه فاتحک غضبی هیجان ایدرک بتون عسا کر
 عثمانیه نک اجتماعی بکلمه کسزین پای تختنده وجوارنده
 موجود اولان عسکری بالاستصحاب در حال صرستان
 اوزرینه یوریدی .

ویلق اوغلی پادشاهک نقطه هجومی (سمندره)
 قلعه سی اولق ظنیه سمندره ده بولنان نقود و اشپای
 نفیسه سنی (استر پیجه) قلعه سنه قالدیر و ب
 کندوسی فاملیاسیله محارستانه قاجدی .

موکب شاهانه ایسه طوغریجه استر پیجه قلعه سنه
 توجه ایدوب و اثنای راهده بقیه عسا کر عثمانیه بلوک
 بلوک موکب شاهانه یه ایریشوب قلعه محاصره یه اندی .
 محاصره خیلجه امتداد ایدرک طرفیندن برچوق تلفات
 وقوعندن صکره نهایت محصورین مقاومت ایده میهرک
 قلعه بی پادشاه همایون طالعده تسلیم ایتدیله .

بو ظفرده صرب قرانک ماملکی دست اغتنام عثمانیه
 کجیدی .

شهریار بختیار (استرویجه) قلعه سنك فتحی
 متعاقب اوجوارده بولنان (اموله) حصارینی دخی
 تسخیرایدوب و (فیروز بك زاده) قوماندہ سیلہ
 سوق ایتدیکی اقتجیلر واسطہ سیلہ صربستانی یغما
 ایتدیروب اندنصرکره ادرنه ده تختگاهنه عودت پیوردیلر .

§

اینوس فتحی

پادشاه سعادت پناه ادرنه نشر آثار معدلتله مشغول
 ایکن (فره جك) قاضیسی عتبہ پادشاهی به
 کلوب (اینوس) خلقنك ممالك محروسه شاهانه دن
 اوجوارده بولنان (ایصاله) و (فره جك)
 اهلایسنه تعدیلرندن تظلم وشکایت ایتدی .
 اوزمان اینوس دولت مترضه ایمپراطوری به
 منسوب برپرنسك اداره سنده ایدی .
 استانبول فرار یلرندن دخی خیلی نفوس اوراده تجمع
 ایتش اولدینندن ممالك محروسه نك قولتوغنده اوله

برعلتک و جودی ذاتاً حضرت فاتحک ذهننه خدشه
و یرمکده ایکن فرهجک قاضیسنک شکایتی اوراسنک
تیز الدن تسخیرینک لزومنی تا کیدایلدیکنه بناء شهریار
معالی آثارخواص بندکانندن (یونس بک) ی جلبایله
سریعاً استانبول لیمانده اون قطعه (قدرغه) [۱]
دونادوب سمت توجهنی کیمسه یه ییلدیرمکسزین اینوسه
طوغری یوریمسنی امر ایدرک کندولری دخی عساکر
موجوده بی بالاستصحاب اینوس اوزرینه توجه یوردیلر .
موکب شاهانه برأ و یونس بک قدرغه لاله بحرأ اینوسی
حصرو تضییق ایتلریله محصورین مقاومته مقتدر اوله میوب
بالاستیمان مملکتی تسلیم ایتدیلر .
اینوسک جوارنده بولنان (طاشور) اطهسی دخی
یونس بک بحرأ تضییقه الندی و موکب شاهانه
اینوسدن ادرنده عودت ایلدی .

[۱] قدرغه متعدد کورکلره یوردیلورنوع حرب
سفینه سی اولوب اوو قتلر دولت علیه نک اکثر سفاین
حربیه نی بوجنس ایدی .

« بعض تاریخ‌ها را شبو اینوس و طاش‌وز و قوعاتنی
استانبول فتحنی متعاقب یازوب آنفاً بیان اولانان
صر بستان سفرینی بوند نصیره یازمشلردر ۰ »

تکرار صربستان سفری

بواره لق صرب قر النک وفاتی وقوع بوله رق جانشینی
اوله حق ارکک اولادی قالیدیغی جهتله صرب
حکومتک محلول حکمنده بولندیغی وضبط واستیلاسی
سهولتلی اوله جنغی اوحوالی حدودینه مأمور بولنسان
اسحق بک زاده (عیسی بک) طرفندن عرض وانها
اولندیغندن پادشاه انجم سپاه (سکز یوز الی طقوز)
سنه سی اول بهارنده ادرنه دن حرکتله (اسکوب)
طریقندن صربیه مهابت نما اولدیلر .

موکب همایون (قره طوه) طاغنی اشدیغی ائشاده
عیسی بک اردوی همایونی استقبال ایدرک خاکپای
شاهانه یوز سورنجه میر مشار الیهک اوحوالی احوالنه
وقوف تامی بولمق ملابسده سیله ایلرویه کیدوب اول

بول تسخیری لازمه دن اولان (نوه برده) قلعه سنك
تسليمی تكليف ايتك وتسليم اولنميو بده محاصره سنده
لزوم كورينه جك اولور ايسه سريعا حضور شاهانه يه
ييلديرمك اوزره مأمور بيورلدى .

عيسى بك امر پادشاهی موجبجه نوه برده قلعه سنك
او كنه واروب محافظنى مقابله خطابه جلب
ودعوتله — فاتح قسطنطينيه سلطان بلند آستان
حضر تليتك صريه نك تمام استيلاى مقصودلرى
اولديغنى وقرالك بلا ولد وفاتى جهتله صاحبسز
برحکومت ايچون اويله بر پادشاه فلک بارگاهه
قارشو مقاومت قيدنده بولمق عبت وييهوده اوله جغنى
بيانيله قلعه نك همان تسليم اولمسنى تكليف ايتش
ايسه ده — محافظدن قرالك يرينى طوته يله جك
قرى بولنديغندن بلا محاربه قلعه نك تسليمى قابل
اوله ميه جغنى جوابن الهرق درحال طرف پادشاهی يه
عرض حال ايتدى .

بو خبر اوزرينه موكب شاهانه كمال سرعتله نوه

برده اوزرینه یور یوب قلعه شیدا محاصره
اولندی .

محاصره یدی کون امتداد ایدرک نهایت محصورین
طیانه میوب جانلرینه امان الهرق قلعه نك تسلیمه مجبور
اولدیلر .

نوه برده قلعه سنك محاصره مناسبتیه خراب اولان
محللری تعمیر و محافظ و قاضی تعینیه اسباب محافظه
و اداره سی تدبیر ایدلر کدن صکره جوارنده بولسان
(تریجه) و (بحوری) قلعه لری و بعض
قصبات و قرادخی تسخیر اولندی . واقعیلر سوقیه
صریده نك پك چوق برلری غارت ایتدیلدی .

جناب فاتح بوفتوحاتی اجرا ایله برابر جدا مجدلری
غازی و شهید سلطان مراد اول حضر تلرینك
(قوصوه) ده کی شهادتگاهلرینی زیارت و اورادن
سلانیکه و بر قاج کون سلانیکه ارامدن صکره استانبوله
عودت بیوردیلر .

« ایشته جناب فاتح بودفعه کی تشریف لرنده استانبولک

الك برنجی نقطه سنده واقع او وقت (زیتونلق) وبعد
الاعمار (یکی سرای) دینیلان محل دلاراده کی
سرای همایون قدیمك انشاسنه مباشرت
بیورمشلردر . »

§

بلغراد سفری

انکروس دولتی اداره سنده اولوب متانت و حصائتله
مشهور اولان (بلغراد) قلعه سنك فتح و تسخیری
ممالک عثمانیه نك تأمین خدمتله سلطنت سنیه نك
اوروپاده استقرارینه مدار اعظم اوله جغندن حضرت
فاتح علوهیتلری ایجابنجه بوامر عظیمه دخی موفق
اولق نیت عالییه سی اوزرینه اولجه (الهجه حصار) ده
محاصره طویلری دو کدیروب قدر غله تحمیلاروم ایلی
بکلر بکیسی (قرهجه پاشا) قومانده سنده اوله رق
طونه نهرندن بلغرا ده سوق ایتدی . کندولری دخی
(سکر یوز التمش) سنه سی بهارنده عساکر کلیه
ایله توجه بیوزدی . »

بلغراد قلعه سی براونہرا محاصرہ اولہرق تسخیری
 قوہ قریبہ کتورلش ایکن مجارلونک کلی سفاین
 حریہ سی انلرک عشری نسبتندہ اولان سفاین اسلامیہ
 اوزرینہ آتشلر صاحہرق ظہورایدیوردی .

ومجارقرالی (ہونیادک) دخی حسابسز عسکرلہ
 کلہکدہ اولدیغی خبری الندی .

قرہجہ پاشا اردوی ہمایونک برقسمنی بلغرادک
 قارشوسندہ بولنان اطہیہ پکیروبدہ قرال اردوسنہ
 معارض ومقابل وقلعہ ایلہ قرال اردوسی بینہ سد
 حائل اولمق اوزرہ پادشاہدن رخصت طلبندہ بولنوب
 فقط پاشانک بوتدبیری لغرض سائر امر طرفندن جرح
 اولندیغندن محاصرہ دوام و دشمن اردوسی
 ایرشمکسزین قلعہ نک فتحندہ اہتمام اولنسی تنسیب
 ایدلدی .

وارہدہ فاتحک تشجیعاتی ثمرہ سی اولہرق دلاوران
 عسا کر عثمانیہ فی الحقیقہ اورمچک کی قلعہ دیوارلینہ

صاریلوب حتی بشیوز قدر بهادران قلعه نك ایچنه
اتلمش ایسه ده چه فائده که دشمن اردوسی کمال دهشتله
کلوب ذکری مسبوق اولان اطیه پرلشد کدنصرکه
بونلردن قلعه به صوقیلان قوه امدادیه اردوی همایونک
هجوم خطلرینی کس دیروب عساکر عثمانیه نك کیروسی
ایچرویه کیره مدیکندن قلعه به کیرمش بولنان مسلمین
دو کوشه دو کوشه جمله واصل سر منزل شهادت
اولدیلر .

خارج قلعه ده ایسه طرفین بیننده حرب و پیکار
برد رجه ده کسب شدت ابتدی که حضرت شهریار
جلادت شعار اوزر لرینه زره و مغفر المفسزین
فدا ایجه سنه بالذات میدان حرب به اتیلوب شمشیر صاعقه
باریله نیجه دشمنک خرمن حیاتی آتشره یاقدی .
و طرفیندن یک چوق نفوس تلف اولسند نطولایی طونه
نهرندن صویرینه قائلراقدی .

اشای پیکارده عساکر دشمندن بر شخص حضرت
فاتحک اوزرینه جمله ایدوب فقط فاتح چایک طاورانهرق

شخص صائلك قفاسنه بر سيف قهرمانى عشق ايدرك
تاحلقومنه قدر بچدى .

ليكن دشمن اردوسى اردوى همايونك اضعايفى
اوله رق شجاعان مشهوره دن بکربكى قرهجه پاشا
ويکچرى اغاسى حسن پاشا وساى رؤسا شهيد
وسف اين اسلاميه دخی دشمن دونماسنک مهاجائيله
پريشان ونابيد اولديغدن نقدر چاليشلسه غلبه
اميدى قالمديغى کي تهلكه اماره لريده کورندى .

بناء على ذلك خواص بنده کان - شير ژيان کي
ميدان محاربه ده جولان ايدن - حضرت فاتحک
اتنک ديزکننه ياپشوب انواع نسليت ونصبت ايله
حدت وسورتني تسکين ايدرك فاتحى حرب ميدانندن
سمت سلامت چيقارديلر .

بو محاربه ده فاتحک اياغنه قورشون اصا بديله
جريحه دار اولد قلري دخی مسطور صحايف
تواريخدر .

هر نه حال ايسه بوسفرده اعدانک کثرت ووفرتي

وتوفیق و طاعتك عدم موافقتی جهتیه عساكر اسلامیه
مظفر اوله میوب نتیجه غالبیت دشمنده قالدیغندن
حضرت فاتح کلی شهدا و برچسوق طوپ و مهمات
بر اقدقلری حالده ادرنهیه رجعت بیوردیلر .
« بووقعده مجار قرالی (هونیادی) نك رفاقتنده
اورو پانك هر ملتندن مرکب اوله رق او جیوز بیکدن
زیاده عسکر بولندیغی واردوی همایونك یوز الی بیک
عسکر دن عبارت اولدیغی مرویدر . »

§

اماسیه و مغنیسا و انیکلرنده بولئان شهر اداكان جوان بختان
(سلطان بایزید) و (سلطان مصطفى) حصراتك
امر مسنون ختانیلری هنوز اجرا اولنماش ایدی .
شهر یار شوكت شعار بلغراد انهرامندن طولایی ولوب
مؤمنینه عارض اولان اكداری ازاله و همده اعدای
سلطنته شان و عظمت دولتی اعلان و ارأه بیورمق
ایچون مشار الیه مانك ختانیلری بهانه سیله
(سکر یوز التمش بر) سنه سی بهارنده ادرنده
غایت طمننه لی بر سسور همایون ترتیبیه بر ماه قدر

اجرای سرور و شادمانی اولنشد .

§

سنة مذكورة ده اورنوس زاده (عيسى بك)
ارناودلغه وودين سنجاغى بكى ديكر (عيسى بك)
دخى مجارستانه برر فرقه ايله اقينه تعيين اوله رقينه
غزا وجهاددن خالى قالنامشدر .

§

موره سفرى

شهر يار معالى آثار ادرنه ده بولندقلرى حالده تيجاردن
سيروزلى برذات ديوان على به كلوب — تيجارته موره
ملحقانندن (بالوبدره) به كي — درك اوراره ذكور
وانانندن برچوق اسراى مسلمينك اعدايدنده انواع
حقاراته مبتلا اولدقلرىنى مشاهده ايتديكنى — كمال
سوز و كداز ايله پادشاهه عرض و حكايه ايلدى .
پادشاه غيرت پناه بوذاتك افاداتندن بك متأثر اوله رق
اسراى مسلمينى دشمندن قورتارمق له برابر موره ممالكنى

سراپا استیلا ایلہ روملردن اخذ انتقام ایتک اوزره
اردوی همايونك اجتماعنی فرمان و (سكز بوز التمش
ایکی) سنه سی بهارنده (سیروز) و (یکی شهر)
طریق قریله موره جانبدنه سوق موکب سطوت نشان
بیوردیلر .

وزیر اعظم محمود پاشا دخی اناطولی عسکری و بیک
قدر یکی چری ایلہ صریبه اوزرینه مأمور ایدادی .
جناب فاتح اولار هکذرده واقع (فلکه) قلعه سنی
صاروب حربا و جبراً فتح و تسخیر و عموم اهل ایسی بسته
زنجیر ایتدیلر .

فلکه نك جوارنده بولنان محللر اهل ایسی مقابله و مقاتله
ایچون تجمع ایتمشلر ایکن فلکه خلقنك اوغراد قلمری
فلاکتدن عبرت الهرق پادشاهه دخالت ایلدیلر .

موکب شاهانه اورادن (باف اووه) حصارینه
یوریوب اوراسیده استیماناو (منجلق) و (قورفو)
و (طوقاق) و (بااوبدره) قلعه لری کورینان
لرومه مبنی محاصره اولنه رق بونلر حر بالاستیلا اولندی .

مؤره نیم جزیره سنک اکثر محلاری بوسه فرده ممانک
محروسه به الحاق اولندقدن صکره موسم شتانک حلولی
مناسبتیه اردوی همایون (اسکوب) شهرینه
عزیمتله حضرت فاتح اوقیشی اسکوب شهرنده امرار
بیوردیلر .

وزیر اعظم محمود پاشانک حرکاتنه ده نقل کلام ایدلم :
پاشای آصف لقا طرف شاهانه ذن الدیغی امر
وتعلیمات موجبجه انکروس دیارینه دخول ایدوب
ره راستنده بولنان (رصاو) (اموله) (صوه)
(کروچه) و (پرانجه) نام محلاری بعدالتسخیر
(سمندره) قلعه سنی تحت محاصره یه الی .

« اشبو سمندره قلعه سی مقدا مر حوم سلطان مراد
نانی حضر تلری طرفلرندن فتح اولمش ایکن یوقاریده
ذکر اولندیغی وجهله خلیل پاشا برادری محمود بکک
قید اسارتدن تخلصی مقابلنده خاقان مشار الیهک
اواخرینه مدتلرندهر بلویه ترک اولمش و بالاخره
بجارلویه کچمشدر . »

سمندره بر هفته قدر شدتله طوپه طوتلد قد نصکره
 روم ایلی امر اسنک سرآمدانندن (اسحق بک)
 واحد بکرزاده (علی بک) نام ذاتلر واسطه سیله
 محصورلر تکلیف صلح و اطاعت ایدلش ایسه ده
 محصورین صلحه یناشمد قلرندن محاصره تکرار تشدید
 اولندی .

نهایت عساکر اسلامیه درون حصاره هجوم ایله مملکت
 استیلا وسی و یغما و فقط ایچ قلعه متین و مستحکم
 اوله رق محافظلری دخی قویا مقابله ایلد کلرندن و ایچ
 قلعه نك تضییع قاتیله وقت غیب ایتمکی باشا مناسب
 کوره مدیکندن اوراجه بو قدرله اکتفا اولنه رق اردو
 سمندره دن چکلدی .

محمود پاشا فاتحک بلغراد محاصره سی اثناده بلغراده
 قارشو یادرمش اولدیغی (حواله) نام قلعه بی
 تعمیر ایتدیرد کدن و (استرو یجه) قلعه سنی
 و اوحوالیده بولان (رودینک) معدنی بداعدادن

استخلاص ابتدا کدنصکره (نیشه) عودت و پراز
مدت نیشهده عساكر اسلامیه بی بعد الاراحه
(کوکر جنك) قلعه سنی محاصره به مبادرت ایلدی .
قلعه خلق خیلی مقاومت کوستر مشا رسدهده محاصره
اوزاد قچه هر طرفدن صیقلوب حتی طونه نهرندن
صوامعهده عساكر اسلامیه میدان ویرمد کلرندن
مضایقه لری کسب شدت ایدرك بالاستیمان قلعه بی
پاشایه تسلیم ایتدیلر .

پاشا کوکر جنكده اقامتله سجعان امرای حدوددن
منت بکراده (محمد بك) ی اقبجی عثمانلی دلاورلینه
سردار تعیین ایدرك مجارستان ایچنه صالدردی .
محمد بك فرقه سی کمال سرعتله مجارستانك ایچنی
چاقایوب کلی اموال واسرا اغتنام ویر موقعده
تصادف ایدن ایکی یوز نفر زرهلو مجار سواریلرینی
هیئت مخصوصه لریله حیا در زنجیر ایدرك سالما
طونددن عبور ایلله صدر اعظم اردوسنه الحاق
وانظمام ایتدی .

محمد بك قره سنی طونا دن كچير مكسزین استیصال
ایتمك اوزره مجارلونك الی یك زرهلی سوار یسی تعقیب
ایتدیله .

لیکن عسا کر عثمانیه طونه بی كچمش بواند قلرندن مجارلر
ما یوسا دوندیله .

بو ائناده حضرت فاتح مظفر اوره دن عودتله اسکوبده
پاشا اردوسنك عودتنه منتظر ایدیله پاشای محمود
السیر دلخواه پادشاهی وجهله مجارستانجه نائل ظفر
اولسیله اسکوبه عزیمتله خاکیای شاهانه یه مشول
و خدمات واقعده سی نزد ماو کانه ده مشکور و قبول
اولدی .

حضرت فاتح عسا کر اسلامیه بی اسکوبدن وطنلرینه
صالیویرمك مراد بیوردیلر سه ده وزیر آصف تدبیر
مجارلونك اخذ انتقام داعیه سیله ممالك شاهانه یه
هجوم ایتمك قصدنده اولدیغنی حس ایتمسیله عسکرک
طاغیدلمسی مناسب اولیه جغنی عرض ایتدیکنندن

عسا کر موجوده بالتوقیف دشمنک صحت حرکاتی
اکلا شلق اوزره جاسوسلر کوندرلدی . بریاندند
مقابله تدارکاتنه تشبث بیورلدی .

فی الحقیقه مجارلرک بلغراد یولندن کلی جمعیتله اندرون
ممالکله یوریمکده اولدقلری خبری اندیغندن در حال
اناطولی عسکری طلیعه اولوق اوزره ایلرویه سوق
اولندی .

موکب شاهانه حرکتیه حاضرلقده ایکن دشمن
اردوسنک (تحته لو) موقعنه قدر کلوب یغماو غارت
سوداسیله اطرافه منتشر اولسندن طلیعه فرقه سی
واوحوالیده بولنان سائر عسا کر اسلامیه استفاده ایدرک
همان هجوم ایله مجارلرک پک چوغی قلیبدن کچیریش
ورؤسا و افراد اعدادن کلی اسیرالنش اولدیغی
بشارتی وارد و متعاقبا النان اسیرلردخی درگاه ظفریناهه
واصل اولدیغندن حضرت فاتح بوسفر همایونلرنده
من کل الوجوه موفق اولدقلری حالده عسا کر

اسلامیه نك وطنرینه عزیمت لرینه رخصت احسانیه
پای تخته عودت بیوردیلر .

§

سمندره نك کلیا فتی

یوقاریده سبق ابتدکی وجهله وزیر اعظم محمود پاشا
سمندره نك واروشنی ضبط ایش ایسه ده ایج قلعه نك
فتحنه ظفر بوله مدیغندن حالیه ترك ایلشیدی .

جناب فاتحك طبع کشور کشالرینه بو صورت کران
کلوب (سکز یوز التمش اوج) سنه سنده سمندره بی
تماما اسنایلا ایتك اوزره اردوی همایونلرینه
ادرنه دن حرکت و (صوفیه) ده نصب خیام جلادت
بیوردیلر .

سمندره ایسه مجارلودن صاتون المی صورتیه بواشاده
بوسنه قرانك ضبطنده اندی .

بوسنه قرالی موکب پادشاهینك حرکتی سمندره نك
تسخیر یچون اولدیغنی تحقیق ایدرك کندو سنده
پادشاهه مقابله اقتداری اولدیغندن در عقب سفیر

مخصوص واسطه سیله خا کپای شاهانه به تقدیم
ایتدیک عریضه سنده - اگر چه سمندره اشترا
طریقیه ید ضبطه کچمش ایسه ده بونی پادشاهه
تقدیمه مهیا بولدیغنی و فقط بومقابلده (شرای
بوسنه) نک کندوسنه احسان بیورلمسنی - نیاز
ایتدی .

چونکه اووقت بوسنه سرایی مملکت محروسه عثمانیه
سلکنه داخل اولمش ایدی .

قرانک عرض و نکلیفی طرف پادشاهیدن بالقبول
سمندره نک ضبط و تسلی دخی اجرا اولندی .

فقط بوسنه قرانک دولت علیه به هر سنده اعطاسنه
متعهد اولدیغنی ویرکودن عدم ایفا سببیه عندالحساب
کورینان بورجی سمندره نک وارداتنه تقابل ایتسندن
طولایی بوسنه سرایک تسلیم و اعطاسنه مساعده
بیورلمدی .

دیگر روایتیه کوره :

بوسنه قرالی طرفندن سمندره نک محافظی بولمان ذات

وزیر اعظم محمود پاشا نك [۱] برادری اولمسیله
پاشا اولجه قرنداشیله خفیا بالمخبره قرنداشك افكارینی
دولت علیه لهنده جلب ایتش ومو کب پادشاهی
صوفیه ده دهشت نما اولنجه محافظ مومی الیه
پادشاهه مقابله قابل اوله میسه جغدن بخله اردوی
همایونك صدماتنه اوغرامتسزین خوشلقه قلعه نك
عثمانلی به ترك وتقدیمی قرالدن استیدان ایدرك
قرالده عجز وضعی جهتیه ناچار تسلیم امرینی
و یرمش وسمندره قلعه شی بو صورتله تسلیم اولمشدر .

§

شهرزاده جم سلطانك ولادت

(سکز یوزالتش درت) سنه سی صفرینك یکرمی
یذنجی جمعه ایرتسی کیجده سی صلب پاك پادشاهیدن
برشهرزاده مسعود قدمهاده عالم شهود اوله رق (جم
سلطان) تسمیه اولمشدر .

[۱] محمود پاشا نك اصلی اسرادن واسلاو جنسندندر .

بوجه سلطانك احوال عبرت انگیزی باطنه تعالی
در دنجی جلده ایراد اولنه جقدر .

§

امامصرهك فتحي

قره دكز ساحلنده بولنان (امامصره) قلعه سی جنویزك
زیر تصرفلرنده اوله رق بونلك قورصان سفینه لری
ممالك محروسه دن (بولی) سواحلنه و سیاحت بحریه
ایدن تبحار مسلمینه تسلط و تعرضدن خالی اولم دقلرندن
پادشاه عالی همم امامصرهك ضبط واستیلا سیله فرنگار
یوزندن تبعه ملوكانه به ایرشتمكه اولان خساراتك
ازالهی مقصیدیه کندولری عسا کر کافیه استصحابیه
در سعادتدن اناطولی جاننده هرور و بولی یه طوغری
توجه ییوردقلری مثلاً و دونمای همایونلرینی دخی
اوصولره سوق و ارسال بیوردیلر .
موکب شاهانه برأ و دونمای همایون بحراً امامصره یی
بردن بره صاردقده محصورین مقاومتیه مقتدر

اوله میه جملرینی اکلا دقلرندن بالاستیمان قلعہ بی تسلیم
ایتدیلر .

پادشاه ظفر پناه اماصرہ نك حکمدار واهالیسنی طاقیلہ
استانبولہ وانا طولیدن (افلغان) نام محل خلقنی دخی
اماصرہ یہ نقل ایلہ اوراسنك تداییر انضباطیہ سنی
بعدالاتمام پای تخته عودت ایلدیلر .

§

سینوبك فتحی

یوقار یلرده بعض وقوعاتندن بحث ایلدیکی و جهله
(قسطمونی) (سینوب) وحوالیسنده حکومت
ایدن بقیه طوائف ملوک اسلامیه دن (اسفندیار)
خاندانی اوتہ دنبرودولت علیہ یه رقابت و میدان
بولدقجه ایراث مضرت ایدہ کلوب بونلر سلطنت
سنیه نك دفعاتله ساله تأدینہ اوغرامش اولدقلری
حالدہ بردرلو اوصلا نمدقلرندن حالا حکمدار بوانسان
(اسماعیل بك) هر نقدر برورکوی معین اعطاسیله

ظاهر دولت مطاوعت کو سترسده نهانی قرمان
او غلیله عثمانلی علیه اتفاق و ممالک محروسه به نشر
نخم نفاق ایدردی .

پادشاه کشور کشا ایسه ممالک شاهانه لری جوارنده
اولوب هر زمان غائله لری جکیلان بوکی طوائف
ملوک حکومتلرینه ارتق بر نهایت و یر رک کله
اسلامیه بی تفرقه دن قور تار مق نیستده بولند قلدندن
اسفندیار ممالکنک کاملاً استیلامی اسبابنک استکمالی
وزیر اعظم محمود پاشابه فرمان بیوردیلر .

اسماعیل بک برادری (قزل احمد بک) مقدمه
قرنداشیله بدینلرنده ظه-ور ایدن وراثت حکومت
منازعه سی اوزرینه عتبه پادشاهی به التجا و دخالت
ایتمشیدی .

محمود پاشا تنفیذ اراده شاهانه بی تسهیل ایچون قزل
احمد بکی بولی سنج-اغنه تعیین ایله برابر ملک موروثی
برادرندن البو یره جکنی وعد ایتدی .

دیار اسفندیار اهاالینسی ایکی فرقه یه بولوبده اسماعیل

بلك قوت و اقتدار يني قيرمغه کافی بويله بر تدبير حکيمانه
ياپلبدقدن صکره (سکر بوز التمش درت) سنه سنه
يوز پاره سفاین تجهيز اولندرق (طربزون) اوزرينه
سوق اولنديوز شايعه سيله قره دکره چقارلدي .
واسماعيل بك تماميله اغفال اولنوبده حقيقت حالی
ا کلاماق ايچون طرف شاهانeden کندوسنه
[طربزونک محاصره سي ضمننده دونماي همايون سوق
اولنديغندن بونلرک سينوبه وصولنده ايجاب ايدن
زاد و ذخيره لربك تدارلک وتسويه سنه معاونت بيورلسي
ودونما قوماندانه لزومي قدر اقچه و يرلش ايسده
شاييت کفايت ايتيه جک اولورسه کوره نكاسي
محصولندن اوله رق هر سنه طرفکردن خزينه جليله مره
ارسالي مقرر اولان و يرکوي معينک دونما اوازمه صرف
ايدلسي ، ودونماک بالايجاب سينوبده ارامنده عزب
عسکرندن يولسز حرکت ظهور ايتيديکي تقديرده
ادب سزلك ايدنلرک ناديب و تربيه لرينه ماذون
اولديغکردن مقتضاي يکجه تينک اجراسي مطلوب بيزدر .]

مأانده برنامۀ همایون دخی یازادی . حضرت
فاتح جمع عسکر و تمشیت مصالح سفر ایچون
محمود پاشایی ادرنه یه کوندروب کندوری (مدینه)
طریق یله بروسه یه کچه رک اوراده محمود پاشانک ورودینه
انتظار ایتدیلر .

محمود پاشا برازمدت صکره روم ایلی عسکر یله ورود
ایتمس یله موکب همایون انقره یه طوغری یوریدی .
اشنای راهده قرمان زاده ابراهیم بکک معیت شاهانه ده
بولنق اوزره مخدومی قوماند سنده اوله رق کوندرمش
اولدیغی بر مقدار عسکر اردوی همایونه التحاق
ایتدی .

اسفندیار زاده اسماعیل بک دخی لاجل الاستقبال
مخدومی کوندرمش ایسه ده اشبو سفر همایون انک
علیه نه اولق جهتیله مخدومی اخذ و توقیف اوله رق
اقد مجده عهد سنده بولی سنجاغی توجیه اولوب معیت
شاهانه ده بولان قزل احمد بکه اسفندیار ولایتک
توجیه واحسان اولندیغی اعلان واحمد بک در حال

طایعه اردوی همایون اولیق اوزره دیار اسفندیاره
نسوق و اعزام اولندی .

اسماعیل بك قرنداشك هجرومندن حقیقت حاله اكاه
اولنجه ولایت خاقی ذاتاً كندومندن بك خشنود
اولدقلری جهته عسكرو طوبلا یوبده قارشو
طوره یله جكنی عقلی كسمدیكندن سینوب قلعه سنه
قاچوب قیامش ایسده وزیر اعظم محمود پاشا دخی
عساكر کلیه عثمانیه ایله ارقه دن ایریشوب قزل احمد
بكله برلشرك سینوبی محاصره ایتدیله .

وزیر آصف تدبیرقان دوكله كسزین اسماعیل بكی
اله كتوزمك طریقینی التزام ایتسیله اسماعیل بكی
مكالمه ینه دعوت واسماعیل بك دخی قلعه برجنه كلرك
مكالمه ینه موافقت ایتدی .

پاشا سرد مقالات معتوله و تأمینات قویه ایله میر مشار
الهی اطاعت و تسلیه رام ایدوب سینوبی بلامحاربه
ضبط ایلد كدن صكره اسماعیل بكی سینوبه قریب
برموقعده نصب اوتاغ شوكت ایدن حضرت فاتحك

حضور همایونلرینه تقدیم ایلدی . پادشاه
 مکارم اکتناه اسماعیل بکی حکمداران حیثیتنه
 موافق صورتده حسن قبول ونوازشه مظهر و کندی
 طلبی وجهیله (بروسه یکی شهری) (اینه کول)
 و (یار حصار) قضاری محصولاتی مبدار معاش
 اولق و اولاد و عیالیه اورالده اقامت ایتک اوزره میر
 مشارالیه تخصیص و مقرر بیوروب مخدومنه
 دخی بولی سنجاغنی توجیه ایتدیلر .
 دیار اسفندیار تماماً ممالک شاهانه به الحاق اولنه رق
 قزل احمد بک اوحوالی عسکرینه سردار تعیین
 بیورلادی .

§

قیونلی حصارک فتحی

آق قیونلی امر اسندن قره عثمان بایندرینک حفیدی
 اولوب یاورئ بخت و طالع ایله ممالک ایران و کردستانه
 مالک اولان (اوزون حسن خان) سلطنت سنیه

عثمانیه بی کوزینه کسدیروب و (طربزون) ده
حکومت ایدن (ژان قومنین) نام پرنسک قزینی
تزوجله حاصل ایتدیکی قرابت صهریتدن دخی قوت
الوب ممالک محروسه شاهانه به تسلطه باشلادیغی
صروده بندکان دولت علیه جله سندن (قیونلی
حصار [*]) حاکی (حسین بک) ی پرشکارگاهده
علی الغفله طوتدیره رق قیونلی حصاری زیر تصرفیه
یکیرمشیدی .

حضرت فاتح ملیکنه بویله بر اجنبینک تسلطندن
وبندکانندن برینک طوتلسندن طولایی متأثر اولمسیله
روم دلاور لر یله قیونلی حصاره واروب بالمحاصره
حصارک استخلاصی ایچون اناطولی بکدر بکیسی حزه
بکی مأمور بیوردیلر .

حزه بک قیونلی حصاری محاصره وتضییق ایتمش

[*] اشبو قیونلی حصار قره حصار شرقی سنجاغنده
اولوب الجماله هذه قویله حصار دینیلان محل اوله رق
اوزمانلر لواء مزبورک مرکزی ایتمش .

ایستاده تسخیرینه موفق اوله میوب فقط او حوالیده
بولان مدن و قرایی عسکره یغما ایتدیرمش اولدیغندن
اوزون حسن دخی باله-باله ممالک عثمانیه درونه
غار تکران عشایری صالدیروب عباد اللهی اضرار
ابتدی .

یو حوادث سینوب فتحی اثناسنده حضرت پادشاهک
مسموعی اوله رق در حال سینوبدن حرکت و قیونلی
حصار اوزرینه عزیمت بیوردیلر .
حسن خان فاتحک سطوت قهرمانیسنه مقاومت
و مقابلیه کوونه مدیکندن ارزنجان طاغیرینه
صاوشدی .

فقط حیدود کبی کجه لری اردوی هم-ایونی باصوبده
برایش کوره بیلک زعمیله عمزادسی (خورشیدبک) ی
کزیده عسکرینه سردار ایدرک موکب شاهانه اوزرینه
صالدردی .

خورشیدبک قرانلق بر کجده اردوی همایونی باصمق
اوزر الغار ایدرکن (کدک احمد پاشا) قومانده سنده

بولنان چرخه جی فرقه سنه تصادف ایدہ رک احمد پاشا
غایت شجیع و مدبر و حسن اداره عسکریہ بہ مقتدر
بولند یغیون کوزل بر مناورہ ایلہ خورشیدک فرقه سنی
شجیعانہ قارشولیوب آق قیونلی ترکمانلرینی عثمانلی
قلیچنہ قوربان ایتدی .

خورشیدک اردوی همایونی شجیون ایدہ یم دیرکن
بالعکس اردوی همایونک چرخه جی فرقه سنک
صدمہ سنہ طیانہ میوب فنا حالده منہزم و دلخون اولہرق
اوزون حسن خانک یانہ قدر قاچدی .

بونک اوزرینہ حسن خان حضرت پادشاهہ حربا
مقابلہ دن بسبتون نومید اولدیغندن صلح و مسالمت
طریقہ شمشیر صاعقه بار عثمانیدن قورتلق مسلکنی
الترام و والدہ سی (سارہ) خاتونی (چشکرک)
حاکمی (کرد شیخ حسن) ایلہ برابر طلب صلح و امان
ایچون درکاه پادشاهی بہ بعث واعزام ایلدی .

بوارہ ده ایسہ قیونلی حصار محصورلری جناب فاتحک
جہلات شیرانہ سنہ تحمل ایدہ میہ رک قلعه بی تسلیم

ایتمش اولد قلرندن اوزون حسنی بولوب تنکیل و تدمیر
ایتمک ایچون موکب همایون (کوه شکوه) و (کوه بلغار)
طرفلرینه یوریش ایدنی .

ساره خاتون کوه بلغارده موکب همایونه ایریشوب
اوغلی حسن خان جانبدن استدعای عفو و مصالحه
واوزون حسن وزیر اعظم محمود پاشایه رجای توسطی
متضمن بشقه جه بر تحریرات خفیه کوندرمش اولدیغنه
مبنی اودخی ساره خاتون ایله همربان اوله رقی پادشاهی
قبول صلح و مسالمت ارضا و اماله ایتدیلر .

§

طربزون قلعه سنک تسخیری

جناب شهریار اسکندر اقتدار دارای عجمه عقد مصالحه
ایتد کدنصکره او حوالیده بولانان مشهور صعب المرور
طاغیری آشهرق (طربزون) قلعه سی اوزرینه توجه
بیوردیلر .

جناب فاتح ساره خاتونی والدہ سی کی سوسوش

اولد قلندن طربزونه کیدرکن برابر استصحاب ایدرک
 دأمامشارالبهای (شاهانا) تعبیرله تلطیف یوررلردی .
 « طربزون طاغلرینک صرپلغندن و سوارا کچلمک
 تهاکه او اولسندن طولایی بادشاه اکثریا پیاده یوررمکی
 اختیار ایتمکه اولد قلندن برکونینه یسان یوررلرکن
 ساره خاتون فاتحه [شاه اوغلم طربزون قلعه سی بو قدر
 زحمت اختیارینه و وجود همایونکیزک بیان یوررمک
 درجه سنه قدر اتعابده دکر می ؟ خصوصیه بورالرجه
 قحط و غلا بر کمال اوله زرق عسکرک ذخایر و علف
 تدارکندن عجز و اضطرار باریده میدانده در .] یوانده
 خطاب ایدوب - لیکن - طربزون حکمداری
 ساره خاتونک کلینک باباسی بواندیغندن ساره خاتونک
 شو افاددی فاتحی عزم و نیتندن فراغت ایتدیرمک
 ایچون شفقت امیت صورتنده بردسیسه آیدی .
 بادشاه دل آگاه ایسه دسیسه خفیه به انتقال ایدرک
 ساره خاتونی شو طرزده برماله حکیمانه ایله سکوت
 و تصدیقه مجبور آیدی . [شاه انا المزده بوانان سیف

صارم اسلام ایله دائمی غزا و جهاده مأمورز . زحمتسز
 نائل ظفر اولیق ممکن دکلدر . بو قدر جق تعب
 و مشقت بزی مأموریتیزی اجرادن کیرو براقه ماز [.
 خلاصه : اردوی همایون طربزون قلعه سنک
 اطرافنه بالوصول قلعه برا محاصره ابدندی .

قلعه حکمداری ساره خاتونک موکب همایونده اولدیغنی
 خبر الهرق پادشاهی محاصره دن فراغت ایتدیرمک
 ایچون ساره خاتونه مراجعت و اودخی رجا و شفاعت
 ایتش ایلیده جناب فاتح بوزجانی سکوت ایله کچشدیروب
 قلعه یی تاضیقه دوام ایتدیلر .

بوصره ده سینوبده بولنان دوتنمای همایون ظهور
 و ورود ایتسیله بحرا دخی محاصره یه ایتدار اولندی .
 طربزون حکمداری مقاومتدن مأیوس اولوب باشی
 سیف قهر پادشاهیدن قورتارمق ایچون استدعای
 عفو و اماندن بشقه چاره بوله مدیغندن ارکان سلطنتک
 وساطتیه مرحمت پادشاهی یه دخالت و بالاستیمان
 قلعه نک تسلیحه مسارعت ایلدی .

حکمدار فاملیاسیله برابر استانبوله نقل اولنه رفق قلعه نك
ضبط و محافظه سی اسبابی بعد الا کمال موکب همایون
برا درس عاده عودت ایتدی .

اثنای عودته قزل احمد بکه (موره سنجاغی) توجیه
بیوریلوب مشارالیه تشریف شاهانه یه قدر بولیده
لوازمات ذاتیه سنی تدارک و تسویه ایتک و اورادن ینه
موکب همایونه بالالتحاق روم ایلنه کچمک اوزره طرف
پادشاهیدن رخصت استحصالیله ایلرویه عزیمت
ایلشیدی .

احمد بك نصابه آتینجه امین اوله مامسندنمیدر ؟
ندر ؟ بولیدن قرمان اوغلی نزدینه قرار و قرمان
اوغلنك اعانه سیله دیار عجمه صاویشوب اوزون
حس خانك یاننده قرار ایتشد .

بواحد بك سلطان بایزید خان ثانی عصر ینه قدر
دیار ایرانده قالوب عصر مشارالیه دهینه دولت علیه یه
دخالت ایدرك مناصب عالیله ایله مظهر اطراف
وعاطفت اولمشدر .

حضرت فاتح قزل احمد بكك فرار يني ايشيدنجه
برادري اسماعيل بكك دخی بومسلکه سلوک ایتسی
محمّل کوروب اسماعیل بکی اولاد وعیالیه بولیدن
قلبه یه قالدیرمش ومیرشار الیه آخر عمرینه قدر کمال
آسایشله قلمده یشادیغی کبی اولادی مناصب دولت
علیه ده استخدام بیورلمشدن .

اسماعیل بك بولیده ایکن قرمان اوغلی اردوی همایونك
طر بزون طرفلرنده کی مشغولیتی فرصتندن بختله اسماعیل
بکی عصیانہ تحریك ایلش ایسه ده اسماعیل بك انجام
کاری ملاحظه ایدرك قرمان اوغلنك تحریك وتسویلنه
الدانمش اولدیغی مرویدر .

افلاق سفری

حضرت فاتح دیار اسغندیاری وطر بزونی منوال
مشروح اوزره استیلا واوزون حس خانی قدرت
ومکنت سلطنت عثمانیه بی تصدیقه اجبار ایتدکدن

صکره استانبوله عودتله سر بر آرای شوکت اولدقلری
اثناده روم ایلی محافظه سنه مأمور (اسحق) پاشا
خاکپای شاهانه یه مثول اوله رق افلاق و یوده سی
بوانان قازقلو و یوده نك [۱] موکب شاهانه اناطولی
جانبنده ایکن حدود اهالیسنه تجاوزات و تعدیاتی
وقوعبولدیغندن بحث و شکایتله تأدیبی لزومی عرض
ایتدی .

اسحق پاشانك افاداتنه نظرأ و یوده نك تأدیبی لازم
کلورسده اول امرده درجه اطاعتی اکلاشق اوزره
و یوده نك بر کره درس عادتله دعوت ایداسی تنسیب
اولندیغندن و یوده یه دعوتنامه یازلدی .

بر طرفدنده عسکر جمعه تشبث یورلدی .

و یوده نك کلان جوابنامه سنده خاکپای شاهانه یه

[۱] بوو یوده نك اصل اسمی (دراقله) اولوب اننه
کچیردیکی مسلمان اسیرلرینی قازیغه اوردیغی ایچون
اسلام بیننده قازقلو و یوده لقب مکروهیله شهرت
آلشدر .

یوز سوزمك جانته منت ایسه ده افلاق خلقی کند و سته
 تمامیه مطیع اولد قلرندن مقر حکومتدن ایریله جق او اور
 ایسه اهلینك مجارلویه تبعیت ایتلری ملحوظ اولدیغی
 بیان و حین غیب و بنده مملکتی محافظه ایتك اوزره امرای
 دولت علیه دن بری تعیین و اعزام بیورلدیغی حالده
 درگاه پادشاهی به عزیمت مهیا بولندیغی عرض
 و اتیان اولمشدر .

شو جواب ظاهر حالده مطاوعت رنکنی کوسترمسيله
 (نیکبولی) محافظی بولنان (حزه بک) افلاقه
 کید و بده و بوده نك در سعادتده بولنه جغی مدته افلاق
 مالکینك محافظه سنه باقسی فرمان بیورلدی .

حزه بك حسب الاراده بر شدت شتا اثناسنده حدود
 عسکر یله افلاقه متوجهاً حرکت ایدوب اواراق
 طونه نه ری طومش اولدیغندن ایرتسی کون یوز
 اوزرندن قارشویه کچامك اوزره بر کچه نهرك بری
 کنارنده بیتوت ایتشیدی .

مکر غدار و بوده نك اوصورتله مطاوعتکارانه جواب

کوند ریشندن غرضی دولتی اغفال ایمش . ناگاه
 کجه لین جمعیت عظیمه ایله فرقه عثمانیه اوزرینه
 هجوم ایدرک عسکرک بر چوغنی و حرنه بکی شهید
 ایتدی .

و حرنه بکک راس مقطوعی علامت ظفر بوننده مجار
 قرانه کوندروب دوات علیه عصیاننی اعلان
 ایلدی .

بوفاجعه فاتحک مسموعی اولجه آتش غضباری علو
 ریز اوله رق اولجه اسحق پاشانک افاده سی وقوعنده
 احتیاطه رعایه ترتیبات عسکریه یه باتشبت ائکمال
 ایدلمش و موسم بهار دخی ایرشمش بولندیغندن (سکرز
 یوز التمش التی) سنده سنده موکب همایون افلاق
 اوزرینه یوریدلدی .

موکب شاهانه طوزه معبرینه مواصلت ایتدکده وزیر
 اعظم محمود پاشا طلبه فرقه سیله ایلرویه کیدوب
 اردوی همایون دخی متعاقباً قارشویه پکدی .
 اورنوس زاده علی بک قومانده سنده اوله رق سوق

ایدیلان اقبجی فرقه سیده افلاق ممالکنی چکنکه
باذلادی .

یوئناده تصادف نوبعدن بر محاربه وقوعه کمشدر .
شویله که :

بغدان ویوده سی پادشاهه مطیع وافلاقلو ایله اره سی
بوزوق اولدیغندن اردوی همایونک حرکنی مناسبتیله
بغدانلونک دخی افلاقه تجاوز ایتسندن احتراز ایدرک
قازقلو ویوده احتیاطاً بغدان حدودینه براردو ترتیب
وتعین ایتشیدی

موکب شاهانه بالتصادف بغدان حدودینی بکلبان
اشبو افلاق اردوسی موقعه اوغرامش اولدیغندن
وافلاقلور ایسه موکب همایونی وهله اقبجی طاقی
ظن ایدوب حاضر ایاقلرینه کمش برشکار اولامق
سوداسنه دوشدکلرندن کور کورینه موکب همایون
اوزرینه هجوم ایتدیلر .

حضرت فاتح در حال رکاب شاهانه رنده بولنان صنوف
عسکریه بی میمنه میسره اصولی اوزره ترتیب ایدرک

عثمانلو بهادرلی آتشلر ساچغه باشلاينجه افلاقلو
اقتجی طاقی قیاس ایتدکلری عسکرک اردوی همایون
اولدیغنی اکلایوب فراره یول ارامشلسده بوکاده
مقتدر اوله مدقلرندن یدی بیک قدری تلف و باقیسی
کاملا اسیر اولدی .

قازقلو ویوده بغدادان حدودینسه مأمور ایتدیکی
اردوسنک اولصورتله محو اولدیغنی ایشدکده کندوسی
عصرینک مشهور بهادرلرندن معدود اولدیغنی جهته
کبر ونخوتی غلیان ایدرک وهرنه اولورایسه اولسون
دیهرک اردوی همایون ایله چارپشمنی قوردی .
وبرکجه وار قوتیله موکب همایون اوزرینه
یوریدی .

پادشاه اکاه ایسه دشمنک تصور وحرکتی اولجه
بالتحقیق اردوی همایونی صف حرب هیئته قویوب
مهیا بولندرمش ایدی .

ویوده هر نقدر شجیعانه حرب ایتش ایسه ده نتیجه
نافعه حصل ایده میوب اوکجه صباحه قدر دوام

ایدن محاربہ خون برانہ ده افلاقونک اکثریسی محو
وتلف اولدی .

قازقلو و بوده ناچار بقیة السیوف عسکر یله میدان
حر بدن فرار ایدرک میخال زاده علی بک قومانده سیله
برفرقه عثمانلی سوار یسی بونی تعقیب ایتدیکنندن
افلاق ایچنده بارینده میوب مجارستانه قدر قاچدی .
بو محاربہ دن صکره افلاقک پهر طرفی عسا کر عثمانیه
طرفندن دور ایله اثر عصیان قالمیه جق بر حاله
کتورلیدی .

پادشاه ظفر اکتناه بعد ازین افلاق ممانکی علی الاطلاق
ممالک دولت علیه دن معدود اولق شرطیله قازقلو
و بوده نک برادری اولوب خیلی مدت نبرواستانه دولتمده
بولنان (رادول) بکی افلاقه و بوده تعیین ایدرک پای
نخته عودت پیوز دیلر .

مدلولو جزیره سنک تسخیری

دولت علیه عثمانیه استانبول کی برمرکز صحیح سلطنته

نائل و ارتق کند و سیچون برا و بحر اتوسع دائره شوکت
و عظمت ایدہ بیلک استعدادی حاصل اولمش اولدیغندن
ممالک شاهانه به متصل حکمنده وروملردن برپرنسک زیر
حکومتندہ بولنان جزایر یونانیہ دن (مدالو) جزیره سنک
تسخیری مناسب کورلدی .

بناء علیہ (سکز یوز التمش التی) سندہ سندہ استانبول
لیمانندہ تجهیز اولنان دونمائی همایون جزیره مزبوریه
سوق اولندیغی مثللو حضرت فاتح دخی بروسه به
کچوب اورادن مدالو اطه سی مقابلندہ بولنان (ایازمند)
ساحله اردوی همایونلرینی قوردیلر .

بوصرہ ده دونمائی همایون دخی بالوصول اردودن
اطه یه عسکر کچیریلرک مدالو قلعه سی شدیداً محاصره
التہ اندی .

جزیره حکمدارینک مقابلہ و مدافعه به اقتداری قالدیغندن
وزیر اعظم محمود پاشا و ساطیلہ استیمان و دخالت
و قلعه نیک تسلیمہ مسارعت ابتد .

مدالو جزیرہ سی بوصورتله مالک عثمانیہ به الحاق

اوله رق یرو اها ایسی بنه یرلنده ابقا و جزیره نك
محافظه و اداره سی تدابیری اتخاذ و اجرا ایدل دکن
صکره موکب شاهانه پای تخته چکادی .

§

بوسنه سفری

(بوسنه) حدود بنه مأمور بولنان میخال زاده
(علی بك) بوسنه حکمدارینك تجاوزاتندن
شکایت ایتکده اولدیغی مثلاً بوسنه لونك دولت
علیه یه ایفاسنه متعهد اولدیغی و یرکوی معینك اخذی
ضمنده طرف سلطنتدن اعزام قلنان مأموری
حکمدار طرد و تحقیر ایتش اولدیغندن جناب فاتح
حکمدارك تأدیباتنی اجرا ایتك اوزره (سکر یوز
التش یدی) سنه سنده (اسکوب) طریقله
جانبه توجه بیوردیلر

موکب شاهانه (وچترین) موقعنه واصل اولنج
بوسنه قرالنك جمله مالک محروسه دن (اغاج حصار)

نام قصبه‌ی احراق بانار ایتش اولدیغی میخال زاده
علی بك طرفدن اشعار اولنوب پادشاهك بوخبردن
حیت تبعه پروریلری حرکت ایدرك بران اول قرالك
حقندن کلنك ایچون وزیر اعظم محمود پاشایی اردوی
همایونك طلیعه فرقه سیله ایلرویه سوق ایتدیلر

محمود پاشا رهکذارنده بولنان (لوفجه) حصارینی
برقاج کون ظرفنده تسخیر ایدرك قرالك بولندیغی
موقعی بولق اوزره ایلرولدی .

قرالك (بایجه) نام حصاره تحص ایتدیکی پاشانك،
مسموعی اوانجه اورایه متوجهـأ الغار ایلش ایسده
قرال بایجه‌ی ترکه متاتله مشهور اولان (صوقول)
قلعه سنه قاچش اولدیغندن پاشا دخی تعقیبه مسارعت
کوستردی .

فقط قرالك صوقولده دخی طور میوب (کلوج)
قلعه سنه صاوشمش اولدیغی پاشانك صوقوله وصولنده
اکلاشلدی .

صوقول ایله کلوجك بیننده غایت صرب بولار

وهولناك بر در بند اوله رق بورالردن عسكرا مراری
 تهلکه او اوله جغندن ایلروسنه کیدلیه رك باججه قلعه سنه
 رجعت ایدلسی مناسب اوله جغنی رؤسای عسکر رأی
 ایتشلر سه ده محمود پاشا قرانك تدمیری امرنده اولان
 امر و فرمان پادشاهی به مغایر حرکت ایده میه جگندن
 تهلکه سوزینه قولاق ویرمیوب طورخان بك زاده
 (عربك) ی تحقیق و کشف احوال ایتك و دشمندن
 بر (دل) المق اوزره ایلرویه سوق ایله برابر کندوسی
 دخی معیتده بولانان فرقه ایله بر کججه ایچنده مذکور
 در بنددن مرورایتدی .

عربك دشمن طاقندن انه کچیردیکی ادملری بالاستیطاق
 — عسا کر اسلامیه نك معهود در بندن و (ورباس)
 دینیلان نهر دن مرورلینی قرال محال حکمنده
 کوردیکچون قیدسز و احتیاطسز بر حالده بولندیغنی —
 تحقیق ایتسیله بو ادملری در حال محمود پاشایه کوندرمکله
 برابر فرصتی غیب ایتما مگ اوزره ورباس کو پر یسندن
 کچه رك قرالک بولندیغنی قلعه نك اوزرینه یوریدی .

قرال عمر بك فرقه سنی کورنجه قوه موجوده سیله هجوم
ایدرك عساكر عثمانیه بی اورته به الدی .
عمر بك شجیعانه طاورانش ایسده عساكر عثمانیه نك
ازلخی و قرال عسکرینك چوقلغی مناسبیله انهرامه
یوزطوتدی .

بوسره ده محمودپاشا دخی نهرکنارینه ایریشوب عمر بك
فرقه سنك تهلكه ده بواندیغی مشاهده ایتدی .
نهرك کوپر بسی محاربه موقعنه اوزاق اوله رق پاشا شاید
کوپر بدن طولاشه جق اولسه عمر بك فرقه سنك محو
اوله جغنی اكلامسیله همان عثمانلی قهرمانلرینی یوزرهك
نهر دن کچیروب شدتله دشمن اوزرینه هجوم ایتیردی .
دشمن میدان حریده عساكر عثمانیه نك هجمه دلیرانه سنه
طیانه میوب منهرما قلعه لرینه صوقولده قلرندن پاشا
در عقب قلعه بی تحت محاصره به الدی .

قلعه نك تصنیقاته طیانه میوب جبرالنه جغنی و کندوسیده
یقه سنی اله ویره جکنی قرال اکلادیغندن بالاستیمان
قلعه بی ونه سنی وزیر اعظمه تسلیمه مجبور اولدی .

محمود پاشا بوقلعه نك امر محافظه سی اسبابنی بالاکال
قرالی دخی برابر الهرق قرالک برادرینک زبردست
محافظه سنده بولان (اورجای) نام قلعه یه متوجها
حرکت ایلدی .

اورجای خلقی قرالک فلاکت واسارتندن خبردار اولمیرله
کندولرینک مقاومت قلعشملرندن بر فائده اوله میه جغنی
اکلادقلرندن انلردخی تسلیم اولدیله .

بو ائنده موکب همایونک (بایجه یه) یه واصل اولدیغی
تحقیق ایلدی .

وزیر طفر سمیر بوسنه قرالیله قرنداشنی حضور شاهانه یه
کوتوروب مظفر یاتنی عرض ایتدی .

بایجه قلعه سیده حضرت فاتحک امان طریقله مسلم
دست جهانگیرانه سی اوله رق بورانک سکنه سی کاملا
استانبول نواحیسنه نقل اولندی .

وزیر اعظم محمود پاشا بوسنه قرالنی ینه بوسند قطع سنک
بعض محاررینه حکمدار تعیین ایتدیلمک وعدیله
اله که قورمش اولدیغندن بوراسنی پادشاهه عرض

ایستد کده قرالک جبراً اله کتوراسی ممکن ایکن بلا
لزوج اوصورتله وعد لطف ایتمسندن طولایی جناب
فاتح پاشانک خدمتنی تقدیر ایتمامکله برابر قرالی دخی
طعمه شمشیر جلادت و بوسنه قطعہ سنی کاملاً و علی
الاطلاق ممالک محروسه یه الحاقه همت بیوردیلر .

« قرالک اعدای علمای مشهوره دن اولوب بوسفرده
اردوده قاضی عسکر بولن ان (مضفک) لقبیه
معروف اولان (علی بسطامی افندی) طرفندن
ویریلان فتوایه مستبد اولدینغی مرویدر » .

پادشاه مظفر سیاه بوسنه قطعہ سنی تسخیر دزصره
بوسنه به متصل اولوب هر سک اولی دیلیلان بر حکمدارک
اداره مستقله سنده بولن ان (هر سک) دیارینک
استیلا سیچون وزیر اعظم محمود پاشایی مأمور ایدرک
کندولری پای تختیه عودت ایلدیلر .

محمود پاشا هر سک قطعہ سنه یورید کده هر سک قرالی
یقه سنی اله ورمکدن احترازاً جزایر بحر سفیددن
بر جزیره فرار ایتش اولدینندن محمود پاشا هر سک
ممالکنی دخی سرایا اله کتوردی .

قرال ملك و حكومتك كلياً النदन چقديغني ايشيدنجه
 اوغلني دربار مرحت آثار پادشاهي به كوندروب
 استدعاي لطف وعاطفت ايتسيه هرسك قطعه سنك
 بعض محلاري بانفريق قرالك زير حكومته ويريلهرك
 سائر يري ممالك محروسه عثمانيه به الحاق يورلدي .
 « بوقرالك اوغلي سراي همايونده اليقونيله رق خدمت
 خاصه پادشاهيده كسب تربيت و بالاخره رتبه جليله
 وزارت و شرف صهرتبه نائليتله دولت عليه ده
 (هرسك زاده احمد پاشا) ناميله اشتهار بولشدركه
 صره سي كلكجه خدمات واقعه سي نقل اولنه جقدر .
 قرال مومي اليه يك چوق وقت صماغ قالمويوب حين
 وفاتنده هرسك قطعه سنك تمامي طبيعي اداره مستقوله
 دولت عليه ده داخل اولشدركه .

§

قرمان اوغلي ابراهيم بك وفاني اوزرينه
 قرمان حكومتك اختلالی

قونیہ حکمداری بولنان قرمان زاده ابراهیم بک یادی
نفر اولاد ذکوری اولوب الک بیوکلی بولنان (اسحق
بک) بر جاریه زن متولد اوله رق دیگر الی نفری که
(پیر احمد) (قرمان) (قاسم) (علاء الدین)
(سلیمان) و (نوره صوفی) نام لریله موسومدر
بولنر مرحوم سلطان مراد ثانی حضر تلیک همشیره
محترمه لرندن وجوده کملدر .

ابراهیم بک اکبر اولادی اولان اسحق بکه دیگر لرندن
زیاده اعتبار و توجه کوسرتوب کندوسنک وفاتندن
صکره قرمان حکومتنده اسحق بک بر لشد بملک مطالعه سیله
مناعت طبیعی موقعیه سی مشهور اولان ایح ایل جهتی
اکا توجیه ایتشیدی .

(سکر بوز التمش سکر) سند سنده ابراهیم بک دوام
حیاتندن امید قالیه جق درجه ده خسته لنوب اسملری
دمنجک تعداد اولنان الی کوچک برادرلر - بابا لریک
وفاتی حالنده اسحق بک قرمان حکومتی ضبط ایله
کندولرینی طرد ایده جکنی - علا حظه و اولجه حکومت

قرمانیه بی کندوری اله المق اوزره بالاتفاق قونیه بی
محاصره ایتدیلمز .

وبالارینی اجل ایله پنجه لشورکن مملکتدن قاجیروب
مملکتی بد تصرفلرینه الدیلر .

ابراهیم بك خسته حالنده قونیه دن فرار ایله (كول
حصار) ه کیرمک اوزره ایکن دشمن جانستان اجله
دوچار وعازم دارالقرار اولمشدر .

اولاد سته دن (پیر احمد بك) قونیه ده کرسی
حکومت قرمانیه جالس اوله رق بیوک برادری اسحق
بك ضروری ایچ ایلمه چکلدی .

(سلیمان) و (نوره صوفی) بکله دخی احمد بکدن
یوز بوله مدقلرندن حضرت فاتمک آستان شفقتنه
التجا و دخالت ایتدیلمز .

اسحق بك اکبر اولاد بولندیغی حالده پدرینک مقامی
غیب ایدیشندن دلیکیر اولدیغندن مداخله اجنبیه
فوتیله برایش کوره بیک سوداسیله شاه ایران اوزون
حسن خانه غریضه وهدایا تقدیمه انک اعانه سنی

استدعا و - عساكر كافيه امداد يله باباسنك مسندينه
 نائل ايديله جك اولور ايسه ايراندن قونيه يه قدر هر
 مرحله ايچون بيكرالتون ويره جكني - عريضه سنده
 تصريح و ابنا ايلدي .

اوزون حسنك ديار رومه مداخله ايتك پارسه سز يله
 جانسه منت ايكن بويله اجرت قديميه تامينيله برابر
 ايديلان دعوتدن ممنون اوله رق بالذات قونيه يه عزيمته
 مسارعت كوستردى

پير احمد بك اوزون حسنه مقاومتدن عاجز اولديغىچون
 همسان ياننده كي ديكر برادرلر يله برابر قونيه يه تركله
 دربار شوكت قرار پادشاهي به صاوشدى .

اسحق بك اوزون حسنك سايه سنده بلامزاحم قرمان
 كرسي حكومتني ضبط ايتدى .

ليكن اوزون حسن طبيعت غاصبه تركانياسي حكمنى
 اجرا يعنى قرمان بلاديني اجنه جق صورتده تاراج
 ويغما ايدرك سر كردكاني سايكنه چكن (قزل احمد
 بك) ي كويا اسحق بكى محافظه ايتك ايچون بر مقدار

عسکرله قونیهد، براغوب کندوسی وطننه کیتدی .
 طرف پادشاهیدن پیراحمد بکه عسا کر کلیه ترفیقيله
 قونیه نك ضبط ایتدیر یله جکینه دائر اسحق بك برحوادث
 المسیله ذاتا اوزون حسنك امدادندن او قدر کارلی
 چقماش اولدیغی حالده شمعی دخی دولت علیه ایله
 نیجه لشمك بتون بتون کندی حقمده مضراوله جغندن
 کندوسیده بر صورتله حضرت پادشاهه ربط سلسله
 عبودیت و اوسایه ده کسب راحت ایلک مطالعه سیله
 مشاهیر علمادن صاری یعقوب زاده (احمد چلبی) نام
 ذاتی مخصوصا عتبه بادشاهی به بعث واعزام و برادرلرینه
 صحابت بیورلماق شرطیله (اق شهر) و (بك شهری)
 قضالرینی دولت علیه به ترك ایده جکفی مبعوث مشارالیه
 واسطه سیله عرض و اعلام ایتدی .

اسحق بك شو معروضی نزد شاهانه ده قرین قبول
 اوله میوب جناب فاتح اسحق بکه چاوش باشی (احمد بك)
 سفارتیله شو ووجهله بر جواب کوندردی [پیشکن ایتك
 ایستدیککن محالر الابددا دولت علیه نك مبايعه شرعیه

صورتیله داخل سلاک ملای اولدیغی کبی اخیرا دخی
دفعاتله حرباوجبرا ضبط ایدلمش یرلردر . اگرچه
برادرلریکزک تسلطندن امین اولق ایسترسه کز (چهار
شنبه صوبی) حد فاصل اعتبار اولنه رق بروجانی
سلطنت سنییه ترک اولمایدیر] .

چهارشنبه صوبی حد فاصل اعتباریله بروطر فلردوات
علیه یه ترک اولدیغی تقدیرده حکومت قرمانیه ایچ ایلی
طرفنه منحصر قالمق لازم کله جکندن اسحق بک بوتکلیفی
قبول ایتدی .

ایتمدی اما بالاخره ایچ ایله دخی ایاق طوتدیره مدی .
چاوش باشی احمد بک قونیه دن جواب رداله رق پای نخته
عودت ایدنجه جناب فاتح پیر احمد بکی عسا کر کلیه ایله
قونیه اوزرینه سوق واعزام بیورد قلرندن پیر احمد بک
دیار قرمانه دخول ایدرک ایچ ایل قصباتندن (ارمناک) ده
اسحق بکله بالتقابل ظهوره کلان محاربه ده اسحق بک
طامقی بریشان ومنهزم و کندوسی فرار ایله اوزون
حسن خان نزدینه عازم اولدی .

و پیر احمد بك سایه قدر توایه حضرت فاتحه تکرار
حکومت قرمانیه بی قزاندی .

احمد بك اشیر لطف پادشاهی به مقابل (آق شهر)
(بك شهری) (ایلغین) و سایر بعض ممالکی سلطنت
سنیه به عرض و تسلیم ایلش و از بر مدت دولت علیه به
صادق قالمش ایسه ده اوده تك طور میوب متعاقبا
خبرکاری اغضاب ابتدیکندن انجامی نافر جام و حکومت
قرمانیه بوندن صکره چوق سور میوب رهین حد ختام
اولشدر . تفصیلی اشاعیده کله جکدر .

§

مجارلونك اوروپالو ایله اتفاقی و موره سفری

سلطنت سنیه عثمانیه نك رفته رفته اوروپا به یانلقده
اولسندن اوروپالور ذاتا اوركش اولدقلری حالد
(موره) یی و (بوسنه) یی دخی استیلا ایتسی اوزریته
بسیتون تلاشد دوشدكلرندن (سكر یوز التمش طقوز)

سندہ سندہ بحار لایہ وندکلو و سائر اوروپا حکومت لرندن
بعضی لری دوات علیہ علیہ تکرار براتفاق خصمانہ
عقد ایل دیلر .

تفصیلی شویله کہ :

وندیک دونمادی (موره) اوزرینہ یوریوب مقدمادوات
علیه طرفندن ضبط ایلہ هدم اولسان وروم ایلی ایلہ
موره نیم جزیره سنک بیننی فاصل بولسان (کرمه)
حصارینی یکیدن انشاد و موره دده و لت علیہ یدینه
چشمش اولان محملری ابستر داد ایلہ عثمانلوی اورادن
ابعاد ایتمک و مجار دولتی دخی (بوسنه) بی عثمانلودن
قورتار مق صورتنه قرار ویر دیلر .

بواتفاق اوزرینہ مجار و وندیک لک تشبثات و حرکاتی
حضرت فاتحک معلومی اولنجه بویله یکدیگرینہ
مسافه جه معکوس ایکی طرفدن باش کویسترن ایکی
متفق دشمنک قنغیسنک مقابله و دفعی اقدام اولدیغی
واولانه طرفه کیدلک مناسب اوله جنی مذاکره اولنه رق
- چونکه کرمه حصاری اعمار اولنوبده موره نک

مدخلی اعدا طرفه بدن قبادیلور ایسه — موره الدن
چشمش اوله جغندن دشمن اورایه کلزندن اول موره
جانبه کیدلمک تنسیب اولدی .

بناء علی ذلک موکب همایون مؤخرًا حرکت ایتک اوزره
وزیر اعظم محمود پاشا تدابیر سفریه بی اجرا و حدودده
بولنان امرایه تعلیمات مقتضیه بی اعطا ایدرک طلیعه
فرقه سیله موره به عزیمت ایلدی .

لیکن عسا کر اسلامیه نک وصولندن اول فرنکر موره به
چیاقوب کر مه حصارینی تعمیر و تحکیم ایتدکن صکره
موره محافظی بولنان (سنان بک) قیامش اولدیغی
(کور فوس) قلعه سنی محاصره ایلش لرایدی

سنان بک فنا حالده صیقیلوب شاید بر مدت دهاتد افعی
حرکتله محصور قاله جق اولسه قلعه بی فرنکرک استیلا
ابده جکنی اکلا دیغندن خدعه حربه یوانه سلوک
ایله بر کیجه یوز قدر کزیده عثمانلودلاورینی بغته
فرنکر اوزرینه هجوم ایتدردی .

فرنکر قلعه خلقنک خارجه هجوم ایتک احتمالی هیچ

خاطر لرینه کتور مدکاری و وزیر اعظم اردو سنک قریب
محله کادیکی معلوملری او ادیغی جهته کجه لین
اوز لرینه کلان عسکرک صدر اعظم اردوسی اولدیغنه
ذاهب اوله رق بواو هام ایله یوز قدر عساکر اسلامیه نک
مدافعه سنه مقتدر اوله میوب منهزم و پریشان اولدیلر .
محمود پاشا دخی بوارالق و اصل اوله رق (کره)
حصارینی بانسهوله تسخیر و فرنگلری تعقیب و تدمیر
ایتدیکندن بونلرک بقیه السیوفی کوچ ایله سفینه لرینه
بینوب صاوشدیلر .

محمود پاشا بومظفریتی در حال عتبه پادشاهی به عرض
و اعلام ایدنجه ارتق مورده جاننده عزیمت شاهانه به لزوم
قالدیغندن مجارلونک بوسنه جهته تسلطنی منع ایتک
اوزره اردوی همایونک توجهی بوسنه به تحویل اولندی .
صوفیه هر حله سنه مو اصلت اثنا سنده - مورده دن
منهزما فرار ایدن و ندیک سفایندک اخذ انتقام قصد یله
(مدالو) بی محاصره ایتدکاری - خبری ورود
ایتمس یله جناب فاتح صوفیه ده بانه توقف محمود پاشانک

سریعا کلیبولی به عزیمتله اورادن دونمائی همایون ایله
مدلولونک امدادینه یتشمسنی امر و اشعار پیوردیلر .
محمود پاشا فرنککری موره دن قاجردقدنصرکه موره
توابعندن اولوب اوز مانه قدر دشمن یدنده قلان
(قارلی ایلی) ناحیه سنده (مسیری) (مسیراط)
(اوندار) و (یلدوز) نام قلعه لری ودها سائر محارری
فتح ایتشیدی .

مدلولو اوزرینه مأمور یتنه دائر طرف شاهانه دن
شرفسنوح ایدن امری النجه موره نک اسباب محافظه سنی
بالاکال موردن حرکت و سیر سریع ایله کلیبولی
اسکله سنه بانو صول دونمائی همایونه کیروب مدلولو
جزیره سنه عزیمت و مواصات ایلدی .

فرنکر دونمائی همایونک حرکتنی خبر الهرق اولجه
مدلولوی براغوب صاوشمش اولدقلرندن پاشا جزیره نک
استحکاماتی تعمیر و تجدید ایاد کدنصرکه بالمعاوده
صوفیه ده خاکیای شاهانه یه یوزسوردی .
بوسنده یه تجارز ایدن محارلو بوسنده دن یالکز (بایجه)

قلعه سنی استیلا ایدوب دیگر قلاع و ممالک ظفر
 بوله مامه سزین رجعت ایتش اولدیغندن وایام شتادخی
 حلول ایلمکده بولندیغندن بایچه قلعه سنک استردادینه
 سنه ایهده باقلمق اوزره وکب شاهانه صوفیه دن پای
 نخته عودت ایلدی .

§

بوسنه سفری

مجارلونک بایچه قلعه سنی کچن سنه استیلا ایتسی بوسنه
 قطعه سنی مخاطره یه دوشیردیکی جهتله بایچه نک تکرار
 استرداد ی لازم کلدیکندن اشبو (سکز یوزیتش)
 سنه سی ربیع الاولنده جناب فاتح عساکر وافیه ایله
 بالذات بوسنه یه یوریوب بایچه بی محاصره یوردیلر .
 بایچه متین قلعه لردن بولمق جهتله محاصره امتداد
 کسب ایتکله برابر مجارقرالی دخی پادشاهی بایچه نک
 محاصره سندن فراغت ایتدیرمک اوزره (صوه)

نهرندن مرورو (ایزونیک) قلعه سنك محاصره سنده
ابتدار ایتدی .

حضرت فاتح بایجه نك حصرو تضییق خدمته امرادن
منت زاده (محمد بك) ی براغوب کندولری ایزونیک
دشمن محاصره سندن تخلیصی ضمنتده او طرفه توجه
بیوردیلر سنده ایزونیکه کیده جك ایوللر صعب المرو
و خطر ناك اوله رق ذات شاهانه لرینك اوله تهلكه لو
محلاره دخوللری مناسب اوله میه جغندن بو خدمته دخی
وزیر اعظم محمود پاشا تعیین بیوربله رق کندولری
صوفیه یه عودت ایتدیلر .

محمود پاشا بیان اولنسان تهلكه لو یوللره کیرمزدن
اول قلعه نك حالنی اكلامق اوزره جاس و سار
کوندردی .

ایزونیک قلعه سنده قدیم مستحق نظرندن ماعدا
محاصره دن اولجه طرف پادشاهیدن بش یوز دلاور ایله
کوندراش اولان میخسال زاده (اسکندر) بك دخی

موجود اولوب بونلر دشمنی مدافعه ده سعی و اقدام
ودشمن طو پلرینک اچدیغی رخته لری در حال سد
وتحکیمه اهتمام ایدرلردی .

بونکله برابر مضایقه لری شدت بولمسیله درت کوزایله
امداد و رودینه انتظار ایلرلردی .

موسم قیش اولوب اورالری پک شدید صوغوق اولق
ملابسده سیله محاصرلر کیجه لری زمکله صوقولمقلرندن
وزیر اعظمک کوندردیکی جاسوسلر بر کیجه قلعه نك
دیوارینه یناشوب محصورلر ایله بالمکالمه پاشانک قریبا
کله جکنی تبشیر ایدرک عودت و قلعه نك هنوز عثمانلو
سجاغی التنده اولدیغنی پاشایه عرض و حکایت ایتلریله
وزیر صائب التمدیر میخال زاده (علی بك) ی برقرقه
ایله ایلرویه کوندروب کندوسه ده هیئت اردو ایله
حرکت ایتدی .

محاصرلر جاسوسلرک قلعه خلعتیله کیجه وقوعبولان
مکالمه لری و وزیر اعظمک امداده کلمکده اولدیغنی
مؤخرات تحقیق ایتش اولملرینه مینی ایجاب ایدن یوللره

عسکر تعبیه سیله مقابله یه حاضر انمشار سنده انلر کده
 امتداد محاصره دن و تأثیرات شتادن حالری فنا لشمش
 اولدیغندن امداد کایشندن خوف و دهشته
 دوشدیلر .

میخال زاده فرقه سی دشمنک یولاره تعبیه ایتدیکی
 قوللرک اوزر زینه اوغرایوب دشمن بونلری بردن بره
 وزیر اعظم اردوسی ظنیه دوچار خشیت و خلجیان
 و کیوسین کیری قرال اردوسنه قدرشتابان اولدقلرندن
 بونلرک تلاشی قرا ییده اخافه ایدرک قوجه انکروس
 اردوسی - وزیر اعظم اردوسیله دکل - میخال
 زاده نک کوچک بر فرقه سیله بیله چار یشمغه میدان
 بوله مامق سزین کندولکلرندن پریشان والات و مهمات
 حر بیله لرینی اوراجتده ترکله سمت فراره پویان
 اولدی .

میخال زاده علی بک دشمنک فرارینی مشاهده ایدمجه
 پاشایه تبشیر کیفیته برابر قلعه پیشگاهنه قوشه رق
 اعدا ان مهمات متروکه سنک ضبط و اغتنامه کیرشدی .

وزیر اعظم دخی متعاقباً پیشه رک دشمنک تعقیبینه مسارعت
کوسترمسیله عثمانلو قهرمانلری مجارلری قیره قیره صوه
نهرینه قدر قو ووب دشمنک قلیچدن قورتیلانلری دخی
نهره دوکدیلر .

بووقعه ده عثمانلو بدینه کلی غنایم واسرا کچمشدر .
مجار قرالی عسکر جه و مهم اتجه ضایعات عظیمه یه
اوغرا دیغی حالده بیک زحمت و کال رزالت ابله وطنه
رجعت ووزیر ظفر سمیرایسه موقفاً حضور پادشاهی به
عودت ایلشدر .

§

ارناودلفه سفرهما یون

مجارلارونک ووندیکلرک یوقاریده بیان اولنان حرکات
خصمانه لرندن قوت الدرق ارنودلر دخی دائره اطاعتدن
چیقه رق جوارلرنده بولنان ممالک شاهانه یه ایصال
خساراته جسارت ایتیش اولدقلرندن بونلرکده اجرای
جزای سزالی ضمننده (سکزیوزیتیش بر) سندسی

۴- ارنده جناب فاتح ارنودلغه بالذات اختیار سفر
بیوردیلر .

موکب همایون (مناستر) صحراسنده نصب خیام
سطوت ایدرک شهریار جلالت شہار ارنودلغن
لازم کلان محلا رینہ فرقلر سوق و تسریب وارناود
عاصیلرینی لایقیلہ تأدیب ایلہ اثر عصبانی انحاس
واورالک دوام امنیتچون (ایلبصان) قلعه سنی
انشا ایتد کدنصکرہ ادرنہ پای تختنہ عودت ایلدیلر .
فقط : ارنودروٹ ساسندن مشہور (اسکندر) یک
موکب همایونک عودتنی متعاقب تکرار رفع لوای
عصیان و (قالقاندان) یاپلاقلرنده بولمان رعایانک
اغنامنی غصب و تالان ایتکلہ برابر ایلبصان قلعه سنی
حصرو تضیق و قصبہ سنی دخی تاراج ایتدی .

اسکندرک شوحرکتی اوزرینہ ارنودلغه ینہ تصمیم
سفر همایون اولندرق ایام شتاکچیرلد کدنصکرہ
(سکزیوزیتش ایکی) سنہ سنہ موکب شہریاری
تکرار ارنودلغه توجه ایلدی .

اسکندر بك سطوت همايونہ قارشو طورہ ميوب فرار
ایتمش اولديغندن بوسفر زیر تصرفندہ اولان مملکتلر
ایکی سنجاغہ بانه تقسیم بندکان دولتدن برر ذاته توجیه
وتفویض اولندی .

عصا تدن خیلی نفوس شمسیر مجاز اتدن کچیرلدی .
واسکندر بکک بعدما عصیان اقتدارینی کسب
ایده میه جکی صورتده یووده سی طاعیدلدی

اوا ثناده روم ایلنده شدتلی طاعون خسته لغی پیدا
اولدیغندن فائح شهرلره اوغرامق سزین قردد کرسوا حایه
ایته رک ایام شتا حلو انه قدر اورالرده هواسی لطیف
محلالرده امرار وقت ایله طاعونک شدتی کچنجه
(ابدوس) طریقله استانبول تخنیکاهنی تشریف
بیوردیلر .

§

ینه قرمان سفرینی

هت مخصوصه شاهانه ایله یوک برادری اسحق بکه

غلبه ايدرك قرمان حكومتنه مالک اولان
 (پير احمد بك) مسند حكومتده براز كسب
 استقلال ايدنجه طبيعت رديه ذاتيه سي ايجانجه راحت
 طوره ميوب ممالك محروسه شاهانه يه تجاوزه واضرار
 عباد اللهه باشلا ديغندن و (مرعش) و (ابستان)
 جهتلرينك حكمداري ذوالقدر زاده (شهسوار بك)
 دخی بوارالق اطاعتسزلك كوسترمكده اولديغندن
 وحضرت فاتحك الك بيوك افكار كشور كشاييلري
 ايسه اوزون حس خانك دولت عليه عليهه اولان
 نيات فاسده سي فعله كلكسزین انك قهر وتنكيلى
 ماده سي اوله رق اناطولى جانبده قرمان و ذوالقدر
 اوغلاری کبی هیچ بروقت عهدلرنده طورماز رقيب لر
 موجود ايكن اوزون حسنه اوغراشقي مشكل
 اوله جغندن اولانا طولى موانعدن تخليه ايدلك اوزره
 موكب همايون قرمانه توجه ايلدى .

پير احمد بك پادشاهك توجه وحركتنى خبر النجه
 (لارنده) يه صاوشمش اولديغندن پادشاه مظفر

سپاه بلامزاحم (قونیه) بی ضبط ایله کندولری
قونیه ده شوکت ساز اقامت اوله رق وزیر اعظم
محمود پاشایی اردوی همایونه سردار تعیینیه احمد
بکک تدبیرینه مأمور بیوردیلر .

محمود پاشا پیر احمد بکی لارنده ده مستدیروب بینلرنده
محارب بات شدیده جریانندن صکره احمد بک فرار ایدرک
قرمانلور منهرزم اولدیلر .

وزیر اعظم قرمان رؤس اسندن پک چوق ادملری
در دست ایدرک حضور پادشاهی به کوندروب قرمان
اوغلاری توابعندن (طورغود اوغلاری) نی دخی
اله کتورمنک اوزره انلرک تحصن ایتدکلری (بلغار)
طاغنه یوریدی .

طورغود اوغلاری پاشانک حرکتی ایشدکلری انده
اولوقت مصر حکومتیه تابع بولنسان (طرسوس)
شهرینه فرار والتجا ایتش اولدقلرندن پاشا طورغود
عشیرتنک بعض رؤسانی درزنجیر ایدرک عتبه شاهانه به
کتوردی .

دارالسلطنت قسطنطنیه نك قدیم یرلوسی بولسان
 روملرك اكثریسی وخصوصیله اصحاب فنون و صنایعی
 فتح اثناسند، طاعلمش اولدیغندن هم استانبولك
 نفوسنی تكثیرایله اسباب عمرانی و مدنیتی اكمل اولمق
 و همده قرمان طرفنك قوتی ازالالمق ایچون قونییه
 ولارنده شهرلرنده بولسان صنایع اربابنك استانبوله نقل
 خانه ایتدیریلسنی حضرت فاتحوزیر اعظم محمود پاشایه
 امر و حواله بیوردیلر .

محمود پاشا بو خدمتی معتدلانه ایفا ایتمکده ایکن کندوسنك
 خصم اسندن (روم محمد پاشا) بر صره بولوب کویا
 [صد اعظم رشوت اخذیله اغنیای اهالی بی یرلرنده
 براغه رق فقرا طاقنی نقل خانه ایتدیریور] بوللو
 پادشاهه غمز و القایتمسیله نقل خانه خدمتی روم محمد پاشایه
 تفویض ایلدی . و محمود پاشا حقنده ذاتا بعض خصوصندن
 طولای حاصل اولان اغبرار شاهانه بومسئله اوزرینه
 تراید ایتدی .

محمد پاشا ایسه هر جنس بر آدم اوله رق اهالینك

عمومی استانبوله نقل ایتک سوداسیله خلق یک زیاده
از عاج ایدوب حتی (مولانا جلال الدین رومی قدس
سره السامی) حضرت تیرینک سلاله طاهره لرندن امیر
علی چلبی زاده (احمد چلبی) بی دخی استانبوله
کوندرمش و مؤخرافاتیک مسمومی اولنجه چلبی مشار
الیهی معرزا وطنه اعاده یورمشدر .

حضرت فاتح منوال مشروح اوزره قرمان اوغلنی تنکیل
ایتش اولدیغندن بلاد قرمانک مماتک محروسه شاهانه لرینه
ملحقیته اعلان و والیکنی شهزاده لری (سلطان
مصطفی) حضرت تیرینه توجیه و قرمان اوغلار یله توابعنک
بتون بتون کوکلرینی کسمک و ایچ ایل جانبنده بعض اولاد
و اتباع قرمانیه اداره لرنده قلان محارری ضبط ایتک
اوزره روم محمد پاشایی دخی عساکر کافیه ایله اوحوالی به
سردار تعین ایدوب کندولری پای تختیه عودت
یوردیلر .

§

اشوقرمان سفری عودتنده موکب همایون قره حصار
مرحله سنده ایکن محمود پاشا مسند وزارت عظمادن

عزل ایله کندوسی ایچنده ایکن چادری باشنه یقیدیرلمش
[*] اولدیغی مسطور صحایف توارنخدر .

§

قرامان اوغلارندن اسحق بك مقدا اوزون خسك
زدينه فرار ايدرك اورالده وفات ايتش و پير احمد وقاسم
بكلر آتفا بيان اولنان سفر همايوندنصكره برقاج سنه لر
دها دولت عليه ايله اوغراشمق سوداسنده بولنه رق
روم محمد پاشا و مؤخر انك اهالى يه بك زياده ظلم
واعتساف كوستر مسندن ناشى عزل و تنكييله يرينه
تعيين بيوريلان (اسحق پاشا) ودها صكره (كدك احمد
پاشا) ايله چند دفعه لر محاربه لرى وقوعه كمش ايسه ده
هر دفعه سنده انواع نكبت و رزالتله اوغرامسلا در .
اشاغیده بحث اولنه جغی و جمله بو بکلر برارالق اوزون

[*] سفر لر ائناسنده ارکان دولتدن بری مغضوبا
عزل اولندیغی وقت چادریك طنابلیرى كسیلوب
یقیدیرلق اعصار سابقه اصولندن در .

حسنی تحریک ایدرک اوزون حسنک وزیر ی (بکتاش
 اوغلی عربک) و عی زاده سی (یوسفجه میرزا)
 قوماند لرله بلاد فرمانه سوق ایتدیکی ترکان عسکری
 شهرزاده سلطان مصطفانک همتیه منهرزم و پریشان
 و قرمان اوغلاری دخی - هر یوزدن قول و قنادلری
 قیریلوب - پادیه پیای خذلان اولدیلر .
 اگرچه پیر احمد اوزون حسن محاربه مشهوره سندن
 صکره ینه ایج ایلنه صوقوله رق ملک موروثنه مالک
 اولق ایچون یهوده تهالک کوسترمش ایسه ده طرف
 شاهانه دن تعیین یوریلان کدک احمد پاشا کندوسی
 صتمشدردیغندن اولادو عیالی و کافه اموالی تسخیرینی
 محال حکمنده عد ایتدیکی (مینان) قلعه سنه قیایوب
 کندوسی طاغله دوشمش واحد پاشامذ کور قلعه یی
 تدابیر حکیمانه ایله باشخیر احمد بک اولاد و عیالی
 - خاندان عالی عثمانی به منتسب اولدقلر ایچون -
 معزاً در سعاده ایصال ایتسیله احمد بک باشی الهرق
 (طرسوسه) کتمش و برسنه قدر کمال ضرورتله

اورالده امرار وقت ايدرك نهايت ترك جداكاه
فنا ايلسدر .

پير احمد بك اولاد و عيالى يوسف بك نام ادميله ميان
قلعه سنه قپاديغى زمان كندوسى جبال رفيعه يه
صعود ايدرك قلعه نك دست عثمانيه كچوب كچمديكنى
اكلامق ايچون اره صره بوكسك بر طاغك باشندن
باقارمش . بركون ينه معتادى اوزره معهود طاغك
باشنه چيقرق ميان قلعه سنده عثمانلى سنجاغنى كورنجه
[ملك و مال و اولاد و عيال دشممك انه كيرد كدن
صكره بكاده بو حياتك لزومى يوقدر] دهر ك كندوسنى
طاغدن اشاغى پرتاب ايتمش ايسده بحكمه اه تعالى
طاغك بوكرنده بر اغاجه تصادق ايله البسه سندن
اغاجه اصيلوب قالدیغنى يانده كى تبعه سى كورنجه
نصلسه حيا تخلص ايتمش .

احمد بك بو فلا كتن بر مدت خسته ياتهرق بعد
الافاقه طرسوسه صاوشمش اولديغى حكايه
اولنور .

بدایت ظهور دوات عثمانیه دنیرو آل عثمانه افراط اوزره
رقابت و عداوت کوسترن قرمان اوغلی خاندانی
ایشته بود دفعه فاتحک همت جهسانگیرانه سیله محو
و منقرض اولمشدر .

« مأخدمز بوانسان تاریخ-لمر قرمان اوغلارینک
شهرزاده سلطان مصطفائک قرمان ولایتنه تعیینندن
صکره وقوعات اخیره لرینی ایری ایری تفصیل
ایتمشلر سده حکومت قرمانیه نک مرکزی اولان
قونیه نک اداره مستقله سلطنت سنیده دخولندن
صکره قرمان اوغلارینک حکمدارلق عنواننه یاقشور
بررونقلری قالمیوب ایچ ایل طرفلرنده وکوشه ده
بوجاقده برمدتجک ظهوره کتوردکاری متلاشیانه
حرکتلری دولت علیه نک اختلالات داخلیه سی
قبیلندن اولدیغندن بز او یله اوفق تفک حادثه لک
تفصیلندن صرف نظرله یوقارده کی اجمالزله اکتفا
ایلدک .

وندیک دونماسنک اینوسی استیلاسی

اوزرینه اغزیوز سفری

پادشاه فلک بارگاهک قرمان سفرندن درسه عادتیه
عودتلی اشناده وندیکلونک التمش پاره سفاین حربیه
ایله (اینوس) ی بالاستیلا قاضی بلده ایله برطاقم
اهالی اسلامیه بی کرفتار قید اسارت و احوالی به
ایصال انواع خسارت ایتدیکی خبر موحشی واصل
اولسیله اق دکن بوغازینک و او طرفده بولنان ممالک
شاهانه نک کید اعدادن محافظه سیله برابر وندیکلونک
زیر تصرفده اولان (اغزیوز) اوزرینه قرارلشدیریلان
سفر همایون ایچون سواحل و لیمانلرده کی سفاین
دولت علیه بی جلب و جمع ایتنک اوزره وزیر اعظم
سابق محمود پاشا کلیولی به تعین واعزام وعساکر
اسلامیه نک طو پلانسی دخی لازم کلنلره امر و اعلام
بیورلدی .

محمود پاشا فرمان پادشاهی موجبجه کلیولی به عزیمت

وتداركات سفریه یی اكمال ایله (سگز یوز یتش اوج)
 سئەسی اوائلندە یوز پارەدن زیادە سەفاین ایلە موره
 اوزرینە یوز ییوب وەو کب هەمایون دخی برأ توجە
 ایدوب (اغزیبوز) قلعه سی دریادن وقرەدن محاصرە
 ایدادی .

اقدمجه اینوسی استیلا ایدن وندیک امیرالی (نيقوله
 قابل) سکسان قطعە سەفاین حربیە متنوعە ایلە
 کلوب دوختای هەمایونە تعرض ایتک ایستدیسەدە
 اچقندن اچیغە کوزینە کسەدیرمەدیکندن و بوارەلق
 عساکر اسلامیه نک اوج کون صکرە قلعه یە
 یوریش ایدە جکاربنی تحقیق ایتدیکەندن جنود
 اسلامیه یوریش غائلە سئەدە ایکن کئەدوسیدە بغتە
 دوختای هەمایونی چاریمق تصور یلە فرصت کوزتمکە
 باشلادی .

امیرالک بو تصور ی جناب فاتح طرفندن استەکشاف
 اولندرق فی الحقیقە یوریش ائناسئەدە دشمن دوختاسی
 دوختای هەمایونە تعرض ایدە جک اولورسە یوریشدن

برفائده اوله ميه جغندن ماعداد مضرت دخی
کوريله جکندن یوریش ایچون قرارلشدیریلان
کونک حلولی بکلانلیه رک همان برصباح عساکر اسلامیه
درون قلعه یه هجوم ایتدیرلدی .

عثمانلو دلاورلی احراز ماثوبات جهاد وشهادت
واستحصال مال غنیمت شوقیه اولدکلرینه قالدقلرینه
باقیوب دال قلیج ایچرویه آتیش واولکلرینه کلان
اعدایی شمشیر جلادتله دوغرامش اولدقلرندن وقت
زواله سورمبوب مملکت تماماً تسخیر اولندی .

دشمن دوتنسی عثمانلی سنجاقلرینک اغزیبوز قلعه سی
برجلرنده تموجنی کورنجه کندولیده دوتنای همایونک
صدمه سنده اوغراماق ایچون پلاس پاندراس فرار
یولنی الدیلر .

اغزیبوز قلعه سنک قارشوسنده بولنان کوچک برجز برده
واقع (قزل حصار) نام قلعه دخی بوصره ده
تسخیر اولنوب بوراده دشمنک نفود کلیه سی اله
کیرلمسیله خزینه خاصه شاهانه ایچون ضبط اولندی .

پادشاه اسکندر سپاه اغزیوز قلعه سنک محاربه دن
 خراب اولان محاربینی تعمیر و محافظه و اداره سنه عائد
 تدابیری اتخاذ ایتد کدنصکره مقر سلطنت سنییه
 عودت بیورمشلردر .

§

اشبو (سکن یوز یتش اوج) سنه سنه شهراد کاندن
 (جم سلطان) اون یاشنده اولدیغی حالد قسطمونی
 ولایت تعیین بیورمشلردر .

حضرت فاتح بیان اولنان اغزیوز سفردنصکره اوزون
 حسن وقعه سنه قدر درت بش سنه بالذات بر طرفه
 سفر ایتیموب در سعادتده انشای مدارس علمیه و تأسیس
 میانی عدلیه و مدنیه ایله اشتغال بیورمشلردر .

شاه ایران اوزون . بن خان وقعه سی

اق قیونلی ترکمانی امرا . ندن اولوب یآوری طالع
 ایله شرق حکمدارلرینه و خصوصیه قره قیونلو

سرداری قره یوسف اوغلی (جهان شاه میرزا)
 و تیمورلک احفادن (سلطان ابو سعید میرزا)
 کبی نامدار شاهلره غلبه ایله ممالک ایران و کردستان
 و ازربایجانیه بالاسـتقلال حکمران اولان (بایندری
 اوزون حسن خان) یوقاریلرده دخی بیان اولندیغی
 و جهله ممالک محروسه شاهانه یه دیده دوز طمع
 اوله رق اقلیم رومده بولغان اوفق تفک حکومتلره
 معاونت کوسـترمکله دولت علیه یی اضعا فیه چالیشوردی
 بو قبیلمدن اوله رق قرمان اوغلی پیر احمد و قاسـم
 بکـرک کـندوسـنه دخا تـلری اوزرینه انتری ملک
 موروثلرینه مالک ایتک بهـسانه سیله وزیر یی (بکتاش
 اوغلی امیر عمر) و عی زاده سی (یوسفجه میرزا)
 قوماندلر یله ممالک محروسه یه عساکر کلیه سوق ایدرک
 (توقاد) شهرینی احراق بالنار و (قیصریه)
 و حوالیسی انواع مظالم ایله اضرا را یتدیرد کدنـصـکره
 امیر عمری قیصریه دن کیرویـه الـدیروب یوسفجه میرزایی
 قرمان اوغلار یله برلکه اون بیک مقـدا ر ی ترکان
 سوار سیله ممالک قرمانه صالدردی .

ایشته بوسبیلردن ناشی حضرت شهریار معدلت شعارک
اوزون حسن حقنده کین و غضبلی اشتداد ایدرک
(سکز بوز یتش بدی) سنده سنده شرق سفری نیتله
اوتاغ همایونلرینی (اسکداره) قوردیروب صنوف
عسا کر عثمانیه نک تجمعی فرمان و اعلان بیوردیلر .
و کلیولی محافظی بولان محمود پاشایی ثانیاً مقام وزارت
عظمایه تعیین ایله تدابیر سفر به نک سرعت اتخاذینی اکا
حواله ایتدیلر .

فاتح اولاقرمان ولایتیه مسلط اولان یوسفجه میرزایی
استیصال ایتک اوزره قرمانه عزیمت ایلک نیتنده
بولندیلر سده موسم شتاک تفریجی جهتیه بوسنده اغر
اردوایله قرمانه کیدیلوبده اورادنده اوزون حسن اوزرینه
وارلیق قابل اوله میدجغنی و یوسفجه میرزانک دفع
و تدمیری بر فرقه مغرزه سوقیه دخی حصوله کله حکمی
و موسم بهاره قدرموکب شاهانه درسه عادتدن حرکت
ایتیوب اووقته دکین اردوی همایونک اکیال نقصانیه
اشتغال ایلمسی مناسب اوله جغنی محمود پاشا عرض

ورای ایتمش اولدیغندن بوارهلق قره خصار صاحبه
 کلو بده امره منتظر اولان قرمان والیسی شهزاده
 سلطان مصطفایک معیننه روم ایلی وانا طولی
 بکار بکیلری فرقه لرله برابر تعیین اولندرق یوسفجه
 میرزا طاقنک تنکیلی شهزاده سلطان مصطفایه اراده
 یورلدی .

شهزاده عالی تبار سوق اولنان عساکر عثمانیه یی
 بالاستصحاب (قیرایی) قضااسنده یوسفجه میرزایی
 صحتش دیروب در جنک اول ترکانلری تارمار و یوسفجه
 میرزا ایله قرنداشلری (زینل) (عمر) و (مظفر)
 میرزالری و دهها بعض ترکان رؤسایسی زنجیر
 اسارتیه ککرفتار ایدرک حضور پادشاهی به
 کوندردی .

بواون بیک ترکان سواریسنک انجق عشری مقداری
 قورتیله بیابوب دیگرلری قلیچدن کچدی .

بیر احمد بیک یئنه اوزون حسن خان نزدینه قاچدرق

قاسم بك دخی ایچ ایله فرار ایله (سلفكه) قلعه سنی
محافظ سز بولوب اورایه قیاندی .

شهرزاده سلطان مصطفایک شو ماہوریتنه دائر
طرف شاهانه دن شهرزاده یه - ویوسفه مسیزانک
نه صورتله بوزلوب طوتلدیغنی شامل شهرزاده مشار
ایله جانبدن حضور شهر یاری یه یازیلان نامه لر
(۳) و (۴) رقلریله ذیل جلدده علاوه اولنور .

شهریار صاحب شوکت موسم بهار حلونه قدر اسکدارده
سفر برهیئتده اوراق نشین جلادت اوله رق بواره ده
اوزون حسندن خصمانه غلبه ایتدیکنه دائر
متفاخرانه برنامه کلسیله بوکا جوابا یازیلان نامه همایون
ایله اعلان حرب اولندی .

بونامه لرک صورتلری دخی (۵) و (۶) رقلریله تذیل
ایدیلور .

(سکز یوز یتمش سکز) سنه سی شوال شریفنده
موسم بهار ایرشمسیله موکب همایون اسکداردن حرکت
ایدوب بروسه (یکی شهرنده) روم ایلی عسکری

و (بکبازاری) مرحله سنده قرمان والیسی شهرزاده
سلطان مصطفی و (قازآباد) صحراسنده اماسیه والیسی
شهرزاده سلطان بایزید حضراتی موکب همایونه
الحاق ایتدیلر .

اردوی همایونک مجموعی (یوزبیک) قدر صنوف
عسکریده عبارت ایدی .

پادشاه رزم آشنا قازآباد او واسنده عساکر مجتمعیدی
میمنه میسره قاعده سی اوزره ترتیب ایدرک شهرزاده
سلطان بایزیدی روم ایلی بککری بکیسی (خاص مراد)
دینیلان مراد پاشا ایله برابر صاغ جناحه و سلطان
مصطفای دخی اناطولی بککری بکیسی داود پاشا ایله
صول جناحه تعیین ایلوب اورادن (ترجان) صحراسنده
حرکت ایلدیلر .

اثنای راهده افجی قوازه سردار تعیین اولنان میخال
زاده (علی بک) ایلرولوب توقادک انتقامی اولق
اوزره اوزون حسنک زیر حکومتده بولنان (کاخ)
نواحیسی سرپا غارت واورالده مسکون ارنی
طائفه سنی گرفتار قید اسارت ایدی .

اوزون حسن پادشاهك مڪمل اردو ایلہ حرکتندن
خبردار اولارق اوده جمع عساكر کلیه ایلہ نهر فراتك
اوتہ طرفندہ می جبال رفیعہ یہ ارقہ و یروب اردوی
ہمایونہ منتظر اوندی .

موكب شاهانہ دشمنك جمعیتكاهنہ تقرب ایدنجہ پادشاہ
روم ایلی بکیر بکیسی مراد پاشایی طلیعہ اولہرق
ایلرو بہ سوق ایلہ برابر - مراد پاشا کنج برہادر
اولوب کنجلیکی ونجرہ سزلکی مناسبیلہ شاید کندی
قوتندن زیادہ بردشمن عسکرینہ چار پارده موجب
نأسف بر حال وقوعہ کلور - مطالعہ سیلہ مشارایہی
کوزہ دوب ایجابانہ کورہ حرکاتی تعدیل و متہورانہ
اظہار شجاعتمدن منع ایتك اوزرہ ارقہ سندن وزیر
اعظم محمود پاشایی دخی اعزام بیوردیلر .

مراد پاشا فی الحقیقہ سرعت تام ایلہ نهر فرات کنارینہ
واروب دشمنك از لغنی چوقلغنی قطعاً تحقیق ونجسس
ایتمکسزین حسن خاتك اردوسی اوزرینہ هجوم
ایتك اوزرہ فراتدن کیمك صد دندہ ایکن محمود پاشا

نیشهرک دشمنك قوتی لایقيله اكلاشد قجه ایلرویه
 چکمامسنى واولدیغی برده توقف ایلمسنى نصیحت
 ایلدی .

ایکین مراد پاشا کوزینی دالین بوداقدن اسیر که من
 بر مرد نوجوان بی ازما وولی نعمتک دهها زیاده
 توجهنه مظهر اولق ایچون بویله صرهلده شان
 قزانغه شیدا اولدیغندن وزیر اعظمک تعلیماته
 قولاق اصمیب همان زیر قوماند سنده کی روم ایلی
 بهادر لر یله نهرک اوتیه قدسینه مرور ایله دشمنك
 بولندیغی موقعه طوغری الغار ایتدی .

اقتبجی قولى قوماندانی علی بك دشمنك جمعیت عظیمه
 ایله کین فرصته مهیا اولدیغنی کورمسندن طولایی
 بوارهلق کمال تیشله رجعت ایدرک محمود پاشایه بیان
 حال ایتش اولدیغندن محمود پاشا مخصوص ادمر
 قوشدیروب مراد پاشانك کبرو دونمسنی تکرار اخطار
 ایلدیسده مراد پاشا وزیر اعظمک اخطاراتنی
 کویا کندوسنك نام قزانمسنی چکه میورظنيله غرضه
 حل ایله ینه اصغایتمدی .

ایتمدی اما حیفا که هم کندوسنک همده برچوق کزیده
بهادرلک تلفنه سبب اولدی .

دشمن ایسه مراد پاشانک هجومی خبر الهرق اولجه
رهگذریمه موقع موقع عسکر تعین ایتشیدی .

مراد پاشا یاقلاشجه حسن خان جزئی بر عسکر
قارشو ادوب انی دخی ساخته رجعتله کیرویه المش
اولدیغندن مراد پاشا بوفرقة جزئیه نک ساخته
فرارینه الدانه رق وانی تعقیب ایدرک اوزون حسنک
اردوسنک موقعنه قدر صوقولدی .

بو حالده کیروسنده و بوصوده اولان دشمن فرقه لری
میدانه چیقوب اوزون حسن دخی عموم اردوسیه
ایلرویه کلوب مراد پاشایی اوتیه الیدلر . ونهر
فرائک کچدرینی دخی باغلیدلر .

مراد پاشا ارتق نجاتدن مأیوس اولدیغی حالده
فداکارانه محسار بهیه کیریشهرک اگرچه کندوسی
ورقاقتنده کی عثمانلی دلاورلری نهایت درجهیه قدر
ابراز بسالت و دشمندن پک چوق نفوسی کشته شمشیر

جلادت ایشلوسده نه فائده كه دشنك كثرتي مناسبتيله
باش ايدمه دكلارندن مراد پاشا و برطاق نامدار امرا
بونجه عساكر عثمانه ايله برابر تلف و مشاهير امرادن
طورخان بك زاده (عمر بك) (حاجي بك)
وروم ايلي دفترداري (احمد چلبی) اسير اولديلر.
مرويدركه :

اوزون حسن نشئه غالبيله عمر بكي حضورينه جلب ايله
[عثمانلي عسكرك بك كزیده سی روم ايلي طاقی
ایدی ، ایشته انلری بیتیردم ، ارتق بوند نصكره تخت
روم بنمدر اویله دكلی ؟] بوللو عمر بكه مغرورانه
خطاب ایدنجه عمر بك دخی [خانم - تلف ایتدم
دیديك كز روم ايلي طاقی پادشاهك عموم عسكرينه
نسبتله دریادن برقطره كبدر ، بونلك اكسلسيله قوت
وشوكت عثمانیه به نه نقیصه عارض اولور ؟ پادشاهك
مراد پاشا و بنم كبی ده یوز بك بند سی وارد ر .]
كبی متجلدانه رد جواب ايله اوزون حسنك كبرو
عظمتنه طوق دیغندن اوزون حسن فوق العاده
حد تلمش .

عربك جانك تہلكہ بہ دوشد یکنی کورنجہ تکرار
 سوزہ کلہرک [بنم بویله کستاخانہ سوزلرمدن خان
 حضرتلرینک خاطرلرینہ غبارملال قونمسون کہ
 ولی نعمتم حقندہ حسن تعبیرایله اداره کلام اینک
 بورچدر ، اما انصافجہ سی بودر کہ سلطان محمدک
 کزیدہ عسکریمی تلف اولدی ، ارتق جناب خانیلرینہ
 قارشو قویمغہ اقتداری قالدی .] ذہرک اوزون
 حسنک نخوتنہ موافق مقالات بر مشخندانہ ابرادیلہ نفسنی
 قتلدن تخلص ایلشدر .

صد دیمزہ کلہلم :

مرادپاشا فرقہ سنک منوال مشروح اوزرہ منہزم ومنعدم
 اولدیغی جناب فائیک مسموعی اولدقدہ پک زیادہ متأثر
 اولہرق داعیہ انتقام کندولرینی بی صبروارام ایتدیکندن
 همان اردوی ہمایونلرینی قالدیروب وسرعت سیرایله التی
 کون بلاتوقف یور یوب سنہ مزبورہ (ربیع الاولک اون
 التجبی) کونی (اوج اغزی) نام موقعہ بالوصول اورایہ
 اوتاغ ہمایون قورلق ایستلدیکی حالده (اوتلق بلی)

دینیلان برتبه دن دشمنك بر فرقدسی ظهور ایتسیله اقامت
 افکارندن صرف نظرله ایلرویه جرکت بیوردیلر .
 دشمنك تپه دن کورینسان فرقدسی (کافراسحق)
 نام سردارک طاقی اوله رق بونلر داود پاشا قولنده کی
 عساکر عثمانیه نك بر حله سیله منهریم و پریشان
 اولدیسده حسن خانك بیوک اردوسیده کورلدی .
 خلاصه : طرفین ترتیب صفوف ایدرک خوزیرانه
 محاربه یه کیرشدی .

دشمنك صاع قول قوماندانی اولان حسن خانك
 کوجک اوغلی (میرزا کور زینل) بزم صول قول
 قوماندانی (سلطان مصطفی) مقابله سنه
 مصادفی اولسیله بوقولده بولسان شیربیشه و غا
 اناطولی بکلر بکبسی دواد پاشا دشمن اوزرینه
 هجوم والغار واعدانك صاغ جناحنی تارمار
 ایتدیکی صرهده میرزا زینل بزم (عزب) طاقنك
 اورته سنه دوشمسیله عزبلراغامی (محمود اغا)
 درحال زینلک باشنی ککوب سلطان مصطفی

حضور ینہ واورادن دخی حضور پادشاہی بہ ابدال
ایدلی .

اردوی ہمایونک صاغ قوی قوماندانی سلطان بایزید
دخی اولادشمنک قلبکاهنہ و صکرہ کدک احد پاشانک
تدبیر و تعریفیلہ صول قولنہ هجوم کوسرتوب و عثمانلی
قهرمانلری صاغدن صولدن اعدای دولتہ قلیچ
اوشوروب اردوی ہمایونک قلبکاهی کہ بالذات
پادشاہک قوماندہ سندنہ و پیشکاهنہ بولنان تفنک
انداز پیادہ یکچیری دلورلندن و قیو قوللری دینیلان
سواری بلوکلرندن و سائر کریدہ صنوف عسکریدن
مرکب اورتہ قول دیمکدر . بقولدن ہنوز براغز
اوتی قالقمامش و برنفریلہ النی قلیچہ اورمامش ایکن
دشمنک عموم اردوسی ہیئتندہ انہزام اثرلری
بلوردی .

بو حالہ دخی فاتح اورتہ قوی ایلرو یہ سوروب اوزون
حسن قلبکاہ اردوی ہمایونک کمال سطوتلہ حرکتی
کورنجہ - بویلہ طاروقتلردہ کندوسنک جان قورتاران

قیر آتیه سوار - ورهنورد سمت فرار اولمسیله اردوسی کلیا
منهزم و پریشان و نیجه کله لر میدان حربده غلطان اولدی .
دارای عجمک بالجه اسباب دارات و حشمتی میدانده
قاله رق عسا کر عثمانیه یغمالشدی .

« حسن خانک یاننده قرمان اوغلی اسحق بك دخی
موجود اولدیغی حالده انکله فراره متعلق ایات و اشعار
سویلشهرک برکونده اوج کونلک یول قطع ایتش
اولدقلری مرویدر . »

جناب فاتح اشبو مظفریت جلیله نک شکرانه سی اولق
اوزره [جمیع عبید و ممالیکم احرار اولسون] کلامیله
عند الحساب تحت رق و تمایلر نده بولان (قرق یک)
کوله و جاریه بی ازاد ایتدکلری مثلاً و بو سفر همایونده
(سپاه) طاقنک خزینئ جلیله دن استقراض [*]

[*] سپاه و زعمای طاقنک سفر و حاضرده خزینئ دن برکون
معاش و تعیناتلری اولیوب بونلر کندی تیمارلری حاصلاتیه
یک نورلر و فقط سفر لراثناسنده خرج لقلری قالمادقجه مؤخرأ
اوده مک اوزره خزینئ دن قرضاً اقچه الوردی .

ایتمش اولدقلری (یوز یوک اقصه عثمانی) بی هبد
بیورمشلردر .

پادشاه ظفر اکتناه اوج کون محل حربده اقامتله
حسن خان عسکرندن اسیرایدیلنلری تفتیش ایدرک
بونلرک ایچنده نقدر آق قیونلی ترکانی بولندیسه
جمله سنی طعمه تیغ مریخ نهاد وقره قیونلی طاقنی
ازاد ایتدکلری کبی علما و اهل صنعت زمره سنی معرزاً
استانبوله نقل ایتمشلردر .

برده حرب اثنا سنده قتل اولنانلردن ماعدا اق قیونلی
ترکانلردن اوج بیک نفر اسرا مقیداً موکب همایون
ایله برابر کوتور یلوب هر مر حله ده دردر یوز نفرینک
بیونلری اور دیله رق سلطنت سنییه عداوت کوسترنلر
ایچون عبرت مؤثره کوسترلشدر .

خاطره

قنخی دوات و ملتیده اولور ایسه اولسون هر صنف
تیمه نک هر حال و حرکاتده متبوعلرینه مطاوعت

ومتابعیت ایتلری ضروری بولنق قاعده سینه نظرأ
 اوزون حسن حضرت فاتح ایله محاربه ایتکده
 حقاییدی؟ دلدیدی؟ افراد تبعه وعسکر یه سی
 همح ملاحظه ایتکسزین اوزون حسن مطاوعته مجبور
 اولمش اوله جقلرندن اق قیونلو ترکمانلردن بعدالمحاربه
 اله کچنلرک قتلاری ماده سی حقسزکی کورینورمه ده
 اووقتک پولتیقه سنجیه بومسئله ده کیم بیلور نه فائده
 سیاسیه مطالعده ایدلمشدر .

نه ایسه موکب همایون ترجان صحرا سندن حرکت
 ومقر سلطنت قسطنطنیه یه متوجهأ عودتله قره
 حصار شرقیه مواصلتمده قره حصار حاکی بولنان
 (داراب بك) پادشاهی استقبال ایدرک قلعه نك
 تسلیمه مسارعت وعرض اطاعت وعبودیت ایتسیله
 قره حصار ضبط اولنوب داراب بکه (چرمن)
 سنجاغی توجیه واحسان ایدلدی .

اشبو قره حصار قلعه سی قلاع منبعه طبعه دن اوله رق
 فتح وتسخریری دولنجسه اهم بولنمیدیندن موکب

همایون اوزون حسن اوزرینه کیدرکن وزیر اعظم
 محمود پاشا - اوزون حسنی قووبده عسکری یورمقدن
 ایسه قره حصارک محاصره و تسخیری دهامناسب
 اولدیغنی - و محاصره اثناسنده بالطبع حسن خان
 محافظه و تخلص ملک قیدیه اردوی همایونک اوزرینه
 کله جکندن احوالده دشمن یقینه کتیراش اوله جغنی -
 پادشاهه عرض ایتدکه حضرت فاتح اظهار چین
 جبین غضب ایله [بزقلعه تسخیری ایچون کلدک
 دشمنی قهر و تدمیر ایچون کلدک] دیهرک محمود پاشانک
 رأینی تزیف ایتشیدی .

میدان محاربه سنده خان اردوسنک انهرامنک ایرتسی
 کونی دخی فاتح حسن خانک تعقیب اولمسنی اراده
 و آرزو و مخصوصاً عقد دیوان مشورتله بوبابده ارکانک
 رأیلرینی جستجو ایتدکه جله ارکان پادشاهک
 شو ارزوسنی تصویب ایتدکاری حانده محمود پاشا ایراد
 ادله عقلیه و نقلیه ایله تعقیب ماده سنک بطلانی
 اثبات ایدرک فاتحی اوافکاردن کجیرمشیدی .

محمود پاشانك بويله مراد شاهانه يه مخائف صورتده
 تدبيرلر يني رقيبلى اوزون حسنه طرفدارلق رنكهنده
 كوسترملرندن ناشى حضرت فاتحك محمود پاشا حقنده
 اولان توجه واعتمادلى منسلب اوله رق استانبوله
 مواصلا همايون عقينده محمود پاشا انداخته كنج
 نخول و قريبا بيان اولنه جفى وجهله ييچاره الكصره
 مقتول اولمشدر .

دوه لو حصارك فتحي وشهزاده سلطان مصطفىانك

ارتقالى

قرمان واليسى شهزاده سلطان مصطفى قرمان اوغلارى
 امراسى بقيه سندن (اتمجه بك) نام بك يد محافظه سنده
 قلان (دوه لو حصار) نام قلعه نك تسخير يني مراد
 ايدرك فقط كندولى براز منحرف المزاج بولند قللى
 جهته بالذات كبده ميوب (سكر يوز يتمش طقوز)

سنه سنده (نیکده) محافظی (قوچی) بکی عساگر
کافیدایله دوه لونک حصر واستیلا سنه مهور بیوره مشر
ایدی .

قوچی بک دوه لو حصارک اوکنه واروب قلعه نک تسلیم
اتمجه بکه تکلیف ایلدکه اتمجه بک شهرزاده بانذات
کلورسه قلعه بی تسلیم ایده جکئی وشهرزاده کلدکچه
محاربه سز اطاعت ایده میه جکئی بیسان وقوچی بک
دخی صورت حالی عرض واشعار ایتسیله جناب
شهرزاده کیفسز لکنه باقنوب اختیار سفر بیوردیلر .
اتمجه بک وعدی وجهله قلعه بی شهرزاده تسلیم
ایلس ایسه ده چه فائده که مشاق سفریه دن شهرزاده نک
خسته نیکی کسب شدت ایدرک حین غودتده نیکده میه
قریب (بور) قصبه سنده عازم دار بقا اولمشدر .
رحمة اه علیه . بواثناده کدک احمد پاشا ایحایل
جانبد (سلف بکه) قلعه سنی قرمانلو بقیه امراسی
یدلرندن قور تاروب اوحوالینک اصلاحاتیه اوغراشمقده
ایدی .

احمد پاشا شهزاده نك ارتخاندن خبردار اولجه
 در حال قونییه بالعزیمه شهزاده ۶ جنت مكانك نعلش
 مغفرت نقش‌سارینی دائره‌ری خلیفه برابر بروسه‌یه
 کوندردی .

§

محمود پاشانك کیفیت اعدای

جناب فاتح ولی عهدری سلطان مصطفانك وفاتندن
 طولابی پك زیاده اسفایدرك كندولری وعموم ارکان
 دوات مانم لباسلری تلبس ایتمشلدی .

وزیر اعظم سابق محمود پاشا كندوسنك احیا كرده‌سی
 اولان ادرنه‌یه قریب (خاص كوی) قصبه‌سند
 كوشه كزین انزوا بولندیغی حالدده حضرت پادشاهه
 اجرای رسم تعزیت ایچون در سعادته كمشیدی .

محمود پاشانك از هر جهت مقام وزارت عظمایه اهلیتی
 وساطت سنیه‌یه سبق حسن خدمتی ملا بسه‌سیله
 حب جاه اسیری اولان غرضكارلر شاید شهریار معالی

آثار پاشایی بنه مقام صدارتله کامکار ایدر قور قیسيله
 پادشاهك اوله برکدرلی وقتنده محمود پاشا علیه بنده
 غمز و سعایت و شهرزاده مرحوم ایله یاشانك نصلسه
 اره سی پك خـوش کچم دیکی جهته [محمود پاشا
 شهرزاده نك وفاتندن ممنون اولمشدر] کبی فاتحك
 آتش کدر و تأثرینی علولندیره جک برسوزی علاوه مقال
 نفاق و مفسدت ایتدکلرندن و بونك اوزرینه فاتح
 دخی محمود پاشانك خانه سنه بغتته برآمور کوندروب
 پاشانك ماتم رسمنك مغایری اوله رق بیاض البسه
 متلبس اولدیغی حائده احباسيله شطرنج اوینامقده
 اولدیغنی تحقیق ایدنجه ارباب نفاقك قولنی بالتصديق
 نائره غضبلی اشتغال ایلدیکندن محمود پاشایدی
 قوله قالدیریلوب اون سکز کون مرورنده (سکز
 یوز یتمش طقوز) سنه سی ربیع الاخرینك اوچنجی
 کونی بوغديرلدی . رحمة الله علیه .

» پاشای مشارالیه دولت علیه عثمانیه ده مقام صدارت

عظمایه کلان وزرانك اعظم و افاضلندن اولوب امور
سیاسیه ده نقدر مهارت تامه کوسترمش ایسه ارباب
کمال و معارفه فرط محبت و معاونتی اولوق تقریدله بوملاک
وملته تعمیم علم و عرفاندن طولایی اوقدر خدمتی
سبقت ایتشدن .

الحاله هذه نام عالینسنی ملت اسلامیة (محمود پاشای ولی)
عنوانیله تقدیس ایلکده و در سعادت و خاص کوی
قصبه سنده و دهاسا اثر محفلرده بنا و انشا ایتدیکی جوامع
و مدارس و عمارتخانه لر کبی ابنیه خیریه و زماننده کی
مصنفین مشهوره نك کندی نامه تألیف ایتدکری
کتاب علوم عالییه و آلیه هر زمان روحنی احیا
ایتمکده در .

«هر عصرده ارباب اغراض بلای حسد و امید جاه
و مسند سوقیله اصحاب فطانت و صداقتی چکه مبوب
هیچ وجودی اولیان سیئات اسنادیله نبجه نادر الوجود
ذوات مشهوره بی خدمت دولت و ملتدن دور
وحیفاکه - کندی غرض نفسانیری اوغرنده

دولت و ملتی دخی نیجه ترقیاتدن کیرو بر اقله مغدور
ایده کملشردر ۴۰

§

کفه و ازاق قلعه لرینک تسخیری

جناب فاتح اوزون حسن وقعه سندن صکره بر مدت
در سه سادته ارامی اختیار ایتد کیری حالده ینه توسیع
دائرة سلطنت افکار عالیه سندن فراغت ایتیموب قره
دکز ساحلنده (طربزون) کبی براسکله دولت علیه نک
زیر تصرفنه کچمش ایکن ده ایلروسنه عطف نکا
همت اولماق لایق اولدیغندن قره دکزک مهم برلرنده
وجنویزلو حکمنده بولان (کفه) و (ازاق) قلعه لرینک
استیلانی ضمنده وزیر اعظم کدک احمد پاشا
قومانده سیله (سکر یوز سکیان) سنه سنده اوچ یوز
پارہ سفاین حربیه متنوعه دن مرکب وعسکر و مهماتی
مکمل بردونما سوق یورد قلمری مثلوروم ایلی بکلر کیسی
(سلیمان) پاشایی دخی ارنود اسکندر به سنی یعنی

(اشقودره) بی تسخیر ایتک اوزره ارنودلغه مأمور
ایتدیلر .

احمد پاشا موافق روز کار ایله کفیه بالوصول قریه
عسکر دو کهرک قلعه بی برأ و بحرأ تحت محاصره
ایله بر مدت تضییق ایله نجه قلعه نک صدمات
محاصره طیانہ میوب نہایت جبرأ عثمانلو یدینه
واو حالده جان و مالاری دخی تہا کدیہ دوشہ جکئی
محصورل اکلا دقلرندن بالاستیمان قلعه نک تسلیمہ مجبور
اولدیلر .

احمد پاشا کفہ قلعہ سنی بوضورتلہ بالتسخیر اورادن
ازاق قلعه سی اوزریندیور یوب اوراسنی و تاجر کستانہ
وارنجہ اورالده بولمان سائر قلعه لری استیلا و بورالک
محافظہ و ادارہ سی تدابیرینی بعد الکمال مظفراً
در سعادتہ عودت ایلدی .

یومحارک فتنی مناسبیله سالانہ جنکیزیہ دن (قریم)
قطعه سندہ حکومت ایدن تاتار خانلر دولت علیہ نک تحت
حاجانہ کیرمش و او واسطہ ایله دخی سلطنت سترہ نک

دائرة شوكت و اقتدارى وسعت كسب
ایلمسدر .

§

روم ایلی بکلیسی سلیمان پاشانك حرکاتنه ده نقل
کلام ایدهلم :

پاشای مشارالیه بر موجب فرمان پادشاهی اشقودره
قلعه سنی محاصره ایتمش ایسه ده قلعه نك متانتي جهتیه
از وقتنه تسخیرینی کوزینه کسیره مدیکندن ارنودلغی
چاپول ایدرك پای تخته عودت ایلمکی در دولتدن استیدان
ایتدی .

بوارهلق ایسه قره بغداد حکومتی دولت علیه نك
اطاعتندن چقه رق اطرافه صـ ارقندیلغه باشلادیغی
خبری النمش اولدیغندن سلیمان پاشانك معیتنه طوبلانمش
اولان عساکر کلیه طاعلقسزین بغدادنه کیدوبده
باری اوراجه برایش کورمسی فرمان یورلدی .

اشقودره ایله بغداد دیاری بیننده کی بعد مسافه یه کوره
سلیمان پاشا رفاقتمده بوانان یورغون عسکرله کیدوب

ایش کوره بیله جگنی عقلی کسمامش ایسه ده امر
پادشاهی به مطاوعدن بشقه چارده سی اولدیغندن
اراده سنیه ملوکانه به بالامشال ار نوداقدن حرکت
استعمال ایتدی .

سلیمان پاشا افلاق ایچندن بغدادنه کچه رک بغداد حکمداری
دساس برادم اولدیغندن سلیمان پاشایی اغفال ایچون
اولا هیچ مقابله قیدنمه بولمندی .
سلیمان پاشا قارشوسنه چیقار بر قوت کورمینجه الدانوب
عسکری یغمايه طاغندی .

بعدانلو ایسه بو فرصتی فوت ایتدیرک بالجه قوتیه
سلیمان پاشانک ومتفرق حالده بولان عسا کر عثمانیه نک
اوزینه بخته هجوم ایتدکلرندن جنود اسلامیه نک
یک چوغی شهید اوله رق سلیمان پاشا کوجه کندوسنی
سلامت یقاسنه چیقاره بیلدی .

§

بغدانه سفرهما یون

منوال مجوٹ اوزره سلیمان پاشانک بغدادنه انهرامندن

شهریار جلادت شعار غضبناك اوله رق (سـكـز یوز
سكسان بر) سنه سی موسم بهارنده باندا ت بغدادنه
سفر بیوردیلر .

واردوی همایونلرینك مهمات و ذخایر لازمه سنی
سفاین متعددیه تحمیللا طونه نهری طریق ایله
کوندردیلر .

لكن بغداد حاكمی موكب همایونك تقریبی ایشیدنجه
کافه مزارع و مراعه اتش و یرد یروب و بتون اهالی بی
صرب طاغله و اورمانله قاجیروب کندوسیده بولی
ایزی بلور سنز صیق بر اورمانلقده اختفایتمش اولدیغندن
موكب همایون بغداد دیارینی خرابه زار شهکانده
بولدی .

بوجهتله ذخیر، و علف احتیاجی جنود اسلامیدی
مضایقه ده دوشیردی .

اگرچه دوتنای همایون ایله ممانك محروسه دن ذخایر
نقل ایدلماش اولسیدی عساكر شاهانه نك قحطدن
تلف اولملری ملحوظ ایدی .

دشمنان اردوی همایونه قارشو کاور فرد بولمبوب
 فقط جناب فاتح بونجه عسکرله اختیار مشاق سفر
 بیوردقلری حالدہ بغدادلودن اخذ انتقام ایتکسزین
 عودت ایدلسنی مناسب کورمدکلرندن دشمنی جستجو
 ایدرک کز مکہ باشلدیلر .

برکون اردو قلاغوزی نصلسه طوغری یولی
 شاشیرمسيله موکب همایون بلا اختیار بغداد
 حکمدارینک اختفاونحصن ایش اولدیغنی اورمانلغه
 اوغرادى .

جناب فاتح درحال هجوم امرینی و یروب عثمانلو
 بهادرلی سیل خروشان کبی دشمن اوزرینه
 یوریمشلسه ده بغدادلو اورمانک کجیدلرینی خندقلر
 و بیوک بیوک اغاجلر ایله سد ایدرک و محل محل طوبلر
 دیزه رک بولندقلری موقعی قوتلی براستحکام شکسته
 قویمش اولدقلرندن عسکر ایلروسنه یوریه میوب
 ایرکلدیلر .

پادشاه عسکرک یوریدیکنی کورنجه یکی چری اغایی

(محمد اغا) به [محمد اغا ، يكي چرى قهرمانلرى
 هيچ بروقت هيچ بردشمندن يوز چويرما مشالركن
 بوسفر بوچوجقلره نه اولدى ؟] ديهرك برخطاب
 عتاب امير ايدوب اللرينه قالدقانى الهرق بالذات ايلرويه
 آت سورديلر .

پادشاهك محمد اغايه خطابنى ورستم وارى دشمنه حمله
 وشتابنى ايشيدوب كورن يكيچرى دلاورلى وانلره
 باقهرق سائر جهادارلى اولدكلرينه قالدقلرينه
 باقيوب اورمانك ايچنه هجوم ابله دشمنله يقه يقه يه
 كلديلر .

جنود اسلاميه احراز مشوبات غزاشوقيله و بغدادنلو
 محافظه جان و وطن غيرتيله قوشلق و قتندن ايكندى يه
 قريب زمانه قدر پك شدتلى حرب ايدرك اكر چه
 عساكر عثمانيه دن خيلى ادم شهيد اولمش ايسه ده
 بغدادنلونك قسم كليسى قليچدن كچوب بغدادن حكمدارى
 پك جزئى قلان بقيه السيوف عسكريله فراره يول
 بوله ييلدى .

اشبومظفریت اوزرینه بغداد ممالکک هر گوشه سی
بالتحری عسا کر شاهانه غنایم واسرای کلیه ایله اقدار
ایلد کد نصکره موکب همایون ادرنه تختگاهنه عودت
ایلدی .

بوسفر همایونده افلاق بکی (رادول) بک دخی معیت
ملوکانه ده وحسن خدمتده بولمشد .

§

قویلو بیج سفری

حضرت فاتح بغداد سفرندن ادرنه به عودت ایدر ایتمز
حدود محافظی میخال زاده علی بکدن عریضه مخصوصه
کله رک — بحار قرانک اراضی ممالک محروسه دن
(قویلو بیج) نام موقعه که طونه ایله موراوه نهر لرینک
بر برینه فارشدیغی محلدر ، طونه نک برو یقه سنه ایکی
واوته یقه سنه دخی بر قلعه انشاسیله ارواسی اسکلک
اتخاذ — ایتمش اولدیغی عرض اولندی .

اگر چه فصل شتا حلول ایدرک سفر موسمی کچمش

ایسه ده مجارلو اورالره لایققله یرلشمکسزین یاپیلان
قلعه لک اخذ وهدمی مقتضی کورندیکندن
جناب فاتح شدت شتایه باقیوب همان بوزاوزرندن
طونه بی کچدرک موقع مذ کوره یوریدی .

اوسنه شدت شتا بردرجده ایدیکه طونه نهری اون
درت قاریش بوز طوتمش و طرق و معابر قارایله
اورتلش ایدی .

هرنه حال ایسه موکب همایون قویلو یجه بانوصول
مجارلونک یادیغی قلعه لک خندقلرینه طونه دن صو
یوریدیله رک درحال منجمد اولدیغندن عساکر
عثمانیه بوزاوزرندن قولایقله هجوم ایدنجه محصورلر
استیمانه مجبور اولملریله بوفلعلر کاملاً هدم و احراق
ایدلیدی .

محصورلردن تبعیت سلطنت سانیه بی آرزو ایدنلر
اناطولی جانبده کچیریلوب دی ککرلی مجارستانه
کوندرایدی .

بوسفر هماونده برکون حضرت فاتح اناطولی بکلی
 بکیسی داود پاشایله آت اوزرنده قونوشه رقی کیدر لرکن
 (طاوشانلو) قصبه سنده چولخه دستکاهلری اولان
 برکارخانه یه بردلکو کیروب اوراده موجود بولن ان
 اون ایکی نفر چولخه نکلکوی اولدیره میه رک
 قاچرمش اولدقلرینی داود پاشا حکایه ایتسیله فاتحک
 جزا اوله رقی چولخه باشنه بشر اقبه رسم وضع
 وتخصیص بیورمش اولدقلری تاریخلده مسطوردر
 «شوحکایه نکل بوراده ایرادی تاریخچه فائده سزکی
 ظن اولنورسده -- چولخلرک کارخانه نکل دروننه
 کیرن بردلکوی اولدیره میه جک قدر قورققلرینه
 مقابل - پادشاه زمان طرفندن رسم جزا ترتیبیله
 تأدیب ایدیلیشی اوعصرلده اصنافه وارنجه اخلاق
 عمومیه ده (شجاعت) (جبهانت) صفتلرینک
 نه درجه ده کوزه دملکده اولدیغنی بزه بیلدیره جکندن
 پکده فائده سزدکلدر»

(سکزیوز سکسان ایکی) سنه سنده جاب فاتح پای
تخت قسطنطنیه ده اقامتله یکی سرایک اطرافنه
برخصوصی صور جکدر دیلر .

وامرادن بعضی لرینی بلاد اعدایه اقینه تعیین
ایتدکاری صرده میخال زاده علی بکی مجارستانه
وروم ایلی بکار بکیسی سلیمان پاشایی دخی موره
جانبنده بولنان (اینه بختی) قلعه سنک تسخیرینه مأمور
بیوردیلر .

فقط نه علی بک ونه ده سلیمان پاشا برایش کورمکه
موفق اولدمد قلرندن سلیمان پاشا روم ایلی بکار بکیلر کندن
عزل ایله برینه اناطولی بکار بکیسی (داود پاشا)
نصب ایلدی .

§

اشقودره نك تسخیری

یوقاریده بیسان اولندیغی وجهله اولکی سنه
سلیمان پاشانك اشقودره نك فتح واسیلانسه موفق

اوله مامسی خاطر شهر یاریده بر عقد، بر اقدیغندن اشبو
(سکن یوز سگسان اوچ) سند سنده اشقودره نك
تسخیر یچون پادشاه كرك احد پاشایی سردار تعینبله
اشقودره یه سوق ایتك ایستدیلر ایسده احد پاشا
بومشکل خدمتدن اعتذار واستعفا ایتدیگندن پادشاه
عالی همت بانذات سفرو حرکت یوردیلر .

و بولاری و بولرده اولان کوپر بلری تسویه و تنظیم
ایتدیرمك اوزره اورنوس زاده احد و طورخان زاده
عمر بکری ایلرویه کوندردیلر .

كرك احد پاشایی دخی -- خدمت دولندن استعفا
کوستردیکچون -- مسند صدارتدن عزل ایلله اناطولی
حصار بنه حبس ایتدیلر .

موکب همایون اشقودره یه بامقرب (درین) نهری
اوزرینه مکمل بر کوپری انشاسیله مرور و اشقودره
قلعه سی محصور ابدلدی .

قطع اشقودره قلعه سی بر طرفی و ندیک کورقزینسه
منصب اولان درین صوبی و سائر طرفلری صرب

طاغیرله محاط اولوق ملا بسه سیله تمامیه حصر و تضییق
قابل و قلعه نك ایچنی دو کک ایچون یوکسک محله
طوب چیقارلسی ممکن اوله مدیغندن جناب شهر یاز
اسکندر اقتدار کلی باقر جلبیه طاغیرک باشلرنده
مجدداً طوب دو کدیرمکه مجبور اولدیلر .

یونکله برابر اشته قودره نك اطرافنده بولانان (لش)
(درغوس) و (کول باشی) نام قلعه لر دشمن النده
بولند قچه اردوی همایون حرکات حریبه یی لایقیه
اجرا ایده مدیکی مثللو نهر واسطه سیله کیلرله دشمنک
امدادی کسیه مدیگندن پادشاه دقایق اکاه اولا
ذکر اولنان اوج قلعه نك محاصره سنی مناسب کوروب
روم ایلی بکلر بکیسی داود پاشایی کول باشی و اناطولی
بکلر بکیسی سلیمان پاشایی درغوس قلعه لر نك حصر
و تضییقنه مأمور ایدوب بو پاشا لر روم ایلی و اناطولی
بهادر لر یله مذکور قلعه لر یی شدیداً بالتضییق تسخیر
ایتد کدن صکره ایکی طاقم بر اشوب اش قلعه سنی دخی
اسیلا به موفق اولدیلر .

بوندن صکره اشتقودره نك خارج ايله مخبره سی و امداد
 و ذخیره سی منقطع اولمش ایسه ده قلعه نك متانت
 و ساعتی جهتیله تسخیری تمديد محاصره به محتاج
 کورندیکندن اشتقودره به قارشو بر استحکام یاپدر یلوب
 اورنوس زاده احمد بك سردار تعیینيله اوراده براغیله رق
 ذات پادشاهی پای تخته عودت بیوردیلر .

احمد بك التی آی دها اشتقودره بی محاصره ایدوب
 محصور لر شدت مضایقه به دوشه رك مال و جانلرینه
 امان و یرلك شرطیله تسلیمه مجبور اولدقلرندن احمد
 بك کیفیتی حضور پادشاهی به عرض ايله الدیخی امر
 موجبجه امان و یروب اهالی و مستحفظینی مال و عیال لر یله
 و ندیکدن کلان سفاینه ارکاباً و ندیکه نقل و امرا
 و اشتقودره قلعه سنی مع توابع استیلا ایلدی .

§

کدک احمد پاشانك ایتالیا جانبنده فتوحاتی
 حضرت فاتح اشتقودره به سفر لری اثناده برابنده پیاده

یوریمکدن یورولوب استراحت ایچون بر محمله ازا جق
 ارام یوردقلری صرده خواص بندکانه خطاباً
 [ایشه یار بروز یرم اولسیدی بومتاعی بن چکمز
 ایدم] بیورملریله اوارالق امیر علم بولنان (هرسک
 زاده احمد بک) [اگر کدک احمد پاشا قولکزرکاب
 همایونکرده بولنیدی بوزجتله چکمزایدی] جوابیله
 احمد پاشانک خدمات مشکوره سنی خاطر پادشاهی به
 کتوردیکندن ایرتسی کون حضرت فاتح کدک احمد
 پاشایه (سلانیک) سنجاغنی بالتوجیه مشارالیه
 حبسدن اخراجیله معززاً منصب جدیدینه کوندیرلمسنی
 مأمور مخصوص واسطه سیله پای تخته امر و فرمان
 واشقودره دن عودت همایونلرنده دخی ارنودلق
 عصاتی تکیل و تأدیباتک اوزره پاشای مشارالیه
 (اولونیه) سنجاغنی احسان ایتشلرایدی .
 احمد پاشاکاه حسن تدبیر و گاه اعمال شمشیر ایله ایتالیا
 حدودینه قدر ارنوداغنی تسخیر ایدوب فرنکر
 بند بولنان (پولیه) و ملحقه اتک دخی استیلا سنی

سهل الحصول کورسیله (سکز بوز سکسان درت)
 سنه سنده بالاس تیدان پای فخته کله رک افکاری بی
 حضرت پادشاهه عرض و بیان ایتدکده طرف
 شاهانه دن دخی معینه دوتمای همایون و عسا کر کافیه
 ترفیق اولندرقی کوندرلدی .

احمد پاشا دوتما ایله ایتالیا سو واخلنه واروب اولما
 اولونیه نك قار شو سنده وایتالیانك بحر سفیده طوغری
 الك اوچنده بولنان (اوتراته) شهرینی وایکی اوچ سنه
 ظرفنده تدریجا اوحوانیده خبلی قلاع و ممالکی استیلا
 و پولیه ولایتنك حکمداری بولنسان (رایقه) فراره
 مجبور اوله رق اوده اسپانیایه التجا ایلدی .

لکن (سکز بوز سکسان الی) سنه سنده فامحت
 ارتحالیه تجدد سلطنت وقوع بولاق مناسبتیه احمد
 پاشا هم پادشاه جدیده اثبات وجود عبودیت ایتک
 و همده مجددأ عسا کر و دوتما کوتوروب یکی قوتله
 ایتالیا نك ایچرورینه طوغری یایاق نیاتیه استانبوله
 کلدیکندن اوارهلق اسپانیایه حکومتی طرفندز رایقه به

ترقیقا کلی دوتما وعسکر کوندر یلہرک و بو واسطہ
ایلہ پاشانک غیبوبتی حائندہ عسا کر عثمانیہ پریشان
ایدیلہرک اوراری ینہ فرنکارانہ دوشدی . واحد
پاشا تکرار عودتہ موفق اولہمدی .

§

ینہ (سکز یوزسکسان درت) سنہ سنہ (قوجہ ایللی)
سنجانی بکی اوتوز قطعہ قدرغہ سفینہ سیلہ قرہ دکرہ
کوندر یلوب ازاق قلعه سی جوارندہ اولوبدہ مقدا
کدک احد پاشانک سفری اثناسندہ فتحنہ اختلاس
وقت اولندہ میان (پوتہ) حصاری تسخیرایتدیرلدیکی
کبی اما سیہ والیسی شہزادہ سلطان بایزید حضر تلیرنک
(سنان بک) قوماندہ سیلہ سوق و تعین بیوردقلری
فرقہ عسکر یہ واسطہ سیلہ ازرنجان جانبدہ بولانان
(طرول) مملکتی استیلا اولندی .

§

جزار خالیہ دن (بوزجہ) اطہ سیلہ (لنوس)
جزیردی دکر قورصانلر ینہ مأوی اولہرق بونلرک

ضبط و اعماری بحر سفیدك حصول امنیتى مستلزم
 و خصوصیه لنوس جزیره سنده بولنان (طین مخنوم)
 معدنك اداره و اعمالى فوائدى موجب كورندیکندن
 كذلك (سکز یوز سکسان درت) سنده سنده بواطه لره
 سائر محارردن خانه لر نقل اولنه رق اعمار و احیا و بوزجه
 اطه سنده یرده قلعه انشا ایدلدی .

§

ینه (سکز یوز سکسان درت) سنده سی او اخرنده
 حسن بك زاده (عیسی) میخمال زاده (علی)
 و مالتوج زاده (بالی) بکمر قومانده لر بله اوتوز بیک
 عسکردن مرکب بفرقه عثمانیه اقتبیللق صورتیله
 مجارستانه سیوق اولنوب فقط بوبکمر بو سفرده
 اتفاقسزلق سیئه سی اوله رق یولسز طاورانده قلرندن
 جنود اسلامیه دوچار انهمزام و باش قوماندان عیسی بك
 شهید اولدی .

§

ینه بو (سکز یوز سکسان درت) سنده سنده سلطنت

سنه عثمانیه ایله دولت مصریه پیشنده بالاخره منتج
محاربات اولان بعض اسباب خصوصت ظهوره کلمشدر .
تفصیلی شویله که :

طریق حجازده طبیعی اقرار صو اولدیغی کبی قدیم
زمانده اهل خیراتک انشا ایتمش اولدقلری (برکه) لر
یعنی یغور صویله طولد بریلور یوک حوضلر دخی
مرور زمان ایله خراب اوله رق حجاج مسلمینت عزیمت
وعودتده صودن یکا یک ضرورت چکمه کده اولدقلری
مقدما جناب فاتحه عرض وافاده اولمنسی اوزرینه مجرد
احراز ماثوبات نیت خیریه سیله طرف شاهانه لرندن
مواقع مناسبه به مجددأ برکه لر انشا واسکیدن موجود
اولوبده خراب اولان برکه لر دخی تعمیر و احیا اولنمق
اوزره جناب فاتح ملوک چرا کسیدن مصر ملیکی
(سلطان خوشقدم) طرفندن رخصت و عواقت
التماسنده بولندقلری حاده ملک مشار الیه فصلسه
[بزم طریق حجده اولان صو برکه لرینی یابمغه اقتدارمز
یوقیدر که ملکمه یاد ایاق باصیرملم) کبی باردیر

جواب ایله التماس واقعی ردایتمش اولدیغندن بوندن
 طولانی حضرت شهریار دیانت شعار مصر ملکینه
 مغبر وایکی دولت اسلامیہ بیننده آب صافی و دو محبت
 مکدر اولمشیدن .

ذوالقدر به خاندانندن مرعشده حکمدار اولوب سلطنت
 سنیه به منتسب بولنان (ملک ارسلان) ک برادری
 (بداق بک) حکومت ذوالقدر به بی قرنداشندن ضبط
 ایتک ارزوسیه مصر ملکینه التجا ایدرک ملک مشارالیه
 بر فدایی اعزامیله ملک ارسلانی جامع شریفده
 ایکن اتلاف ایتدیرد کدنصکره بداق بکه عسکر قوشوب
 حکومت ذوالقدر به بی ضبط ایتدیردی .

بومسئله دخی جناب قانچک مصر او حقنده اولان
 اغبرار سابقلرینه منضم اولدیغندن و بداق بک مملکتجه
 قبول عامه به مظهر اوله میوب اهالی متدما استان
 معدات آشیان سلطنته التجا ایتمش اولان مشار الیهما نیک
 دیگر برادرلری (شهسوار) بک حکومت
 ذوالقدر به بی تعیننی استدعا ایتدکلرندن طرف

شهر یاریدن دخی شهسوار بکه عسکر ترفیقیه مر عشه
کوندربله رک بداق بک فراره اجبار و حکومت ذوالقدریه
شهسوار بکه ضبط ایتدیرلدی .

بونک اوزرینه مصرملکی تکرار بوداق بکه اعانه
وامداد و مر عشه بعث اجناد ایدرک والحاصل سلطنت
سنیه شهسوار بکه و دولت مصریه بوداق بکه
صحابت ایلیدرک بومقدمات فاتحک ارتحالرندن صکره
محاربات متوالیه بی موجب ونهایت صاحبقران عظیم
الاقران برنجی سلطان سلیم خان حضر تلی بک تیغ
قهرمانیلرله دولت مصرینه محو و منقرض اولمشدر که
بلطفه تعالی دردنجی جلده تفصیلی ایراد اولنور .

§

ردوسه عسکر سوقی

صدر اسلامده اصحاب کرام واجب الاحترامدن اول
ملوک امویه (معاویه ابن سفیان رضی الله عنه
حضر تلی) روم و عراقه و استانبول و سایر آفاقه

بعث جنود بیوردقلری ضررده (ردوسه) دخی
برسریه کوندر مشلر سده اوزمان ردوسک قهقی میسر
اولماشیدی .

جناب فاتح قدماى ملوک اسلامیه نائل اوله مدقلری
فتح قسطنطنیه کبی اعظم فتوحاته موفق
اولدیفیچون وردوسده بولان قوالیرلر قورصانلقده
ماهر اوله رق سفاین وسواحل اسلامیه یی اضرار
ایتمکده اولدقلر یچون هم ظفرنامه فتوحات سابقه لرینی
مستزاد وهمدده سواحل ممالک تحروسه صولرندن
قورصانلری ابعاد یورمق نیت مجاهدانه سیله ردوسک
تسخیرینی ارزوایتدیلر .

بناء علی ذلک (سکز یوز سکسان بش) سنه سنده
قدماى وزرادن (مسیح پاشا) یی سردار اکرم
نصیله استانبول ایماننده کی دوتنای همایونلرینه
وبشقه جه کلیبولی ایماننده تجهیز اولمان التمش قطعه
سفاین متنوعه حربیه یه قیوقولرندن وروم ایلی
دلاورلرندن برطاقم عسکر ارکابیه اعزام بیوردقلری

مٹلاو بتون اناطولی عسکرینک دخی ردوسک
 قارشوسنده کی سواحدن ردوسه کچیرلسنی فرمان
 نیوردیلر . مسیح پاشا عسکر مرتبه یی ردوس جزیره سنده
 چیقاروب قلعه یی محاصره ایتش ایسه ده مقدا
 حضرت معاویه نك ارسال پیوردقلری سریه اسلامیه
 طرفندن لیان اغزینه یاپیش اولان و (عرب برچی)
 دینیلان برجندن دشمنك اتقده اولدیغی طوب دانه لری
 دوغتمای همایونی ساحله یاقلاشدیرمدیغندن اولا
 اوراسنك تسخیرینه لزوم کورینه رک قره دن بو برجه
 قدر برکوپری تدید و بتون دوغتمای شاهانه دخی برج
 مذکور ی طوبلامغه تخصیص اولندی .

بعد ازین قره دن و دوغتمای جانندن عرب برچی اوزرینه
 هجوم ترتیب اولندرق ساحلده بیوک بیوک دوکندی
 طاشلر بولمق ملابسده سیله کناره قایق و صندال
 یناشه مدیغندن دوغتماده کی جنود موحدین عریان و دال
 قلیج اوله رق دکره اتی اوب و قره ده کی مسلمین دخی
 کوپریدن هجوم ایدوب مذکور برجه نریش ایدادی .

لكن كوپرى تحمل ايده ميه رك اوچ يرن دن منه دم
اولمسيه اوزرنده بولان بىك قدر مجاهدن دريايه
دوكلكلرندن واعدا ايسه ياغمور بى ككه وقورشون
ياغدرديغندن بويور ييشدن برفائده حاصل اوله مدقندن
بشقه بالعكس كللى عساكر اسلاميه نك شهادتنى
موجب اولدى .

برقاج كون صكره نفس ردوس قلعه سنك اوزر ينه برهجوم
دها ترتيب اولدى .

بودفعه عثمانلى قهرمانلىرى متفقاً ردوسك قلعه سنه
وواروشنه يور ييوب عسكرك برقسى درون حصاره
كيرمش وحتى قلعه بدنلرينه يدى عدد عثمانلى
بيراقلىرى ديكلمش ايكن مسيح پاشا طرفندن بوصره ده
[ردوس خزينه سى پادشاه ايچون ضبط اولنه جغندن
كيسه طرفندن ال اوزادلسون] ديه رك مناديلر
واسطه سيله برغريب تنبيه وقوعبولديغندن بو يساق
عسكره فتور ويره رك خار جده بولان بقيه جنود اسلاميه
هجومدن فراغته ايلرويه يور يى دكلرندن اعداى

بی امان ایچرویه کیرمش بولنان مجاهدینه قلیج اوشوروب
جوله سی واصل سر منزل شهادت اولدیلر .

« احرازه ثوبات غزا و جهاد اهل اسلام ایچون برنجی
در جده مقصود و مراد ایسه ده عسکری طاقنی جان
فداسی کی بر مخاطره به سوق ایدن اسبابدن بریده اخذ
غنایم شوقی اوله رق مسیح پاشانک او یله بر زمانده
خزیننه خاصه شاهانه به خدمت ایتمک افکار یله عسکرک
کسر شوق و غیرتنی موجب اوله حق بر یساغی اعلان
ایدیشی پک فنا بر تدبیر اولدیغندن بو قدر مجاهدینک
ردوسده درت ای چکد کلری زحمتلر و دو کد کلری
قانلر هبایه کتدی . »

مسیح پاشا عسکرک قرغنیغنی و ارتق یوریش
ایتدیرمک احتمالی قالدیغنی کورنجه کیفیت حضور
شاهانه به عرض ایله الدیغنی امر اوزینه اردو بی
اناطولی یقه سنه کچوروب اناطولی ساحلنده و دشمن
یدنده بولنان (بودروم) قلعه سنی محاصره ایتمش

ایستاده اوراده ده موفق اوله مدینه نیدن پای تخته عودت
ایلمدی .

پاشانک بیان اولنان سوء تدبیری جهتیه کندوسنک
استانبوله دخوانه مساعده بیورلیوب عهد سنه کلیولی
سنباغی توجیه ورکاب همایوندن تبعید بیورلمقه مجازات
اولندی .

§

حضرت فاتح ارتحالی

ابوالفتوح والمغازی سلطان محمد غازی حضرتلری
(سکزیوز سکسان التی) سنه سی صفری اوائلنده
عربستانه سفر ایتک اوزره تدارکات کلیه ایله اسکداره
پکوب و بواره ده مزاج همایونلرینه انحراف کلی
عارض اولدیغی حالده عزم و نیتلرندن فراغت ایتوب
خسته حاللرنده اسکداردن حرکت بیوردیلر .

• و کب همایونلری (ککبوزه) هر حله سنه بالوصول
اوتاغ شاهانه لری تکور چایرینه قورلدقده عارضه

انحراف لری کسب شدت و دست پولاد پازوی اجل
عاقبت اوقهرمان رستم نهاده دخی پنجه صونوب
سنه مر قومہ ربیع الاولک دردنجی پنجشنبه کونی
دغدغه تخت بی وفای دنیای فانی بی ترکله روح
برفتو حلی کلشنسرای ملک خلوده رحلت ایلدی .
رحمة الله عليه

پادشاه مشارالیه حضرتلرینک ولادت لری (سکرز
یوز الی بش) سنه سی محرم الحرامک اون التیسنده
واقع اولوب بوتقدیرجه مدت عمر لری (الی اوچ)
ومت مدت سلطنت لری (اوتوز بر) سنه اولور .
عصر لری علماسنک مشاهیردن (مولانا لطفی) نک
مشارالیهک ارنحالارینه سویلدکلری تاریخ نفیس دعای
خیری متضمن اولدیغدن تبرکات بورابه یازا شد .

تاریخ

هست تاریخ بهترین اورا
نور الله قهر نور

معاوم ارباب مطالعه اولدیغی و جهله عراق و اندلس
جهت لرنده دولت عربیه نك انقراضیله قوت اسلامیه یه
وهن و خلل طاری اولمش ایکن سلطنت سنیة عثمانیه بی
(بلده طیه قسطنطنیه) کی برمر کرمدار عالمه اناله
ایله قوت بخش قوای ملت اولان حضرت فاتحدر .

و بغدادده جنکیز فتنه انکیزک و اندلسده اهل صلیبدن
بر طاق نادان بی تمیزک لهیب غدر و ظلمر یله بونجه
خزانة کتب اسلامیه محو اوله رق مزاج اهل توحیده
دخی علت جهل ساری اولمش ایکن الحاله هذه
کوزیمزک اوکنده طوران متعدد مدارس عرفانیه بی انشا
و بذل خزاین اطف و احسان ایدرک دنیانک هر جهتندن
جلب ارباب فنون و علمایله مجدد مبانى حکمت و مدنیت
اولان حضرت فاتحدر .

حضرت فاتح مدیحته (نعم الامیر) ایله مظهر ستایش
حضرت خاتمت پناه اولمش وزمان لرنده کی فحولک
ناملرینه تألیف ایتدکلری لایعد و لایحصى کتب عالیه
و ادبیه ایله ونوله عظیم شانلری جهانى طولدرمش

بر پادشاه اولدیغندن اوصاف جلیله سی بختده بزم کی
عجزه نویسنده کان ایچون ارخای عنان قلمه میدان
قلمامشدر .

§

خاقان مشار الیهک ارتحاللرنده ولی عهدلی شهرزاده
سلطان بایزیدخان حضرتلی اما سیه ده بولمیر یله ارکان
دولت در حال شهرزاده مشار الیهه عرضحال تقدیم یله
نحت عالی بخت عثمانی بی تشریفلی عرض و نیاز
اولمقله برابر - چونکه سفر مناسبت یله صنوف
عسکر یه بریده مجتمع بولند قلرندن فتنه واختلال
ظهورندن احترازا پادشاهک انتالی کیفیتک کتی
الترام اولمشو [خنکار کیف سزدر لاجل الاستحمام
موقتا استانبوله عزیمتلی اطباء طرفندن تنسیب
اولمشدر] سوزینک اشاعه سیله پادشاه مغفورك
نعمش مغفرت نقشلی در سعادت کچور یله رك عسکر یدن
کیسه نك اردودن مفارقت ایتماسی واستانبوله کچماسی
یساغ ایدلمش ایسه ده نصلسه حقیقت حال طویلوب

اجلاف عسکر ککبوزه دن استانبوله شتاب ایله وزیر
اعظم عصر بولنان (قرمانی ناشنجی محمد پاشا) نك
خانه سنی یغما و کندوسنی شهیدایتدیلر .
و مسلم و غیر مسلم اغنیای اهالی خانه لرینک تالانه
قویولدیلر .

هله استانبول محافظی وزیر پیرروشنظمیر (اسحق
پاشا) نك حسن تدبیری ثمره می اوله رق عسکری طامقی
یغما کر لکدن منع ایدیلر لك سلطان بایزید حضر تلرینک
مخدوملرندن اولوب در سعادته وجد امجدلری نزدنه
بولنان شهرزاده (سلطان قورقود) پدرلرینک تشریفلرینه
قدروکالت ایتمک اوزره موقتاً اجلاس اولمقله دفع
فتن واختلاله موفق اولندی .

§

وزیر مقتول محمد پاشا قونیه والیسی بولنان ایکنجی
شهرزاده (سلطان جم) حضر تلرینی جلوس
ایتدیرمک افکارنده اوله رق مشارالیهک سرعتله پای
نیمته کلمسیچون کوندرمش اولدیغی ادم و عریضه سی

اثنای راهده اناطولی بکربکیسی اولوب مناسبت
صهریتله سلطان بایزید حضرتلرینه منتسب بولنان
(سنان پاشا) طرفندن اله کچیرلش اولدبغی مرویدر .
بو تقدیرجه وزیر اعظم مشـار الیهک عسکری طرفندن
قتل ایدلمسی سنان پاشا وولی عهد طرفلیسی اولان
سائر وزرا جانبدنن تهمت مرویه نك عسکری به اشاعه
اولمسندن نشأت ایتمش اولمایدر .

§

پادشاه جدید سلطان بایزید حضرتلرینک کیفیت
جلوسلری بلطفه تعالی دردنجی جلدده فاتحه
اوله جقدر .

سایه معارفیرایه حضرت جهانداریده خبر صحیحک
اشبواوچنجی جلدی دخی رسیده حد ختام اوله رق
مستنداً بتوفیق تعالی دردنجی جلدک تحریرینه ابتدا
قلمشدر .

الحمد لله على التوفيق والصلاة والسلام على نبيه

الشفيع والشفيق

صورت محركات

(۱)

- (سلطان مراد حضرت تليزنيك امور سلطنتي فاتح سلطان)
(محمد حضرت تليزنيك تركارندز صكره مشار اليه فاتح)
(حضرت تليزنيك انكروس فتحنه دائر شاه رخ ميرزا به)
(كوند رمش اولد قلري نامه همايونك صورت بدير ۰)

اسباب سعادت جاوداني و موجبات فتوح ابهت
وكامراني پيوسته ملازم عتبه رفيع وسده منبع حضرت
سلطنت پناهى مملكت دستكاهى معدلت شعارى
مكرمت دثارى افتخار الملوك والسلاطين واعتضاد الغزاة
والمجاهدين مالك زمام الاكامرة والسراة كاسر رقاب
الجبارة من اعصاة والغواة مؤسس مباني الخيرات

ومشيدقواعد العزمن العدل والحسنات حامى حوزة
الدين بالدولة الباهرة وماحى ظلمات الظلم عن العالمين
بالصولة القاهرة ملجاء المظلومين ملاذ الملهوفين نصير
الحق والملاك والدين ناصر الاسلام والمسلمين خلد الله
خلافته وادام على العالمين بره ورأفته باد وملاك غفور
چشم بد حوادث از حوالى و حواشى ملازمانش
دور و دست و پاى طوارق و بوارق از سمت
سعادت خدامش مقطوع ومكسور كرداناد
بانبي النبیه وآله الامجاد محب صادق الوداد ومخلص
راسخ فى سنن الاتحاد بعد از تبليغ محامد لايقه بى نه ايه
وارسال ائنيه رايقه بى حد و غايه واتحاف دعوات
مستجابه بنواب كامياب حضرت ميدارد كه عن قريب
سلطان الغزاة والمجاهدين والى ولاية الائمة المهتدين
ابوالفتح خداوند كارم و پدرم وسلطانم خلد الله ظلال
عاطفته على رؤس المسلمين اين داعى دولت رايمالك
محروسة عثمانيه لايق ديدہ ارزاني فرمودند وقبض
وبسط امورى كه تعلق برين امر خطير دارد در كف

کفایت این دولتخواه نهاد و از جهت تأکید دولت
و تشدید مبانی این سلطنت با جمیع اطراف و جوانب
از طغیان کفر و بغاوت فحشه و ولایت اسلامیة بعهد و موثقیق
و سو کنند مصالحه فرمودند و بمبارکی و طالع سعید بدان
طرف دریا گذشته بفراغ بال متمکن گشتند و باعمال
اخروی اشتغال نمودند و بعد بنای حال برین منوال
ائمۀ ارباب ضلال که ﴿ ینقضون عهد الله بعد میثاقه ﴾
از دیدن قدیم ایشانست بنقض عهد و خلف وعد
مسارعت نمودند و جمیع کفر از اهل حرب و اکثر ملتزم
ذمت اتفاق کرده بر او بحرأ طائفۀ موحدین را بالکلیه
احاطه کردند و فی الجمله ممری که بزعم خصوم مفر
تواند بود از جهات اربعه باقیاء نارفتنه تفرقه بفرقه
مسلمین رسانیدند و جمعیت عسکر پریشان متعسر
گردانیدند ناکاه در اشنای این نائره پرفتن و احشای
دائره مملو بمحن رئیس ضلال و رأس اضلال باوس
ایک اصغر قرال باقر بب هفتاد هزار سوار کوه پیکر
یولاد مثال سوی این ولا جوی فرستاد و حضرت

اعلای خداوند کار نیز که ازین معنی ذاهل بودند ناکاه
 این خبر هائل بسمع اشرفشان رسید دفعه عسا کر
 انام را بنفیر عام اعلام داده چارویاساق فرمودند
 و بنفس نفیس باجمعی از خواص مقربین حاضرین
 برای نصرت دین مبین متوجه کفار ملاعین شدند
 و چون بشاطی بخر رسیدند و معبرا مسدود دیدند
 بفک مشحون بابطال وزورقهای مملو باسباب قتال
 لاجرم فی الحال باشتغال نیران حرب اشتغال نمودند
 و در لجه بخر بی کران بطعنات سیف و سنان آتش
 اندر نهاد آن خاکساران انداختند و جمعیت ایشانرا
 بمشابه اوراق خزان بیاد فنا متفرق و پیریشان ساختند
 و بعد ازین فتح مبین و هدم ردم سفن مشرکین بدار
 الفتح ادرنه در آمدند و این مخلص را با اکثر نواب
 و خدام گذاشته از خصوم جهات و کفار اقطار
 اعراض و اغماض نموده متوجه سرخیل جنود شیاطین
 و پیدشوای اصحاب سبجین قرال بد فعال اعین شدند
 و چون مقصدار پنج منزلی رفتند ناکاه در اول وقت

ضحی تقابل فریقین و ترادف صفین اتفاق افتاد
 مبارزان طرف ابرار و اختیار و معارضان فرقه فجار
 و اشرار بر یکدیگر حمله آوردند و کبشی ابطال اهل
 حق و ضلال بمناسطحه و مکاوحه اشتغال نمودند
 و تبطارد اسود شجاعان و نطایز فرسان و افدان امن
 از زمین و امان از جهان و جان برداشتند و از کثرت
 طعنات اسنه ازرق فام و تتابع ضربات کرز و حسام
 و توالی رشقات بنادق و سهام بی حد و انجام سرازتن
 و روح از بدن مفارقت کرد و دشت و هامون از جریان
 خون بمثابت دجله و جیحون کردند و از اجسام
 و رکاب قتلی ضراب و اکام حاصل شد و قصوری
 و فتوری فی الجمله در اطراف خسته آن محل موحدین
 راه یافت و تصادم فئین و تضارب طائفین بغلبه
 و قراولی بعید العصر برین نهج متمادی کشت و در وقت
 اصل که صبای فتح دین محمدی وزیدن گرفت
 و دیور قهر ملت احمدی جستن آغاز کرد خداوند کار
 جلیل باقلیل از خواص حاضرین اهل یقین همچو
 شهب رجوم بر شیاطین خصوم هجوم آوردند و بمناسله

صواب و مقارعة کتاب و طعنات رماح
 و ضربات صفاح جمعیت عسکر مخذول را متبدد
 و متشتت ساختند بحیث لایقی منها عین و لا اثر و در
 احشای کروفر ملک بنی اصفر را بموت اجر بهاویه
 سقر فرستادند و جهور اکابر مجرمی تابعیش را که
 با سمنی و رسمی موسوم و مرسوم بودند بهیچ فردی
 مناص خلاصی ندادند و باقی بقیه سیف اشطار
 او باشی و حسومات مواشی کانهم فرت من قسوره
 ولواند برین و كذلك يفعل بالمجرمین الحمد لله الذی
 صدق وعده و نصره عبده و هزم الاحزاب و حده هذا
 چون این فتح متین و نصر مبین ازان قلیل است که
 در قرون خالیه و سنین ماضیه اتفاق نیفتاده باشد الا
 واحدا بعد واحد و دأثور نکر دیده شد الا واردا بعد
 وارد واجب شد و لازم آمد که بدرگاه حضرت سلطنت
 بناهی که بسلوک طریق دین و دیانت مستمر و بمصادقه
 قدیمه آل عثمان مشتهر و مع هذا بمجاهده کفره نیز
 مکب و مشغولند اعلام رود تا که کافه ارکان دوات

وعامة ملازمان حضرت وجهور مسلمانان ورعیت
 متبہج و مستبشر کشتہ ایلا ونہارا، موجب ازدیاد
 این نوع نصرت از حضرت و اہب بی علت علت
 کلمہ بتضرع و استکانت مسألت نمایند کہ من افضل
 الرغایب دعوة الغایب للغایب و بوما فیوما در تقویت
 و تمشیت این داعی دولت کوشیدہ نظر عنایت دریغ
 نفر مایند و برای تبلیغ این معنی جناب خلف الاعظم
 افتخار الامائل والاکارم زبدة الخواص شمس الدین
 احمد بك ادام الله معالیہ را ارسال رفت کہ برکاهی
 اوضاع خیر و و وقت فرصت استفسار تقریر نمایند
 و تجرید عہود و موائق موالات را مستحکم گردانند
 باقی زیادتى ابرام اقدام نرفت سایہ رأفت و عاطفت
 بر سر کافہ امت حضرت رسالت بایندہ باد بجاہ النبی
 و الہ الامجاد کتب فی اواخر رمضان المبارک سنہ ثمان
 واربعین و ثمان مائہ

خلاصہ ترجمہ سی

بعد الالتاق و تقدیم الاحترامات

پدرا مجدم محبکزی ممالک محروسه عثمانیه تخته لایق
 کوروب اطرافده بولنان ملوک و حکمداران ایله عقد
 مصالحه دن صکره بالجه امور سلطنتی کف کفایتزه
 بالتسلیم کندولری در یادن گذار و کوشه عبادته
 قرار بیورمشلایدی .

ارباب عدوان نصلمه نقض عهود ایله برأ و بحرأ
 طائفه موحدینی احاطه و معبرلی تسدید ابتدکاری
 مثلاناگاه رئیس ارباب ضلال یعنی قرال ضال
 (انکروس قرالی) یتش بیکه قریب زره پوش
 سوار یسنی اوزریمزه تعیین ایدوب بو خبر هائل حضرت
 خداوند کار پدرمک سمع شریفلرینه واصل اولنج
 عسا کر اسلامیه بی جمع ایله نفس نفسیلری دخی اعدا
 اوزرینه متوجهأ ساحل بحر واصل اولدقلرنده
 دشمن معبری سد ایتش ایدیسده شمشیر غزاة ایله
 دشمنک جمعیتی پریشان ایدرک ادرنه واصل اولدیلر .
 بو مخلصکزی پای تخته ترکه کندولری دشمندن یکا
 توجه بیوردیلر .

وقتا که بش مرحله قدر کتدیله . بر قوشلق وقت
اعدانک جمعیت کاهنه واصل اوله رق فریقین یکدیگره
حله ایتدیله .

حرب و قتال پک زیاده شدت کسب ایدرک اهل اسلام
جانبنده بر مقدار اثر انهمزام کورنمش ایکن بعنایه الله
تعالی نسیم نصرت جانب موحدینه و زان واعدای
دین و دولت مضمحل و پریشان اوله رق بو صرده
قرال دخی قتل و اتلاف اولمشدر .

بو مظفرینک امشالی قرون ماضیه ده نادر الوقوعدر .
بونکله برابر دشمن الحاله هذه خصوصتده مصردر .
بو فتح مبین ذات عالیکرتک و او جانبده بونان کافه
موحدینک باعث مسرتلری اوله جغنده اشتباه
یوقدر .

بیان و تبشیر مظفریتله برابر اخلاص و ودادیمزی
تبلیغ ایچون خواص بندکاندن (شمس الدین احمد بک)
اعزام و ارسال اولندیغندن تقریرندن دخی استماع
کیفیته رغبت بیورلمسی مرجودر .

اشبو نامه (سكر يوز قرق سكر) سنه سي رمضان
شريفك اواخرنده يازلمشدر .

(۲)

(جنتمكان سلطان محمد خان غازي حضرت تيرينك)
(« ملا كوراني انشاسيله » استانبولك فتحنه دائر)
(عزيز مصر اقبال شاهه كوندرد كلري نامه همايونك)
(صور تيدر)

بسم الله الرحمن الرحيم متينباذ كره القديم * اللهم
مالك الملك توئى الملك من تشاء وتنزع الملك ممن
تشاء بيدك الخير انك على كل شىء قدير * بحمد الله
ويثنى عليه عبده المستبشر بالمبشرات المتواترة المتواردة
اللاقي يثبتن عن استقرار القدم المقدم المقدم على
سرير السلطنة السامية القاهرة الا وهو السلطان
الوالى العالى العالمى العاملى المؤيدى المظفرى الظهيرى
النصيرى العونى العونى الامامى الهمامى النظامى
الذى اشرفت من افق التوفيق شمس سلطنته
وحفقت رايه الاقبال من هبوب نسيم خلافته
وبتطأطأ اعناق الجبابرة نحو سدته السنيه * وبتكاء كاء

اقبال الاكاسرة على عتبة العلييه وبه اضحت عقود
 الامامة منتظمة وامور السلطنة ملتزمة ويتفاخر
 بوصفه المأثر ويختال بذكره المفاخر اعني الملكي
 الاطقي السلطاني الاشرفي الابوي الاعطفي ضاعف
 الله تعالى ملكه وسلطانه وافاض على العالمين بره
 واحسانه ولا برح في دولة لا تنهدم دارها ونعمه
 لا تفصم اثارها وسعادة لا تصفر اوراقها وسيادة
 لا تتغير افاقها وما انفك بنور الدين بباهر صولته
 مرفوعة واسنة الخوادم تحورا عداؤه مكسورة
 وجاجم حساده على رؤس الاسنة منصوبة وتحت
 الاقدام مخفوضة ونقول لما تابعت عندنا الاخبار
 التي تستمل على صعود شمس السلطنة على اوج
 سرير الخلافة ادامة الله واعلاه وبارك فيه وابقاه
 ببركة نبيه المجتبي ورسوله المصطفى عليه وعلى اله من
 صله الصلوة اذكاهم ملتزمين بحجة وسرورا وغبطة
 وحبورا وانشد بلسان صدق

شعر

هنيئاً لمصر انت صبرت عزيزه
بلوغ الاماني وابتغاء المحامد

وتعتدل الايام فيها ويقتني
صنوف البرايانه طرف الفوائد
فذ ظهرت فيه علايم بأسكم

قد التطنخت منها رسوم المقاسد

هذا اوان الولاء والمواصله بين من تكفل بمؤنه
احباء نسك الحج للعباد والعباد وبين من تحمل بمشاق
تجهيز اهل الغزو والجهاد كما هو المتوارث من الابهاء
والاجداد انعمهم الله بنعمه الموعوده في الميعاد فالقلب
مصمم على تأييد تلك القديمه بسلولك طريق تندي
لطائف اخرها بطيب نعيمها لذايد اوليها فافهدا
الحبل المنين نحن ماسكون وعلى هذه الصراط المستقيم
المستبين سالكون فشد دنا وثاق صدق ذلك المقر
العالى اعلاه الله واسماء وفتحنا ابواب المراسله وقدمنا

اسباب المواصله واهدينا طرايف التسليمات عن
شوايب الريا والرعونات وانحفنا لطائف التحيات
المنورات بنور الاخلاص المجلاء بالولاء والاختصاص
المرهات بصدق الطويه رياضها المسترعات من
زالل المحبه حياضها ورفعنا الادعيه الصالحه
المستجابه والاثنيه الفايحه المستطابه والاشواق
البالغه دزوة الكمال والاتواق المتواليه بالغدو
والاصال وانهيينا الى العلم الكريم محفوقا بما يسره
الله تعالى من المطالب البهيه والمأرب السنيه ان من
احسن سنن اسلافنا رحمه الله انهم يحا هدون في
سبيل الله ولا يخافون لومه لائم ونحن على تلك السنيه
قائمون وعلى تيك الامنيه دائمون ومتمثلين بقوله
تعالى (قاتلوا الذين لا يؤمنوا بالله) ومستسكين بقوله
عليه السلام (من اغبرت قدماه في سبيل الله حرمه
الله على النار) فهمنا في هذه العام عمه الله بالبركه
والانعام معتصمين بحبل الله ذي الجلال والاكرام
وقتمسكين بفضل الملك العالم الى اداء فرض الغراء

في الاسلام مؤتمرين بأمره تعالى (قاتلو الذين يلونكم
من الكفار) وجهزنا عساكر الغزاة والمجاهدين
من البر والبحر بفتح مدينه ملئت فجبورا وكفرا التي
بقيت وسط الممالك الاسلاميه تباهى بكفرها فخر

شجر

فكانها حصف على الخد الاغر

وكانها كف على وجه التمر

وهي محضه صعبه المرام شامخه الاركان راسخه
البنيان مملوءه من المشركين الشجعان خذلهم الله
ايما كانوا وهم مستكبرون على اهل الايمان متناصرون
بالجزاير الغربيه مثل (ردوس) و(قطلان) و(وندك)
و(جنويز) وغيرهم من اهل الشرك والطغيان وحصن
محصن مسدد مشدد مشيد منسق النظام ماظفروا
به اسلافنا العظام هو لاء السلاطين الاساطين الفخام
مع انهم جاهدوا حق الجهاد ولم ينالوا بها نبلا وهي

قلعه "عظيمة" مشتهرة في السنة "اهل الارض باسم
 القسطنطينيه ولا يبعد من ان تكون هي التي نطق
 بها صحاح الاحاديث النبويه والاخبار المصطفويه
 عليه وعلى اله اتم الصلوة والتحيه" (فيقتحون
 قسطنطينيه فبينما هم يقتسمون الغنائم قد علموا
 سيوفهم بالزيتون) الحديث وغير هذا من الصحاح المشهورة
 وهي هذا المدينة الواقعة جانب منها في البحر وجانب
 منها في البر فاعدوا نالها كما امرنا الله بقوله (واعدوا
 لهم ما استطعتم من قوة) كل اهبه يعتمد بها وجميع
 اسلحه يعتمد عليها من انبرق والرعد والمنجنيق والنقب
 والخبور وغيرها من جانب البر والفلك المشهودون
 والجوار المنشآت في البحر كالاعلام من جانب البحر
 ونزلنا عليها في السادس والعشرين من ربيع الاول
 من شهور سنة سبع وخمسين وثمان مائه

شعر

فقلت النفس جدى الان فاجتهدى
 وساعدني فهذه اما تميت

فكلما دعوا الى الحق اصبروا واستكبروا وكانوا من
الكافرين فاحطنا بها محاصرة وحاربناهم وحاربونا
وقاتلناهم وقاتلونا وجرى بيننا وبينهم القتال اربعة
وخسين يوما و ليلة

شعر

اذا جاء نصر الله والفتح هينا

على المرء مسعور الامور وصعبها

ففي طلع الصبح الصادق من يوم الثلاثاء يوم العشرين
من جمادى الاولى هجمنا مثل النجوم رجوما الجنود
الشياطين سخرها الحكيم الصديق ببركة العدل
الفاروقى بالضرب الحيدرى لال عثمان قد
من الله تعالى بالفتح قبل ان ظهر الشمس
من مشرقها (فيهمز الجمع فيولون الدبر بل الساعة
موعدهم والساعة ادهى وامر) واول من قتل
وقطع راسه تكفورهم اللعين الكنود فاهلكوا كفوم
عاد وكنود فختهم ملائكة العذاب فاوردوهم النار

وبئس المأب فقتل من قتل واسر من بقي واغار واخز ابنهم
واخرجوا كنوزهم ودفنهم موفورا (فأتى عليهم
حين من الدهر لم يكن شيئا مذكورا فقطع دابر القوم
الذين ظلموا والحمد لله رب العالمين فيومئذ يفرح
المؤمنون بنصر الله ينصر ما يشاء) فلما ظفروا على هؤلاء
الارجاس الانجاس الجالوس طهرنا القسوس من القسوس
واخرجنا منه الصايب والناقوس وصيرنا معابد عبدة
الاصنام مساجد اهل الاسلام وتشرفت تلك اللحظة
بشرف السكة والخطبة (فوقع امر الله وبطل ما كانوا
يعملون) وبعد فكانت في شط الشرم الذي يكون شمالا
منها قلعة افرنجية جنوزية وهي المحصنة المدعوة
بقلعة غلاطه وهي جارة لها متسمة النظام مملو
من المشركين اللئام فلما حاصرنا قسطنطينية جاءنا اهل
تلك القلعة وشدوا بنا ميثاقهم وجددوا معنا وفاقهم
وقلنا لهم كونوا كما كنتم واثبتو على ما كنتم عليه بشرط
ان لا تعينوها فقبلوا شرطنا واطاعوا امرنا فلما وقع
ما وقع على قسطنطينية وجد بين القتلى والاسرى

من اهل غلطه وهم قد حاربونا وبدأ انهم نقضوا
 ميثاقهم واطهروا نفاقهم فاردنا ان تفعل بهم ما فعلنا
 بالآخرى فيبئناهم جاؤا مبتهلين ومتضرعين وقالوا ان
 لم ترحنا لنكونن من الخاسرين فغفونا عنهم انه هو العفو
 الغفار ومننا عليهم المنه لله العزيز الواحد القهار
 وقررنا على ملكهم الملك لله العزيز الجبار ولكن
 جعلناهم حصنهم صعيدا جرزا بحيث لا ترى فيها عوجا
 ولا امنا وملكنا ارضهم وماءهم وكتبنا في جريدة الجزى
 اسماءهم (حتى يعطوا الجزية عن يد وهم صاغرون)
 الحمد لله الذى عدانا لهذا وما كنا لنهتدى لولا ان
 هدانا الله (شعر) سعد الزمان وساعد الاقبال *
 ودنا المنى واجابت الامال * فلما جمع الله تعالى بفضله
 فى قلب عبده زين السرورين العظيمين احدهما
 حفظ النظام السرير السلطنة وحماية البلاد والاخر
 قره العين الشرع باحياء الغرض الجهاد وجه تلقاء
 الارض المقدسة التى بارك الله فيها باجراء احكام
 السلطنة حامل وقرائنا وناقل ورق الدعاء فخر الاما جد
 فخر المجاهد امير جلال الدين القابونى رزقت عودته

بالسلامة بهدية بسيرة من الاسارى والغلمان والاقشة
 وغيرها حسما ذكر مفصلا في كتاب غير هذا وان
 كانت نسبتها الى ما وجب علينا كنسبه للقطر الى
 البحر فالأمول الاغضاء بحسن القبول فاذا يسره
 الله التشریف بتقبيل بساط الخلافه زاد الله بساطه
 بالعدل والنصر يتأمل ويتمنى ان ينعم بالمشرفات السارة
 المحتوية بسلامة النفس النفيس الطيبة وصحة الذات
 المطهرة ابقاها الله في دولته دينيه ودينيوه وبسوانح
 الاخبار من مهمات السلطنه كما نشرف بالانتماء الى
 ذلك المقر الشريف ونتلطف بالاعتراء لذلك المجلس
 اللطيف ونحن نترقب طيبات ادعية تلك المساكن
 الطيبة والله مجيها ببركة نبيه المجتبي عليه من التحيات
 ازكاها الحمد لله على نواله والصلوة على محمد وآله والله
 اعلم بالصواب و اليه المرجع والمآب

{ خلاصة ترجمه سي }

بعد الانقاب وتقديم الاحترامات :

مدینه قسطنطنیه که کال متاتله مشهور و برجانی
 قره و اوج جانی دریا ایله محاط اولدیغندن ماعدا
 ردوس و قطلان و وندیک و جنویزو بونلرک امشالی
 نیجه بلادک حکمدارلی عسا کر فراوان کوندروب
 محافظه سنه اهتمام ایدلش بر بلده عظیمه در .

بونک فتحی ایچون بوسنه مبار کده بالمله عسکریمزله
 کندیمز برأ سفینه لرمن دخی بحرأ توجه ایدوب (سکرز
 یوزاللی بش سنه سی ربیع الاولنک یکر می النجی) کونی
 بلده مذکوره یه نزول ایلدک .

اولا اهاالیسنه تکلیف قبول دین اسلام ایتش ایسه کده
 قبول ایتدکلرندن محاصره و (الی درت کون)
 مقاتله و محاربه اولنه رق بعنایه الله و بامداد رسوا
 سنه مذکوره (جادی الاولاسنک یکر منجی صالی)
 کونی فتح و ظفر میسر اولدی .

اک اول قل اولنان زمره اعدانک رئیس (تکفور)
 اولدی .

دشمنک عصیان و مخالفتده اصرار ایدنلرینی عسکر

اسلام طغنه شمشیر و باقیلرینی اسیر ایدرک شهرک
خزینہ و دفینہ لری اغتنام و بالجمله کلیسار مساجد
اسلام قلندی .

قسطنطینیہ نك جانب شمالیسنده برلیان عظیم اولوب
بونك ساحلنده (غلطه) دینکله مشهور و جنویز
طائفه سیله مملو برقلعه واردر .

استانبولی محاصره ایتدیگمز زمان خصمزمه معاونت
ایتمامک شرطیله طائفه مر قومه یه امان و یروب معاهده
ایتمشیدک .

بعد الفتح مقتولار واسیرلر ایچنده بو طائفه دن دخی
ادملر کور یلوب شو حالده بونلرک خفیاً استانبول
خلقه نه معاونت ایتش و تقض عهد ایلش اولدقلری
نمایان اولدیغندن جزای ترتیب اولمقی اوزره عسکر
ظفر مآثریمز غلطه یه هجوم ایتدیرلک مراد اولندقدہ
طائفه مر قومه عرض معذرتله عفو و امان دیلدیلر
بزدخی جرم و قباحتلرینی عفو ایدرک مله کارینی الارنده
ابقا و اوزرلرینه جزیه تخصیص ایلدک .

هم جلوسمرك و همده بوقح عظيمك اعلامي ضمنده
 حامل نامه اخلاص امير جمال الدين قابونی اعزام
 و ديكر مکتوب برده مفصلا مذکور اولان اسرا و غلمان
 واقشه و سائر هدايا مر دخی تقديم و ارسال قلمشدر .

(جنمکان سلطان فاتح محمد خان طرفندن مخدوملری)
 (قرمان حاکمی شهرزاده سلطان مصطفی طرفنه اوزون)
 (حسنک محاربه سنه سردار نصب اولنديغنی مبین)
 (کوندریلان برات شریف صورتیدر)

فرزند ارجمند دولتيار و ولد سعادت مند کامکار نور
 حديقۀ سلطنت و شهر یاری و نور حديقۀ خلافت
 و نامداری عضد الدین و والدین عون الاسلام و المسلمین
 المؤید من عند الله الملك الاعلی او غلام مصطفی طال بقاه
 و نال مناه توقیع رفیع همایون و اصل اولیحق معلوم
 اوله که مر حوم و مغفور له جهان شاه پادشاه و سعید
 شهید سلطان ابوسعید نور الله مر قد هم و واقعه نرندن
 صکره مستحق دار و رسن اولان اوزون حسن دمر الله

بوجانبه مره بعد اخری بی ادبانه مکاتیب کوندروب
 کنایه دن خالی اولما مغین جواب الاسفه السکوت اوزره
 روباه مزبوره خواب خرکوشی ویریلوب شیران پیشه
 غزاوهز بران کوه وغایرله انک تدارکنده یزان شاءالله
 تعالی اما بویامده انک بعض امراء نکونساری
 قرمان اوغلی تحریکله دیار اسلامه قصد ایتدو کین
 عرض ایلدو کک اجلدن دفعور فعیجون سنی سرعسکر
 ایدوب بیوردمکه اناطولی وروم ایلی بکار بکیسی ایله
 وقت حاجتده اوزرلرینه واروب بتوفیق الله باب
 مدافعه ده دقیقه فوت ایتیمه سز تحریرا فی اوائل شهر صفر
 ختم بالخیر والظفر سنه سبع وثمانین وثمان مائه
 بمقام قسطنطنیه

(۴)

(جوابی)

درگاه فتح قرین وبارگاه ظفر ضمین ترابنه عرضه بنده
 مکترین بودرکه حالیا فرمان شریف ورودند نصکره
 مستحق دارورسن اولانا وزرون حسن دهره اللهم

اقارب عقارب شعارندن ابن عمی یوسف بدبخت رایگی
 قرنداش لریله و نیجه بنام شرق بکریله قرامانی
 خانمانک اولادندن پیر احمد وقاسمک اوکلرینه دوشوب
 قیصریه دن بری عبور ایتدکلرنده یوبنده لری دخی
 حمیه قونییه اوکنده یوقلمه ایدوب حاضر بولسان
 لشکر ظفر اثرایله مدافله رینه متوجه اولوب اناتولی
 بککریکیسی لالام کدک احمد پاشایی صاغ قولده
 وروم ایلی بککریکیسی محمد پاشا بنده لری صول قولده
 طوروب ماه رییع الاولک اون دردی واقع اولان
 شنبه کونی مصادمه صفین واقع اولوب قوشلقدن
 ایکندییه د کین جنک وجدال و حرب و قتال
 اولدقدنصکره بعد العصر دشمنک بنختی کونشی
 غروبه ایریشوب و سردار سربداری اولان یوسف
 و مد کورون قرنداش لری زینل و عمر و مظفر ایله دل
 طوتیلوب و سائر اهراسی محمد باقروغیری نامدار لری
 خاک مذلتیه دوشوب و باشلری کسیلوب خسروالدینا
 والاخره مقوله سندن اولدیله و بقیه السیوف وادی

مخوفدن کریران اولنلرک اکثری تیه مهلیکه دن باش
 قورنارمیوب هـ لاک اولدیله (فقطع دابر القوم الذی
 ظلموا والحمد لله رب العالمین) وبوجه فتوحات سعادتلو
 پادشاه عالمپناهک خیر دعاری برکاتنده اولوب امید در که
 باشبوغلری اولان اوزون حسن دخی تیغ سیاست
 غزاتدن کشته و سرکشته بی کور و کفن تیه فلا کته
 دوشوب لاشه سی طعمه مورومار اوله ان شاء الله تعالی
 وبو مرده ایله چاشنکیه باشی محمود قولاری کوندر یلوب
 عقبه میراخور کیوان بنده لری بالجه انسان باش
 ودلر ایله سم سمند سعادت مند لری نه یوز سوری بی ایر شک
 اوزره در باقی فرمان درگاه معلانکدر بنده بی ریا
 مصطفی

(۵)

(اوزون حسنک فاتح سلطان محمد خان حضرتلری)

(طرفنه کوندر دیکی نامه مباهاتیدر)

جتاب امارتأب ایالت نصاب امیر اعظم واکرم قدوة
 الامرء فی الزمان شمس الدین محمدیک زید دولته بعد

از سلام تام و اهتمام مالا کلام معلوم داند که بمن
تأییدات حضرت سبحانی و حسن توفیقات جناب
صمدانی عزشانه ابواب فتوحات جاودانی و اسباب
سعادت و کامرانی بر چهره احوال و صفحه اعمال
ما کشاده و اماده کشته و از مکامن غیب بمیامن عنایات
بلاریب هر دم نصرت تازه و هر لحظه فرصت بی اندازه
روی می نماید و از جمله مخایل این معنی آنکه بعد از
تسخیر ممالک اذربایجان و عراق عنان عزیمت بجانب
فارس معطوف فرمودیم اعادی و مخالفان که در اینجا
بودند از منهیان معنی (جاء الحق و زهق الباطل)
شنیدند و این المفر کویان جای اقامت ندیدند و صورت
(فھزموھم باذن اللہ) بر صحایف روزگار ناپایدار
ایشان نقش بست و غبار ناامیدی بر خسار نکبتشان
نشست و چون بنات النعش متفرق شدند و فرزندان
اعز دولتیار و امراء کبار در عقب ایلغار نمودند
امید که بکرم رب الارباب عن قریب اعادی دستگیر
دولت قاهره خواهد کردانید و اکنون بفیض

الهی تمامی مملکت خوزستان و فارس از ایادی
شیاطین خناس انتزاع نمودند در دست اقتدار
نواب کامکار استقرار دارد و دارالملک شیراز مقر
سریر سلطنت و مسند خلافت شد و از جانب پادشاه
اعظم سلطان حسین بیقرا ایلچی رسید و تبرکات لایقه
باسکه و خطبه بنام همایون مارسیدند و عرض
انقیاد و مخالفت و وداد نمود و بعنایه الله تعالی از هیچ
جهت دغدغه و تکرانی ندانده احبای دولت مسرور
و اعدای خلافت مقهور (و ذلک فضل الله یؤتیہ
من یشاء) وظیفه آنکه این مرزها ابتهاج نموده
در ترتیب دولتخواهی و نیکخواهی کوشند و ابواب
درجات او عرض حالات مفتوح دارند والسلام .
{ خلاصه ترجمه سی }

بعداللقاب :

معلوم اوله که توفیقات الهیه ایلہ هر لحظه بر نصرت
جدید، صفحه امانزده یوز کوسه تر مکده اولدیغی مثلاً و
ازربایجان و عراق ممالکک تسخیرندن صکره دخی
(فارس) طرفنه عطف عنان عزیمت اولند و برق

اوراده بوانان مخالفین عزیمت می ایشدد کلری انده
بنات النعش کبی متفرق اولمش اولد قلرندن اوغلارم
وامر امن تعقیبلرینه کوندرلمشدر . امیدمن بودر که
جمله اعدامن دردست اولنور .

شمدی خوزستان وفارس مملکتی فیض الهی ایله ید
اعدادن ضبط اولدی . و شیراز مقر سلطنت اتخاذا
ابدلدی . و پادشاه اعظم سلطان حسین بیقرا
طرفندن دخی ایلمچی کلوب نام هما یونمز سهکه و خطبه
کتوردی . و اطاعت و انقیاد و مخالفت و دوستی
کوستردی . و عنایت باری ایله هیچ بر طرفدن
قورقومن قالدی .

بومژده لره انتهاج کویستروب دعای دولتمزه مداومت
ایلمیسکن والسلام .

(٦)

(جوابی)

بسم الله الرحمن الرحيم ویه نستعین (هذا کتابنا
ینطق علیکم بالحق انا کننا نستنسخ ما کنتم تعملون


اللهم مالك الملك توئى الملك من تشاء وتنزع الملك
 ممن تشاء وتعز من تشاء وتذل من تشاء بيدك الخير)
 والسلام على من اتبع الهدى خالق الكونين ورازق الثقلين
 جلّت قدرته وعلت كلمته حضرت تلبك بن قولى كه والى
 البلاد حامى العباد محبى سنه رسول الله ومجرى شريعته
 نبى الله عليه وعلى اله صلوات الله شاه سروران
 سلطان محمد بن مراد بن بايزيد خانم سكا كه سردار عجم
 خان اعظم كين خسرو يكاه فريدون زمانه حسن
 خانسين مثال شريفمده شويله اصدار پيوردمكه
 اكاه اوله سين كشي دولته مغرور اولوب حندن
 نجاوز ايدوب بي انصافله حركاتنى قيلم علامت انتقال
 دولت و امارت زوال مملكه تدر پس شول وساس
 شيطانيه كيم دماغك جوفنى مقر ايدنمدر استنشق
 ماء اثابت ايله انى زائل وعقل امامنى پيشوا ايدم سكه
 بزم مملكتمز دار الاسلامدر اباعن جد دولتتم چراغى
 كفر اهللك يورى يا غيله روشندر اسلام اهلند اكر
 يارز قصدك وار ايمه اعداى دولت وشريعتمدن

بعضی سنسین وسکا متابعت ایدوب معاونت ایدنلدر
 پس بزم دخی اول طائفه قعی قصیده اتمز ایرلنشد
 وقلیجمن قوشانمشدر بیلدم ویاغافل ایدم دیمه سن
 هیچ سن بروکک حاجت دکلدن شوال مبارکده عمت
 میامنه فتاح ذوالمنن دستور یله لشکر منصورم ايله
 قلعه قره حصارک اوزرینه واررین شول قصده که
 قهار جباره تقدست اسماؤه بن قولنی سبب قیلوب
 سنک ظلمکی مظلوملر اوزرندن کوتورم ونام و نشانکی
 نابید قیل بالجه تطویل کلام لازم دکلدن مثالی میومنه
 جواب کوندره سن والسلام علی من ارادنی بالخير
 والحمد لله الوهاب النصرة علی خیر الخلق وعظیم الخلق
 محمد واله وصحبه اجمعین الی یوم الدین

§

اشبهو کتاب بک اوغلانده قله قیوسنده کوچک خندق
 زوقاعنده ۲۹ نومروده لاترکی وشرق مطبعه سنده
 طبع اولنشد . فی ۱۵ رمضان ۱۲۹۱







PURCHASED FOR THE
UNIVERSITY OF TORONTO LIBRARY
FROM THE
CANADA COUNCIL SPECIAL GRANT
FOR
ISLAMIC STUDIES

